



LIBRARY OF CONGRESS.

PA 6515
Chap. 4 Copyright No.

Shelf A3R6

1894a
UNITED STATES OF AMERICA.

CORNELII NEPOTIS VITAE

THE LIVES

OF

CORNELIUS NEPOS

WITH NOTES, EXERCISES, AND VOCABULARY

BY

JOHN C. ROLFE, PH.D.

UNIVERSITY OF MICHIGAN



Boston

ALLYN AND BACON

1894

56347-Y

PA 6515
A3R6
1894a

COPYRIGHT, 1894,
By JOHN C. ROLFE.

12-37094

Norwood Press :
J. S. Cushing & Co. — Berwick & Smith.
Boston, Mass., U.S.A.

TO

Professor William Gardner Hale

OF

THE UNIVERSITY OF CHICAGO

WITH GRATITUDE AND HIGH REGARD



CONTENTS.



	PAGE
INTRODUCTION	ix

TEXT:

Liber dē Excellentibus Ducibus Exterārum

Gentium	I—II 6
Praefātiō	I
I. Miltiadēs	3
II. Themistoclēs	9
III. Aristīdēs	17
IV. Pausaniās	19
V. Cīmōn	23
VI. L̄ysander	26
VII. Alcibiadēs	29
VIII. Thrasybūlus	38
IX. Conōn	41
X. Diōn	45
XI. Īphicratēs	52
XII. Chabriās	54
XIII. Tīmotheus	57
XIV. Datamēs	60
XV. Epamīnōndās	68

	PAGE
XVI. Pelopidās	76
XVII. Agēsilāus	80
XVIII. Eumenēs	86
XIX. Phōciōn	96
XX. Tīmoleōn	99
XXI. Dē Rēgibus	103
XXII. Hamilcar	105
XXIII. Hannibal	108
Ex Librō dē Latīnīs Historicīs	117-135
XXIV. Catō	117
XXV. Atticus	120
NOTES	
EXERCISES FOR TRANSLATION INTO LATIN	
RULES FOR THE PRONUNCIATION OF PROPER NAMES	
VOCABULARY.	

CORNĒLIĪ NEPŌTIS

LIBER DĒ EXCELLENTIBUS DUCIBUS

EXTERĀRUM GENTIUM.

PRAEFĀTIŌ.

Nōn dubitō fore plērōsque, Attice, quī hōc genus scrip-
tūrae leve et nōn satis dīgnum summōrum virōrum
persōnīs iūdicent, cum relātum legent quis mūsicam
docuerit Epaminōndam, aut in ēius virtūtibus commemo-
rārī, saltāsse eum commodē scienterque tibiīs cantāsse. 5
Sed hī erunt ferē, quī expertēs litterārum Graecārum nihil
rēctum, nisi quod ipsōrum mōribus conveniat, putābunt.
Iī sī didicerint nōn eadem omnibus esse honesta atque
turpia, sed omnia māiōrum institūtis iūdicārī, nōn ad-
mīrābuntur nōs in Grāiōrum virtūtibus expōnendis mōrēs 10
eōrum secūtōs. Neque enim Cīmōnī fuit turpe, Athēni-
ēnsium summō virō, sorōrem germānam habēre in
mātrimōniō, quippe cum cīvēs ēius eōdem ūterentur
institutō; at id quidem nostrīs mōribus nefās habētur.
Nulla Lacedaemonī vidua tam est nōbilis, quae nōn ad 15
cēnam eat conducta. Māgnīs in laudibus tōtā ferē
fuit Graeciā victōrem Olympiae citārī; in scaenam vērō
prōdire ac populō esse spectāculō nēminī in eisdem
gentibus fuit turpitūdini. Quae omnia apud nōs partim
infāmia, partim humilia atque ab honestāte remōta pō- 20

nuntur. Contrā ea plēraque nostrīs mōribus sunt decōra,
quae apud illōs turpia putantur. Quem enim Rōmā-
nōrum pudet uxōrem dūcere in convīvium? Aut cūius
nōn māter familiās primum locum tenet aedium atque
5 in celebritāte versātur? Quod multō fit aliter in Graeciā;
nam neque in convīvium adhibētur nisi propīnquōrum,
neque sedet nisi in interiōre parte aedium, quae gynae-
cōnītis appellātur, quō nēmō accēdit nisi propīnquā cōgnā-
tiōne coniūctus. Sed hīc plūra persequī cum māgnitūdō
10 volūminis prohibet, tum festīnātiō, ut ea explicem, quae
exōrsus sum. Quā rē ad prōpositum veniēmus et in hōc
expōnēmus librō dē vitā excellentium imperātōrum.

I. MILTIADĒS.

I. Miltiadēs, Cīmōnis fīlius, Athēniēnsis, cum et antiquitāte generis et glōriā māiōrum et suā modestiā ūnus omnium māximē flōrēret eāque esset aetāte ut nōn iam solum dē eō bene spērāre, sed etiam cōnfidere cīvēs possent suī tālem eum futūrum quālem cōgnitum iūdicā- 5 runt, accidit ut Athēniēnsēs Chersonēsum colōnōs vellent mittere. Cūius generis cum māgnus numerus esset et multī ēius dēmigrātiōnis peterent societātem, ex eīs dēlēctī Delphōs dēliberātum mīssī sunt, quō potissimum duce ūterentur. Namque tum Thraecēs eās regiōnēs tenēbant, 10 cum quibus armīs erat dimicandum. Hīs cōnsulentibus nōminātīm Pŷthia praecēpit, ut Miltiadem imperātōrem sibi sūmerent: id sī fēcissent, incepta prōspera futūra. Hōc ōrāculī respōnsō Miltiadēs cum dēlēctā manū classe Chersonēsum profectus cum accessisset Lēmnum et in- 15 colās ēius insulae sub potestātem redigere vellet Athēniēnsium, idque ut Lēmniī suā sponte facerent postulāset, illī inridentēs respondērunt tum id sē factūrōs, cum ille domō nāvibus profectus ventō aquilōne vēnisset Lēmnum; hīc enim ventus ab septemtriōnibus oriēns adversum 20 tenet Athēnīs proficīsentibus. Miltiadēs morandī tempus nōn habēns cursum dirēxit quō tendēbat, pervēnitque Chersonēsum.

II. Ibi brevī tempore barbarōrum cōpiis disiectis, tōtā regiōne quam petierat potītus, loca castellis idōnea com- 25 mūniit, multitūdinem quam sēcum dūxerat in agrīs conlocāvit crēbrisque excursiōnibus locuplētāvīt. Neque minus

in eā rē prūdentiā quam fēlicitāte adiūtus est; nam cum virtūte mīlitum dēvīcisset hostium exercitūs, summā aequitāte rēs cōstituit atque ipse ibīdem manēre dēcrēvit. Erat enim inter eōs dignitāte rēgiā, quamquam
5 carēbat nōmine, neque id magis imperiō quam iūstitiā consecūtus; neque eō sētius Athēniēnsibus, ā quibus erat profectus, officia praestābat. Quibus rēbus fiēbat ut nōn minus eōrum voluntāte perpetuum imperium obtinēret quī mīserant, quam illōrum cum quibus erat profectus. Cher-
10 sonēsō tālī modō cōstitutā Lēmnum revertitur et ex pactō postulat ut sibi urbem trādant — illi enim dixerant, cum ventō borēā domō profectus eō pervēnisset, sēsē dēditūrōs — sē enim domum Chersonēsī habēre.

Cārēs, quī tum Lēmnum incolēbant, etsī praeter opīn-
15 iōnem rēs ceciderat, tamen nōn dictō, sed secundā fōrtūnā adversāriōrum captī resistere ausī nōn sunt atque ex insulā dēmigrārunt. Parī fēlicitāte cēterās insulās, quae Cȳclades nōminantur, sub Athēniēnsium redēgit potestātem.

20 III. Eīsdem temporibus Persārum rēx Dārēus ex Asiā in Eurōpam exercitū trāiectō Scythīs bellum inferre dēcrēvit. Pōntem fēcit in Histrō flūmine, quā cōpiās trādūceret. Eius pōntis, dum ipse abesset, custōdēs reliquit prīncipēs quōs sēcum ex Iōniā et Aeolide dūxerat;
25 quibus singulārū urbium perpetua dederat imperia. Sic enim facillimē putāvit sē Graecā linguā loquentēs quī Asiā incolerent sub suā retentūrum potestāte, si amicīs suis oppida tuenda trādidisset; quibus sē oppressō nūlla spēs salūtis relinquerētur. In hōc fuit tum numerō Mil-
30 tiadēs. Hīc cum crēbrī adferrent nūntiī male rem gerere Dārēum premīque ā Scythīs, hortātus est pōntis custōdēs nē ā fōrtūnā datam occāsionem liberandae Graeciae

dimitterent. Nam sī cum eīs cōpiīs, quās sēcum trāns-
portārat, interisset Dārēus, nōn solum Eurōpam fore
tūtā, sed etiam eōs quī Asiam incolerent Graecī genere
liberōs ā Persārum futūrōs dominātiōne et periculō. Id
facile effici posse: pōnte enim rescissō rēgem vel hos- 5
tium ferrō vel inopiā paucīs diēbus interitūrum. Ad hōc
cōnsilium cum plērīque accēderent, Histiaeus Milēsius nē
rēs cōnficerētur obstitit, dicēns nōn idem ipsīs, quī
summās imperiī tenērent, expedire et multitudīnī, quod
Dārēi rēgnō ipsōrum nīterētur dominātiō; quō extinctō 10
ipsōs potestāte expulsōs cīvibus suis poenās datūrōs.
Itaque adeō sē abhorrēre ā cēterōrum cōnsiliō, ut nihil
putet ipsīs ūtilius quam cōnfirmārī rēgnum Persārum.

Hūius cum sententiam plūrimī essent secūtī, Miltiadēs
nōn dubitāns tam multīs cōnsiliis ad rēgis aurēs cōnsilia 15
sua perventūra, Chersonēsum reliquit ac rūsus Athēnās
dēmigrāvit. Cūius ratiō etsī nōn valuit, tamen māgnō
opere est laudanda, cum amīcior omnium libērtātī quam
suae fuerit dominātiōnī.

IV. Dārēus autem, cum ex Eurōpā in Asiam redisset, 20
hortantibus amīcīs ut Graeciam redigeret in suam potes-
tātem, classem quīngentārum nāvium comparāvit eīque
Dātim praefēcit et Artaphernem eisque ducenta peditum,
decem equitum mīlia dedit, causam interserēns sē hostem
esse Athēniēnsibus, quod eōrum auxiliō Iōnes Sardīs ex- 25
pūgnāssent suaque praesidia interfēcissent. Illi praefectī
rēgiī classe ad Euboeam appulsā celeriter Eretriam cēpē-
runt omnēsque ēius gentis cīvēs abreptōs in Asiam ad
rēgem mīsērunt. Inde ad Atticam accessērunt ac suās
cōpiās in campum Marathōna dēdūxērunt; is abest ab 30
oppidō circiter mīlia passuum decem.

Hōc tumultū Athēniēnsēs tam propīnquō tamque māgnō

permōtī auxilium nusquam nisi ā Lacedaemoniīs petivē-
runt Phīdippumque, cursōrem ēius generis, quī hēmero-
dromoe vocantur, Lacedaemonem misērunt, ut nūntiāret
quam celerrimō opus esse auxiliō. Domī autem creant
5 decem praetōrēs, quī exercituī praeessent, in eīs Miltia-
dem; inter quōs māgna fuit contentiō, utrum moenibus
sē dēfenderent an obviam īrent hostibus aciēque dē-
cernerent. Ūnus Miltiadēs māximē nītēbātur ut primō
quōque tempore castra fierent: id sī factum esset, et
10 cīvibus animum accessūrum, cum vidērent dē eōrum vir-
tūte nōn dēspērārī, et hostēs eādem rē fore tardiōrēs, sī
animadverterent audērī adversus sē tam exiguis cōpiīs
dīmīcārī.

V. Hōc in tempore nūlla cīvitas Athēniēnsibus auxiliō
15 fuit praeter Plataeēnsēs; ea mille misit mīlitum. Itaque
hōrum adventū decem mīlia armātōrum complēta sunt,
quae manus mīrābili flagrābat pūgnandī cupiditāte; quō
factum est ut plūs quam conlēgae Miltiadēs valeret.

Ēius ergō auctōritāte impulsī Athēniēnsēs cōpiās ex
20 urbe ēdūxērunt locōque idōneō castra fēcērunt. Dein
posterō diē sub mōntis rādīcibus aciē regiōne īnstrūctā
nōn apertissimā — namque arborēs multis locīs erant rārae
— proelium commīsērunt hōc cōnsiliō, ut et mōntium
altitūdine tegerentur et arborum tractū equitātus hostium
25 impedīrētur, nē multitūdine clauderentur. Dātis etsī nōn
aequum locum vidēbat suis, tamen frētus numerō cōpi-
ārum suārum cōnfligere cupiēbat, eōque magis quod,
priusquam Lacedaemoniī subsidiō venīrent, dīmīcāre ūtile
arbitrābātur. Itaque in aciem peditum centum, equitum
30 decem mīlia prōdūxit proeliumque commisit. In quō
tantō plūs virtūte valuērunt Athēniēnsēs, ut decemPLICEM
numerus hostium prōflīgārīnt, adeōque eōs perterruērunt,

ut Persae nōn castra, sed nāvēs petierint. Quā pūgnā nihil adhūc exstitit nōbilius; nūlla enim umquam tam exigua manus tantās opēs prōstrāvit.

VI. Cūius victōriae nōn aliēnum vidētur quāle prae-
mium Miltiadī sit tribūtum docēre, quō facilius intellegī 5
possit eandem omnium cīvitatū esse nātūrā. Ut enim
populī Rōmānī honōrēs quondam fuērunt rārī et tenuēs
ob eamque causam glōriōsī, nunc autem effūsī atque
obsolētī, sīc ōlim apud Athēniēnsēs fuisse reperīmus.
Namque huic Miltiadī, quī Athēnās tōtamque Graeciam 10
liberārat, tālis honōs tribūtus est, in porticū quae Poecilē
vocātur cum pūgna dēpingerētur Marathōnia, ut in decem
praetōrum numerō prīma ēius imāgō pōnerētur isque
hortārētur milītēs proeliumque committeret. Īdem ille
populus, postea quam māius imperium est nactus et largī- 15
tione magistrātuum corruptus est, trecentās statuās Dēmē-
triō Phalēreō dēcrēvit.

VII. Post hōc proelium classem septuāgintā nāvium
Athēniēnsēs eidem Miltiadī dedērunt, ut īsulās quae
barbarōs adiūverant bellō persequerētur. Quō in imperiō 20
plērāsque ad officium redire coēgit, nōnnūllās vī expūgnā-
vit. Ex hīs Parum īsulam opibus ēlātā cum ōrātiōne
reconciliāre nōn posset, cōpiās ē nāvibus edūxit, urbem
operibus clausit omnique commeātū prīvāvit; dein vīneīs
ac testūdīnibus cōstitūtīs propius mūrōs accessit. Cum 25
iam in eō esset ut oppidō potirētur, procul in continentī
lūcus, quī ex īsulā cōspiciēbātur, nēsciō quō cāsū
nocturnō tempore incēsus est. Cūius flamma ut ab
oppidānīs et oppūgnātōribus est vīsa, utrīsque vēnit in
opīnionem sīgnum ā classiāriīs rēgiīs datum. Quō factum 30
est ut et Pariī ā dēditione dēterrērentur et Miltiadēs,
timēns nē classis rēgia adventāret, incēnsis operibus quae

statuerat, cum totidem nāvibus atque erat profectus Athēnās māgnā cum offēnsiōne cīvium suōrum redīret.

Accūsātus ergō est prōditiōnis, quod, cum Parum expūgnāre posset, ā rēge corruptus infectis rēbus discessisset. Eō tempore aeger erat vulneribus, quae in oppūgnandō oppidō accēperat. Itaque cum ipse prō sē dicere nōn posset, verba fēcit frāter eius Stēsagorās.

Causā cōgnitā capitis absolūtus pecūniā multātus est, eaque līs quīnquāgintā talentis aestimāta est, quantus in classem sūmptus factus erat. Hanc pecūniam quod solvere in praesentiā nōn poterat, in vincla pūblica coniectus est ibique diem obiit suprēmum.

VIII. Hīc etsi crimine Pariō est accūsātus, tamen alia causa fuit damnātiōnis. Namque Athēniēnsēs propter Pisistratī tyrannidem, quae paucis annis ante fuerat, nimiam cīvium suōrum potentiam extimēscēbant. Miltiadēs, multum in imperiis magistrātibusque versātus, nōn vidēbātur posse esse prīvātus, praesertim cum cōsuetūdine ad imperiū cupiditatem trahī vidērētur. Nam in Chersonēsō omnēs illōs quōs habitārat annōs perpetuam obtinuerat dominātiōnem tyrannusque fuerat appellātus, sed iūstus. Nōn erat enim vī cōsecūtus, sed suōrum voluntāte, eamque potestatem bonitāte retinēbat. Omnēs autem et dicuntur et habentur tyrannī, quī potestāte sunt perpetuā in eā civitate quae libertate ūsa est. Sed in Miltiade erat cum summa hūmānitās tum mīra communitās, ut nēmō tam humilis esset, cui nōn ad eum aditus patēret; māgna auctoritās apud omnēs civitatēs, nōbile nōmen, laus rei militāris māxima. Haec populus respiciēs māluit illum innoxium plecti quam sē diūtius esse in timōre.

II. THEMISTOCLĒS.

I. Themistoclēs, Neoclī fīlius, Athēniēnsis. Hūius vitia ineuntis adulēscētiaē māgnīs sunt ēmendāta virtūtibus, adeō ut antefērātur huic nēmō, paucī parēs putentur. Sed ab initio est ōrdiendus. Pater ēius Neoclēs generōsus fuit. Is uxōrem Acarnānam cīvem dūxit, ex quā 5 nātus est Themistoclēs. Quī cum minus esset probātus parentibus, quod et liberius vivēbat et rem familiārem negligēbat, ā patre exhērēdātus est. Quae contumēlia nōn frēgit eum, sed ērēxit; nam cum iūdicāset sine summā industriā nōn posse eam exstinguī, tōtum sē 10 dēdidit rei pūblicae, diligētius amicis fāmaeque serviēns. Multum in iūdiiciis prīvātis versābātur, saepe in cōtiōnem populī prōdībat; nūlla rēs māior sine eō gerēbātur; celeriter quae opus erant reperiēbat, facile eadem ōrātiōne explicābat, neque minus in rēbus gerendis prōmptus 15 quam excōgitandis erat, quod et dē instantibus, ut ait Thūcýdidēs, vērissimē iūdicābat et dē futūris callidissimē coniciēbat. Quō factum est ut brevī tempore inlūstrārētur.

II. Prīmus autem gradus fuit capēssendae rei pūblicae 20 bellō Corcýraeō; ad quod gerendum praetor ā populō factus nōn solum praesentī bellō, sed etiam reliquō tempore ferōciōrem reddidit cīvitātem. Nam cum pecūnia pūblica, quae ex metallis redibat, largitiōne magistrātuum quotannis interīret, ille persuāsit populō ut eā pecūniā 25 classis centum nāvium aedificārētur. Quā celeriter effectā prīmum Corcýraeōs frēgit, deinde maritimōs praedōnēs

cōsectandō mare tūtum reddidit. In quō cum divitiis
ōrnāvit, tum etiam peritissimōs bellī nāvālis fēcit Athē-
niēnsēs. Id quantae salūtī fuerit ūniversae Graeciae,
bellō cōgnitum est Persicō. Nam cum Xerxēs et mari
5 et terrā bellum ūniversae īferret Eurōpae, cum tantis
cōpiis eam invāsīt, quantās neque ante nec postea habuit
quisquam: hūius enim classis mille et ducentārum nāvium
longārū fuit, quam duo milia onerāriarū sequēbantur;
terrestris autem exercitus septingentā peditum, equitum
10 quadringentā milia fuērunt.

Cūius dē adventū cum fāma in Graeciam esset perlāta
et māximē Athēniēnsēs petī dicerentur propter pūgnam
Marathōniam, mīsērunt Delphōs cōsultum, quidnam face-
rent dē rēbus suis. Dēliberantibus Pŷthia respondit, ut
15 moenibus ligneis sē mūnirēt. Id respōsum quō valeret
cum intellegeret nēmō, Themistoclēs persuāsīt cōsiliū
esse Apollinis, ut in nāvēs sē suaque cōferrent: eum
enim ā deō significārī mūrum ligneum. Tālī cōsiliō
probātō addunt ad superiōrēs totidem nāvēs trirēmēs
20 suaque omnia quae movērī poterant partim Salamīna,
partim Troezēna dēportant; arcem sacerdotibus paucis-
que māiōribus nātū ad sacra prōcūranda trādunt, reli-
quum oppidum relinquunt.

III. Hūius cōsiliū plērisque cīvitatibus displicēbat
25 et in terrā dimicārī magis placēbat. Itaque missi sunt
dēlecti cum Leōnidā, Lacedaemoniōrū rēge, quī Ther-
mopylās occupārent longiusque barbarōs prōgredi nōn
paterentur. Ii vim hostium nōn sustinuērunt eoque locō
omnēs interiērunt. At classis commūnis Graeciae tre-
30 centārum nāvium, in quā ducentae erant Athēniēnsium,
prīmum apud Artemīsium inter Euboeam continentemque
terram cum classiariis rēgiis cōflīxit. Angustiās enim

Themistoclēs quaerēbat, nē multitudīne circumīrētur. Hinc etsī parī proeliō discesserant, tamen eōdem locō nōn sunt ausī manēre, quod erat perīculum, nē, sī pars nāvium adversāriōrum Euboeam superāset, ancipitī premerentur periculō. Quō factum est ut ab Artemisiō discēderent 5 et exadversum Athēnās apud Salamīna classem suam cōstituerent.

IV. At Xerxēs Thermopylīs expūgnātis prōtinus accessit astū idque nūllis dēfendentibus interfectīs sacerdotibus, quōs in arce invēnerat, incendiō dēlēvit. Cūius 10 flammā perterritī classiārīi cum manēre nōn audērent et plūrimī hortārentur ut domōs suās discēderent moenibusque sē dēfenderent, Themistoclēs ūnus restitit et ūniversōs parēs esse posse aīēbat, dispersōs testābātur peritūrōs, idque Eurybiadī, rēgī Lacedaemoniōrum, quī 15 tum summae imperiī praeerat, fore adfīrmābat. Quem cum minus quam vellet movēret, noctū dē servīs suis quem habuit fidēlissimum ad rēgem mīsīt, ut eī nūntiāret suis verbīs, adversāriōs ēius in fugā esse: quī sī discessissent, māiōre cum labōre et longīnquiōre tempore 20 bellum cōfectūrum, cum singulōs cōsectārī cōgerētur; quōs sī statim aggredērētur, brevī ūniversōs oppressūrum. Hōc eō valēbat, ut ingrātīs ad dēpūgnandum omnēs cōgerentur. Hāc rē audītā barbarus, nihil dolī subesse crēdēs, postrīdiē aliēnissimō sibi locō, contrā opportū- 25 nissimō hostibus, adeō angustō marī cōnflīxit, ut ēius multitudō nāvium explicārī nōn potuerit. Victus ergō est magis etiam cōsiliō Themistoclī quam armīs Graeciae.

V. Hic etsī male rem gesserat, tamen tantās habēbat reliquiās cōpiārum, ut etiam tum eīs opprimere posset 30 hostēs. Iterum ab eōdem gradū dēpulsus est. Nam Themistoclēs, verēns nē bellāre persevērāret, certiōrem

eum fēcit id agī, ut pōns, quem ille in Hellēspontō
fēcerat, dissolverētur ac reditū in Asiam exclūderētur,
idque eī persuāsit. Itaque quā sex mēnsibus iter fēcerat,
eādē minus diēbus trīgintā in Asiam reversus est sēque
5 ā Themistocle nōn superātum, sed cōservātum iūdicāvit.
Sic ūnūs virī prūdentiā Graecia liberāta est Eurōpaeque
succubuit Asia. Haec altera victōria, quae cum Mara-
thōniō possit comparārī tropaeō. Nam parī modō apud
Salamīna parvō numerō nāvium māxima post hominum
10 memoriā classis est dēvīcta.

VI. Māgnus hōc bellō Themistoclēs fuit neque minor
in pāce. Cum enim Phalēricō portū neque māgnō neque
bonō Athēniēnsēs ūterentur, hūius cōsiliō triplex Pīraei
portus cōstitūtus est eisque moenibus circumdatus, ut
15 ipsam urbem dīgnitāte aequiperāret, ūtilitāte superāret.
Idem mūrōs Athēniēnsium restituit praecipuō suō periculō.
Namque Lacedaemoniī causam idōneam nactī propter
barbarōrum excursiōnēs, quā negārent oportēre extrā
Peloponnēsum ūllam urbem mūrōs habēre, nē essent loca
20 mūnīta, quae hostes possiderent, Athēniēnsēs aedificantēs
prohibēre sunt cōnātī. Hōc longē aliō spectābat atque
vidērī volēbant. Athēniēnsēs enim duābus victōriīs, Mara-
thōniā et Salamīniā, tantam glōriam apud omnēs gentēs
erant cōsecūtī, ut intellexerent Lacedaemoniī dē prīn-
25 cipātū sibi cum eīs certāmen fore. Quā rē eōs quam
īnfirmissimōs esse volēbant. Postquam autem audiērunt
mūrōs struī, lēgātōs Athēnās mīsērunt, quī id fierī vetā-
rent. His praesentibus dēsīērunt ac sē dē eā rē lēgātōs
ad eōs mīssūrōs dixerunt. Hanc lēgatiōnem suscepit
30 Themistoclēs et sōlus primō profectus est; reliquī lēgātī
ut tum exīrent, cum satis altī tuendō mūrī exstrūctī
vidērēntur, praecēpit: interim omnēs, servī atque liberī

opus facerent neque ulli locō parcerent, sive sacer sive privatus esset sive publicus, et undique, quod idōneum ad muniendum putarent, congererent. Quō factum est ut Athēniēnsium mūrī ex sacellis sepulcrisque cōstarent.

VII. Themistoclēs autem ut Lacedaemonem vēnit, adire 5
ad magistrātū nōluit et dedit operam ut quam longissimē
tempus dūceret, causam interpōnēns sē conlēgās exspec-
tare. Cum Lacedaemoniī quererentur opus nihilō minus
fierī eumque in eā rē cōnārī fallere, interim reliquī lē-
gātī sunt cōsecūtī. Ā quibus cum audisset nōn multum 10
superesse mūnitiōnis, ad ephorōs Lacedaemoniōrum ac-
cessit, penes quōs summum erat imperium, atque apud
eōs contendit falsa eis esse delāta: quā rē aequum esse
illōs virōs bonōs nōbilēsque mittere quibus fidēs habē-
rētur, quī rem explōrarent; intereā sē obsidem retinē- 15
rent. Gestus est eī mōs, trēsque lēgātī fūctī summīs
honōribus Athēnās missī sunt. Cum hīs conlēgās suōs
Themistoclēs iussit proficisci eisque praedixit, ut nē prius
Lacedaemoniōrum lēgātōs dīmitterent quam ipse esset
remissus. 20

Hōs postquam Athēnās pervēnisse ratus est, ad magis-
trātū senātumque Lacedaemoniōrum adiit et apud eōs
liberrimē professus est: Athēniēnsēs suō cōnsiliō, quod
commūnī iūre gentium facere possent, deōs publicōs
suōsque patriōs ac Penātēs, quō facilius ab hoste possent 25
dēfendere, mūrīs saepsisse neque in eō quod inūtile esset
Graeciae fēcisse. Nam illōrum urbem ut prōpugnāculum
oppositum esse barbarīs, apud quam iam bis cōpiās
rēgiās fēcisse naufragium. Lacedaemoniōs autem male et
iniūstē facere, quī id potius intuērentur, quod ipsōrum 30
dominatiōnī quam quod ūniversae Graeciae ūtile esset.
Quā rē, sī suōs lēgātōs recipere vellent, quōs Athēnās

miserant, sē remitterent, cum aliter illōs numquam in patriam essent receptūrī.

VIII. Tamen nōn effūgit cīvium suōrum invidiam. Namque ob eundem timōrem, quō damnātus erat Mil-
5 tiadēs, testulārū suffrāgiis ē civitāte ēiectus Argos habi-
tātum concessit. Hīc cum propter multās virtūtēs māgnā
cum dīgnitāte vīveret, Lacedaemoniī lēgātōs Athēnās
miserunt, quī eum absentem accūsārent, quod societātem
cum rēge Perse ad Graeciam opprimendam fēcisset. Hōc
10 crīmine absēns damnātus est.

Id ut audīvīt, quod nōn satis tūtum sē Argīs vidēbat,
Corcȳram dēmigrāvit. Ibi cum prīncipēs animadvertisset
timēre nē propter sē bellum eis Lacedaemoniī et Athēni-
ēnsēs indicerent, ad Admētum, Molossūm rēgem, cum
15 quō eī hospitium nōn erat, cōnfūgit. Hūc cum vēnisset
et in praesentiā rēx abesset, quō māiōre religiōne sē re-
ceptum tuērētur, filium eius parvulūm adripuit et cum
eō sē in sacrārium quod summā colēbātur caerimōniā
coniēcīt. Inde nōn prius ēgressus est, quam rēx eum
20 datā dextrā in fidem reciperet, quam praestitit. Nam
cum ab Athēniēnsibus et Lacedaemoniīs exposcerētur
pūblicē, supplicem nōn prōdidit monuitque ut cōnsuleret
sibi: difficile enim esse in tam propīnquō locō tūtō eum
versārī. Itaque Pydnam eum dēdūcī iussit et quod satis
25 esset praesidiū dedit. Hīc in nāvem omnibus ignōtus
nautis ēscendit. Quae cum tempestāte māximā Naxum
ferrētur, ubi tum Athēniēnsium erat exercitus, sēnsit
Themistoclēs, si eō pervēnisset, sibi esse pereundum.

Hāc necessitāte coāctus dominō nāvis quis sit aperit,
30 multa pollicēns, sī sē cōservāset. At ille clārissimī virī
captus misericordiā diem noctemque procul ab īnsulā in
salō nāvem tenuit in ancorīs neque quemquam ex eā

exīre passus est. Inde Ephesum pervēnit ibique Themistoclem expōnit. Cū ille prō meritīs postea grātiā rettulit.

IX. Sciō plērōsque ita scrīpsisse, Themistoclem Xerxe rēgnante in Asiam trānsisse. Sed ego potissimum Thū- 5
cŷdidī crēdō, quod aetāte proximus dē eīs, quī illōrum
temporum historiam reliquērunt, et ēiusdem cīvītātis fuit.
Is autem ait ad Artaxerxē eum vēnisse atque hīs verbīs
epistulam mīsisse: “Themistoclēs vēnī ad tē, quī plūrima
mala omnium Grāiōrum in domum tuam intulī, quam diū 10
mihi necesse fuit adversum patrem tuum bellāre patriamque meam dēfendere. Idem multō plūra bona fēcī,
postquam in tūtō ipse et ille in periculō esse coepit;
nam cum in Asiam revertī vellet proeliō apud Salamīna
factō, litterīs eum certiōrem fēcī id agī ut pōns, quem 15
in Hellēspontō fēcerat, dissolverētur atque ab hostibus
circumīrētur; quō nūntiō ille periculō est liberātus. Nunc
autem cōnfūgī ad tē exagitātus ā cūctā Graeciā, tuam
petēns amīcitiam; quam sī erō adeptus, nōn minus mē
bonum amīcum habēbis, quam fortem inimicum ille ex- 20
pertus est. Tē autem rogō, ut dē eīs rēbus, quas tēcum
conloquī volō, annum mihi tempus dēs eōque trānsactō
ad tē venīre patiāris.”

X. Hūius rēx animī māgnitudinem admīrāns cupiēns-
que tālem virum sibi conciliārī veniam dedit. Ille omne 25
illud tempus litterīs sermōnīque Persārum dedit; quibus
adeō ērudītus est, ut multō commodius dīcātur apud
rēgem verba fēcisse, quam iī poterant quī in Perside
erant nātī. Hic cum multa rēgī esset pollicitus grātissi-
mumque illud, sī suis ūtī cōsiliīs vellet, illum Graeciam 30
bellō oppressūrum, māgnīs mūneribus ab Artaxerxe dō-
nātus in Asiam rediit domiciliumque Magnēsiaē sibi cōn-

stituit. Namque hanc urbem eī rēx dōnārat, hīs quidem verbīs, quae eī pānem praebēret — ex quā regiōne quīnquāgēnā talenta quotannis redībant — Lampsacum autem, unde vīnum sūmeret, Myunta, ex quā obsōnium habēret.

- 5 Hūius ad nostram memoriam monumenta mānsērunt duo: sepulcrum prope oppidum, in quō est sepultus, statua in forō Māgnēsiae. Dē cūius morte multimodīs apud plērōsque sc̄iptum est, sed nōs eundem potissimum Thūcŷdidem auctōrem probāmus, quī illum ait Māgnēsiae
10 morbō mortuum neque negat fuisse fāmam, venēnum suā sponte sūmpsisse, cum sē quae rēgī dē Graeciā opprimendā pollicitus esset praestāre posse dēspērāret. Īdem ossa eīus clam in Atticā ab amīcīs sepulta, quoniam lēgibus nōn concēderētur, quod prōditiōnis esset damnātus, me-
15 moriae prōdidit.

III. ARISTIDĒS.

I. Aristidēs, Lysimachī filius, Athēniēnsis, aequālis ferē fuit Themistocli atque cum eō dē principātū contendit; namque obtrectārunt inter sē. In hīs autem cōgnitum est, quantō antestāret ēloquentiā innocentiae. Quamquam enim adeō excellēbat Aristidēs abstinentiā, ut ūnus post 5 hominum memoriam, quem quidem nōs audierimus, cōgnōmine Iūstus sit appellātus, tamen ā Themistocle conlabefactus testulā illā exsilio decem annōrum multātus est. Quī quidem cum intellexeret reprimi concitātam multitudinem nōn posse, cēdēnsque animadvertisset quendam 10 scribentem, ut patriā pellerētur, quaesisse ab eō dīcitur quā rē id faceret aut quid Aristidēs commisisset, cūr tantā poenā dignus dūcerētur. Cui ille respondit sē ignōrāre Aristidēn, sed sibi nōn placēre, quod tam cupidē laborāssset ut praeter cēterōs iūstus appellārētur. Hīc decem 15 annōrum lēgitimam poenam nōn pertulit. Nam postquam Xerxēs in Graeciam dēscendit, sextō ferē annō quam erat expulsus, populī scītō in patriam restitūtus est.

II. Interfuit autem pūgnae nāvālī apud Salamīna, quae facta est prius quam poenā liberārētur. Idem praetor 20 fuit Athēniēnsium apud Plataeās in proeliō quō fūsus barbarōrum exercitus Mardoniusque interfectus est. Neque aliud est ūllum hūius in rē militārī inlūstre factum quam ēius imperiī memoria, iūstitiae vērō et aequitātis et innocentiae multa, in primīs quod hūius aequitāte factum est, 25 cum in commūnī classe esset Graeciae simul cum Pausaniā — quō duce Mardonius erat fugātus — ut summa imperiī

maritimī ab Lacedaemoniīs trāsferrētur ad Athēniēnsēs ;
namque ante id tempus et mari et terrā ducēs erant
Lacedaemoniī. Tum autem et intemperantiā Pausaniae
et iūstitiā factum est Aristidis, ut omnēs ferē cīvitatēs
5 Graeciae ad Athēniēnsium societātem sē applicārent et
adversus barbarōs hōs ducēs dēligerent sibi.

III. Quōs quō facilius repellerent, sī forte bellum
renovāre cōnārentur, ad classēs aedificandās exercitūsque
comparandōs quantum pecūniae quaeque cīvitas daret,
10 Aristidēs dēlēctus est quī cōstitueret, ēiusque arbitriō
quadringēna et sexāgēna talenta quotannis Dēlum sunt
conlāta ; id enim commūne aerārium esse voluērunt.
Quae omnis pecūnia posterō tempore Athēnās trāslāta
est. Hic quā fuerit abstinentiā, nūllum est certius indi-
15 cium quam quod, cum tantīs rēbus praefuisset, in tantā
paupertāte dēcessit, ut quī efferrētur vix reliquerit. Quō
factum est ut filiae ēius pūblicē alerentur et dē commūnī
aerāriō dōtibus datīs conlocārentur. Dēcessit autem ferē
post annum quartum quam Themistoclēs Athēnīs erat
20 expulsus.

IV. PAUSANIĀS.

I. Pausaniās Lacedaemonius māgnus homō, sed varius in omnī genere vitae fuit; nam ut virtūtibus elūxit, sic vitiis est obrutus. Hūius inlūstrissimum est proelium apud Plataeās. Namque illō duce Mardonius, satrapēs rēgius, nātiōne Mēdus, rēgis gener, in prīmīs omnium 5 Persārum et manū fortis et cōsiliī plēnus, cum ducentīs milibus peditum, quōs virītim lēgerat, et vīgintī equitum haud ita māgnā manū Graeciae fugātus est, eoque ipse dux cecidit proeliō. Quā victōriā elātus plūrima miscēre coepit et māiōra concupiscere. Sed primum in eō est 10 reprehēnsus, quod ex praedā tripodem aureum Delphīs posuisset epigrammate inscriptō, in quō haec erat sententia: suō ductū barbarōs apud Plataeās esse delētōs eiusque victōriae ergō Apollinī id dōnum dedisse. Hōs versūs Lacedaemoniī exsculpsērunt neque aliud scripsērunt 15 quam nōmina eārum civitātum, quārum auxiliō Persae erant victi.

II. Post id proelium eundem Pausaniam cum classe commūnī Cyprum atque Hellēspontum misērunt, ut ex eīs regiōnibus barbarōrum praesidia depelleret. Parī felicitate in eā rē ūsus elātius se gerere coepit māiōrēsque 20 appetere rēs. Nam cum Byzantiō expūgnātō cēpisset complūrēs Persārum nōbilēs atque in eīs nōnnullōs rēgis propinquōs, hōs clam Xerxī remisit, simulāns ex vinclīs publicīs effūgissee, et cum eīs Gongylum Eretriēsem, quī 25 litterās rēgi redderet, in quibus haec fuisse scripta Thūcydidēs memoriae prōdidit: “Pausaniās, dux Spartae,

quōs Byzantiī cēperat, postquam propīnquōs tuōs cōgnōvit, tibi mūnerī mīsīt sēque tēcum adfīnitāte coniungī cupit; quā rē, sī tibi vidētur, dēs eī filiam tuam nūptum. Id sī fēceris, et Spartam et cēteram Graeciam sub tuam
5 potestātem sē adiuvante tē redāctūrum pollicētur. Hīs dē rēbus sī quid agere volueris, certum hominem ad eum mittās face, cum quō conloquātur.”

Rēx tot hominum salūte tam sibi necessariōrum māgnō opere gāvisus cōnfestim cum epistulā Artabāzum ad Pau-
10 saniam mittit, in quā eum conlaudat ac petit, nē cui rei parcat ad ea efficienda, quae pollicērētur: sī perfēcerit, nullius rei ā sē repulsam lātūrum. Hūius Pausaniās voluntāte cōgnitā alacrior ad rem gerendam factus in suspiciōnem cecidit Lacedaemoniōrum. Quō factō domum
15 revocātus, accūsātus capitis absolvitur, multātur tamen pecūniā; quam ob causam ad classem remissus nōn est.

III. At ille post nōn multō suā sponte ad exercitum rediit et ibi nōn stolidā, sed dēmentī ratiōne cōgitatā patefēcit; nōn enim mōrēs patriōs solum, sed etiam
20 cultum vestītumque mūtāvit. Apparātū regiō utēbātur, veste Mēdicā; satellitēs Mēdi et Aegyptiī sequēbantur; epulābātur mōre Persārum lūxuriōsius quam quī aderant perpeti possent; aditum petentibus nōn dabat, superbē respondēbat, crūdēliter imperābat. Spartam redirē nōlē-
25 bat; Colōnās, quī locus in agrō Trōade est, sē contulerat; ibi cōnsilia cum patriae tum sibi inimica capiēbat. Id postquam Lacedaemoniī rescierunt, lēgātōs cum clāvā ad eum mīsērunt, in quā mōre illōrum erat scriptum: nisi domum reverterētur, sē capitis eum damnātūrōs.
30 Hōc nūntiō commōtus, spērāns sē etiam tum pecūniā et potentiā instāns periculum posse dēpellere, domum rediit. Hūc ut vēnit, ab ephorīs in vincla pūblica est coniectus;

licet enim lēgibus eōrum cuiūs ephorō hōc facere rēgī. Hinc tamen sē expēdīvit, neque eō magis carēbat suspīciōne; nam opīniō manēbat eum cum rēge habēre societātem.

Est genus quoddam hominum, quod Hilōtae vocātur, 5 quōrum māgna multitūdō agrōs Lacedaemoniōrum colit servōrumque mūnere fungitur. Hōs quoque sollicitāre spē libērtātis existimābātur. Sed quod hārum rērum nūllum erat apertum crīmen, quō coarguī posset, nōn putābant dē tālī tamque clārō virō suspīciōnibus oportēre 10 iūdicārī et exspectandum, dum sē ipsa rēs aperīret.

IV. Interim Argilius quīdam adulēscentulus cum epistulam ab eō ad Artabāzum accēpisset eīque in suspīciōnem vēnisset aliquid in eā de sē esse scriptum, quod nēmō eōrum redisset, quī eōdem mīssī erant, vincla 15 epistolae laxāvit signōque dētractō cōgnōvit, sī pertulisset, sibi esse pereundum. Erant in eādē epistolā quae ad ea pertinēbant, quae inter rēgem Pausaniamque convēnerant. Hās ille litterās ephorīs trādīdit.

Nōn est praetereunda gravitās Lacedaemoniōrum hōc 20 locō; nam nē hūius quidem indicīō impulsī sunt ut Pausaniam comprehenderent, neque prius vim adhibendam putāvērunt, quam sē ipse indicāsset. Itaque huic indicī, quid fierī vellent, praecēpērunt. Fānum Neptūnī est Taenarī, quod violārī nefās putant Graeci. Eō ille 25 cōnfūgit in āraq̃ue cōnsēdit. Hanc iūxtā locum fēcērunt sub terrā, ex quō posset exaudīrī, sī quis quid loqueretur cum Argiliō. Hūc ex ephorīs quīdam dēscendērunt. Pausaniās, ut audīvit Argilium cōnfūgis̃se in āram, perturbātus vēnit eō. Quem cum supplicem deī vidēret in 30 ārā sedentem, quaerit causae quid sit tam repentinī cōnsiliī. Huic ille, quid ex litterīs comperisset, aperit. Quō

magis Pausaniās perturbātus ōrāre coepit, nē ēnūntiāret neu sē meritum de illō optimē prōderet: quod sī eam veniam sibi dedisset tantisque implicātum rēbus sublēvāset, māgnō eī praemiō futūrum.

- 5 V. Hīs rēbus ephorī cōgnītis satius putārunt in urbe eum comprehendi. Quō cum essent profectī et Pausaniās plācātō Argiliō, ut putābat, Lacedaemonem reverterētur, in itinere, cum iam in eō esset ut comprehenderētur, ex vultū cūiusdam ephorī, quī eum admonērī cupiēbat, in-
10 sidiās sibi fierī intellēxit. Itaque paucīs ante gradibus quam quī eum sequēbantur in aedem Minervae, quae Chalcioicos vocātur, cōnfūgit. Hinc nē exīre posset, statim ephorī valvās ēius aedis obstrūxērunt tēctumque sunt dēmōlītī, quō celerius sub dīvō interīret. Dīcitur eō
15 tempore mātrem Pausaniae vīxisse eamque iam māgnō nātū, postquam dē scelere filiī comperit, in prīmīs ad filium claudendum lapidem ad introitum aedis attulisse. Hic cum sēmianimis de templō ēlātus esset, cōnfestim animam efflāvit. Sic Pausaniās māgnam bellī glōriam
20 turpī morte maculāvit. Cūius mortuī corpus cum eōdem nōnnūllī dicerent inferri oportēre quō iī quī ad supplicium essent datī, displicuīt plūrībus, et procul ab eō locō infōdērunt, quō erat mortuus. Inde posterius deī Delphicī respōnsō ērutus atque eōdem locō sepultus est ubi
25 vītā posuerat.

V. CĪMŌN.

I. Cīmōn, Miltiadis filius, Athēniēnsis, dūrō admodum
initiō ūsus est adulēscētiaē; nam cum pater ēius litem
aestimātam populō solvere nōn potuisset ob eamque
causam in vinclīs pūblicīs dēcessisset, Cīmōn eādē
custōdiā tenēbātur neque lēgibus Athēniēnsium ēmitti 5
poterat, nisi pecūniam, quā pater multātus erat, solvisset.
Habēbat autem in mātirimōniō sorōrem germānam suam,
nōmine Elpinīcē, nōn magis amōre quam mōre ductus;
namque Athēniēnsibus licet eōdē patre nātās uxōrēs
dūcere. Hūius coniugii cupidus Calliās quīdam, nōn tam 10
generōsus quam pecūniōsus, quī māgnās pecūniās ex me-
tallis fēcerat, ēgit cum Cīmōne ut eam sibi uxōrem
daret: id sī impetrāsset, sē prō illō pecūniam solūtūrum.
Is cum tālem condiōnem āspērnrētur, Elpinīcē negāvit
sē passūram Miltiadis prōgeniem in vinclīs pūblicīs in- 15
terīre, quoniam prohibēre posset, sēque Calliae nūptūram,
sī ea quae pollicērētur praestitisset.

II. Tālī modō custōdiā liberātus Cīmōn celeriter ad
prīncipātum pervēnit. Habēbat enim satis ēloquentiae,
summam liberālītatem, māgnam prūdentiam cum iūris 20
cīvilis tum reī militāris, quod cum patre ā puerō in
exercitibus fuerat versātus. Itaque hīc et populum urbā-
num in suā tenuit potestāte et apud exercitum plūrimum
valuit auctōritāte.

Prīmum imperātor apud flūmen Strȳmona māgnās cōpiās 25
Thraecum fugāvit, oppidum Amphipolim cōstituit eōque
decem mīlia Athēniēnsium in colōniam mīsīt. Īdem

iterum imperātor apud Mycalēn Cypriōrum et Phoenīcum
ducentārum nāvium classem dēvīctam cēpit eōdemque die
parī fōrtūnā in terrā ūsus est. Namque hostium nāvi-
bus captīs statim ex classe cōpiās suās ēdūxit barbarōrum-
5 que māximam vim ūnō concursū prōstrāvit. Quā vīctoriā
māgnā praedā potītus cum domum reverterētur, quod
iam nōnnūllae īnsulae propter acerbītatē imperiī dēfēce-
rant, bene animātās cōfirmāvit, aliēnātās ad officium
redīre coēgit. Scyrum, quam eō tempore Dolopes inco-
10 lēbant, quod contumācius sē gesserant, vacuēfēcit, posses-
sōrēs veterēs urbe īsulāque ēiēcit, agrōs cīvibus dīvisit.
Thasiōs opulentiā frētōs suō adventū frēgit. Hīs ex
manubiīs arx Athēnārum, quā ad merīdiem vergit, est
ōrnāta.

15 III. Quibus rēbus cum ūnus in cīvitatē māximē flō-
rēret, incidit in eandem invidiam quam pater suus cēteri-
que Athēniēnsium prīncipēs; nam testārum suffrāgiīs
decem annōrum exsiliō multātus est. Cūius factī celerius
Athēniēnsēs quam ipsum paenituit; nam cum ille animō
20 fortī invidiae ingrātōrum cīvium cessisset bellumque Lace-
daemoniū Athēniēnsibus indixissent, cōnfestim nōtae eius
virtūtis dēsīderium cōsecūtum est. Itaque post annum
quīntum, quam expulsus erat, in patriam revocātus est.
Ille, quod hospitio Lacedaemoniōrum ūtēbātur, satius
25 exīstimāns Graeciae cīvitatēs dē contrōversiīs suis inter sē
iūre disceptāre quam armīs contendere, Lacedaemonem
suā sponte est profectus pācemque inter duās potentis-
simās cīvitatēs conciliāvit. Post, neque ita multō, Cy-
prum cum ducentīs nāvibus imperātor mīssus, cum eius
30 māiōrem partem īnsulae dēvīcisset, in morbum implicitus
in oppūgnandō oppidō Citiō est mortuus.

IV. Hunc Athēniēnsēs nōn solum in bellō, sed etiam

in pāce diū dēsiderāvērunt. Fuit enim tantā liberālitate, cum complūribus locis praedia hortōsque habēret, ut numquam in eīs custōdem posuerit frūctūs servandī grātiā, nē quis impedīrētur quō minus eīs rēbus, quibus quisque vellet, fruerētur. Semper eum pedisequī cum nummīs 5 sunt secūtī, ut, sī quis opis ēius indigēret, habēret quod statim daret, nē differendō vidērētur negāre. Saepe, cum aliquem offēnsū fōrtūnae vidēret minus bene vestītum, suum amīculum dedit. Cottidiē sic cēna eī coquēbātur, ut, quōs invocātōs vīdisset in forō, omnēs ad sē vocāret, 10 quod facere nūllō diē praetermittēbat. Nūlli fidēs ēius, nūllī opera, nūllī rēs familiāris dēfuit; multōs locuplētāvit; complūrēs pauperēs mortuōs, quī unde efferrentur nōn reliquissent, suō sūmptū extulit. Sic sē gerendō minimē est mīrandum, sī et vīta ēius fuit sēcūra et mors 15 acerba.

VI. LŶSANDER.

I. LŶsander Lacedaemonius mĀgnam reliquit suī fā-
mam, magis fēlicitāte quam virtūte partam. Athēniēnsēs
enim adversus Peloponnēsiōs bellum gerentēs sextō et
vīcēsīmō annō cōnfēcisse appāret, neque id quā ratiōne
5 cōnsecūtus sit latet. Nōn enim virtūte suī exercitūs, sed
immodestiā factum est adversāriōrum, quī, quod dictō
audientēs imperātōribus suis nōn erant, dispālātī in agrīs
relictis nāvibus in hostium vērunt potestātem. Quō
factō Athēniēnsēs sē Lacedaemoniis dēdidērunt. Hāc
10 vīctōriā LŶsander ēlātus, cum antēā semper factiōsus au-
dāxque fuisset, sic sibi indulsit, ut ēius operā in māximum
odium Graeciae Lacedaemoniū pervēnerint. Nam cum
hanc causam Lacedaemoniū dictitāssent sibi esse bellī,
ut Athēniēnsium impotentem dominātiōnem refringerent,
15 postquam apud Aegos flūmen LŶsander classis hostium est
potītus, nihil aliud mōlītus est quam ut omnēs cīvitatēs
in suā tenēret potestāte, cum id sē Lacedaemoniōrum
causā facere simulāret. Namque undique, quī Athēniēn-
sium rēbus studuissent ēiectīs, decem dēlēgerat in ūnā
20 quāque cīvitate, quibus summum imperium potestātemque
omnium rērum committeret. Hōrum in numerum nēmō
admittēbātur, nisi quī aut ēius hospitio continērētur aut
sē illius fore proprium fidē cōnfirmārat.

II. Ita decemvirālī potestāte in omnibus urbibus cōn-
25 stitūtā ipsius nūtū omnia gerēbantur. Cūius dē crūdē-
litāte ac perfidiā satis est ūnam rem exempli grātiā
prōferre, nē dē eōdem plūra ēnumerandō dēfatigēmus

lēctōrēs. Vīctor ex Asiā cum reverterētur Thasumque dēvertisset, quod ea cīvītās praecipuā fidē fuerat ergā Athēniēnsēs, proinde ac sī nōn iīdem firmissimī solērent esse amīcī, quī cōstantēs fuissent inimīcī, pervertere eam concupīvit. Vīdit autem, nisi in eō occultāset voluntā- 5 tem, futurum ut Thasiī dilāberentur cōnsulerentque rēbus suīs. . . .

III. Itaque iī decemvirālem potestātem ab illō cōstitūtā sustulērunt. Quō dolōre incēsus iniit cōsilia rēgēs Lacedaemoniōrum tollere. Sed sentiēbat id sē sine 10 ope deōrum facere nōn posse, quod Lacedaemoniī omnia ad ōrācula referre cōsuerant.

Prīmum Delphicum corrumpere est cōnātus. Cum id nōn potuisset, Dōdōnaeum adortus est. Hinc quoque repulsus dīxit sē vōta suscepisse, quae Iovī Hammōnī 15 solveret, exīstimāns sē Āfrōs facilius corruptūrum. Hāc spē cum profectus esset in Āfricā, multum eum antistitēs Iovis fefellērunt; nam nōn solum corrumpī nōn potuērunt, sed etiam lēgātōs Lacedaemonem mīsērunt, quī Lysandrum accūsārent, quod sacerdotēs fānī cor- 20 rumpere cōnātus esset. Accūsātus hōc crimine iūdicumque absolūtus sententiīs, Orchomeniīs mīssus subsidiō occīsus est ā Thēbānīs apud Haliartum. Quam vērē dē eō secus foret iūdicātum, ōrātiō indicio fuit, quae post mortem in domō eius reperta est, in quā suādet Lacedaemoniīs, ut rēgiā potestāte dissolūtā ex omnibus dux 25 dēligātur ad bellum gerendum, sed sic scīpta, ut deūm vidērētur congruere sententiae, quam ille sē habitūrum pecūniā fidēs nōn dubitārat. Hanc eī scīpsisse Cleōn Halicarnāsīus dīcitur.

30

IV. Atque hōc locō nōn est praetereundum factum Pharnabāzī, satrapis rēgiī. Nam cum Lysander praefectus

classis in bellō multa crudēliter avārēque fēcisset dēque
eīs rēbus suspicārētur ad cīvēs suōs esse perlātum, petit
ā Pharnabāzō ut ad ephorōs sibi testimōnium daret,
quantā sānctitāte bellum gessisset sociōsque tractāset,
5 dēque eā rē accūrātē scriberet: māgnam enim ēius auc-
tōritātem in eā rē futūram. Huic ille liberāliter pollicē-
tur; librum grandem verbīs multīs cōnscrīpsit, in quibus
summīs eum effert laudibus. Quem cum hīc lēgisset
probāsetque, dum signātur, alterum parī māgnitūdine et
10 tantā similitūdine ut discernī nōn posset, signātum sub-
iēcit, in quō accūrātissimē ēius avāritiam perfidiamque
accūsārat. Lysander domum cum redisset, postquam dē
suīs rēbus gestīs apud māximum magistrātum quae
voluerat dixerat, testimōniū locō librum ā Pharnabāzō
15 datum tradidit. Hunc submōtō Lysandrō cum ephorī
cōgnōssent, ipsī legendum dedērunt. Ita ille imprūdēs
ipse suus fuit accūsātor.

VII. ALCIBIADES.

I. Alcibiadēs, Clīniae filius, Athēniēnsis. In hōc nātūra quid efficere possit vidētur experta; cōstat enim inter omnēs, quī dē eō memoriae prōdidērunt, nihil illō fuisse excellentius vel in vitiis vel in virtūtibus. Nātus in amplissimā cīvitatē summō genere, omnium aetātis suae 5 multō fōrmōsissimus, dīves; ad omnēs rēs aptus cōsiliique plēnus — namque imperātor fuit summus et marī et terrā — disertus, ut in primīs dicendō valēret, quod tanta erat commendātiō ōris atque ōrātiōnis, ut nēmō eī posset resistere; cum tempus posceret, labōriōsus, patiēns; libe- 10 rālis, splendidus nōn minus in vitā quam victū; adfābilis, blandus, temporibus callidissimē serviēns: idem, simul ac sē remiserat neque causa suberat quā rē animī labōrem perferret, lūxuriōsus, dissolutus, libidinōsus, intemperāns reperiēbātur, ut omnēs admirārentur in ūnō homine 15 tantam esse dissimilitūdinem tamque dīversam nātūram.

II. Ēducātus est in domō Periclī — prīvignus enim eius fuisse dīcitur — ērudītus ā Sōcrate. Socerum habuit Hipponīcum, omnium Graecā linguā loquentium dītissimum; ut, sī ipse fingere vellet, neque plūra bona 20 ēminisci neque māiora posset cōsequī, quam vel nātūra vel fōrtūna tribuerat.

III. Bellō Peloponnēsiō hūius cōsiliō atque auctōritātē Athēniēnsēs bellum Syrācūsānis indīxērunt. Ad quod gerendum ipse dux dēlēctus est, duo praetereā conlēgae 25 datī, Nīciās et Lāmachus. Id cum apparārētur, prius quam classis exīret, accidit ut ūnā nocte omnēs Hermae,

quī in oppidō erant Athēnīs, dēicerentur praeter ūnum, quī ante iānuam erat Andocidī — itaque ille postea Mercurius Andocidī vocitātus est. Hōc cum appāreret nō sine māgnā multōrum cōsēnsiōne esse factum, quae nō
5 ad privātam, sed ad pūblicam rem pertinēret, māgnus multitudinī timor est iniectus nē qua repentinā vīs in civitāte existeret, quae libertātem opprimeret populī. Hōc māximē convenīre in Alcibiadem vidēbātur, quod et potentior et māior quam privātus existimābātur; multōs
10 enim liberalitāte dēvinxerat, plūrēs etiam operā forēnsi suōs reddiderat. Quā rē fiēbat ut omnium oculōs, quotiēscumque in pūblicum prōdīset, ad sē converteret neque eī pār quisquam in civitāte pōneretur. Itaque nō solum spem in eō habēbant māximam, sed etiam timō-

15 rem, quod et obesse plūrimum et prōdesse poterat. Aspergēbātur etiam infāmiā, quod in domō suā facere mystēria dicēbātur — quod nefās erat mōre Athēniēnsium — idque nō ad religiōnem, sed ad coniūratiōnem pertinēre existimābātur.

20 IV. Hōc crimine in cōtiōne ab inimicīs compellābātur. Sed instābat tempus ad bellum profisciscendī. Id ille intuēns neque ignōrāns civium suōrum cōsuētūdinem postulābat, sī quid dē sē agī vellent, potius dē praesente quaestiō habērētur, quam absēns invidiae crimine accūsā-

25 rētur. Inimicī vērō eius quiēscendum in praesenti, quia nocērī eī nō posse intellegēbant, et illud tempus expectandum dēcrēvērunt quō exisset, ut absentem aggredierentur; itaque fēcērunt. Nam postquam in Siciliam eum pervēnisse crēdidērunt, absentem, quod sacra vio-

30 lāset, reum fēcērunt.

Quā dē rē cum eī nūntius ā magistrātū in Siciliam mīssus esset, ut domum ad causam dicendam rediret,

essetque in māgnā spē prōvinciae bene administrandae, nōn pārēre nōluit et in trirēmem, quae ad eum erat dēportandum mīssa, ascendit. Hāc Thūriōs in Ītaliā pervēctus, multa sēcum reputāns dē immoderātā cīvium suōrum licentiā crūdēlitateque ergā nōbilēs, ūtilissimum 5 ratus impendentem ēvītāre tempestātem, clam sē ab custōdibus subdūxit et inde primum Ēlidem, dein Thēbās vēnit. Postquam autem sē capitis damnātum bonis pūblicātis audīvit, et, id quod numquam antea ūsū vēnerat, Eumolpidās sacerdotēs ā populō coāctōs ut sē dēvovērent, 10 ēiusque dēvōtiōnis quō testātor esset memoriā, exemplum in pīlā lapideā incīsum esse positum in pūblicō, Lacedaemonem dēmigrāvit. Ibi, ut ipse praedicāre cōnsuerat, nōn adversus patriam, sed inimicōs suōs bellum gessit, quī iīdem hostēs essent cīvitatī; nam cum intel- 15 legerent sē plūrimum prōdesse posse rei pūblīcae, ex eā ēiēcisse plūsque īrae suae quam ūtilitatī commūnī pāruisse. Itaque hūius cōnsiliō Lacedaemoniī cum Perse rēge amicitiam fēcērunt, dein Decelēam in Atticā mūniērunt praesidiōque ibi perpetuō positō in obsidiōne Athēnās 20 tenuērunt. Ēiusdem operā Iōniam ā societāte āvertērunt Athēniēnsium. Quō factō multō superiōrēs bellō esse coepērunt.

V. Neque vērō hīs rēbus tam amīcī Alcibiadī sunt factī quam timōre ab eō aliēnātī; nam cum ācerrimī virī 25 praestantem prūdentiam in omnibus rēbus cōgnōscerent, pertimuērunt nē caritāte patriae ductus aliquandō ab ipsīs dēscisceret et cum suīs in grātiā redīret. Itaque tempus ēius interficiendī quaerere instituērunt. Id Alcibiadēs diūtius cēlārī nōn potuit; erat enim eā sagācitāte, ut 30 dēcipī nōn posset, praesertim cum animum attendisset ad cavendum. Itaque ad Tissaphernem, praefectum rēgis

Dārēi, sē contulit. Cūius cum in intimam amicitiam pervēnisset et Athēniēnsium male gestīs in Siciliā rēbus opēs senēscere, contrā Lacedaemoniōrum crēscere vidēret, initiō cum Pīsandrō praetōre, quī apud Samum exercitum
5 habēbat, per internūntiōs conloquitur et dē reditū suō facit mentiōnem. Is erat enim eōdem quō Alcibiadēs sēnsū, populī potentiae nōn amīcus et optimātium fautor. Ab hōc dēstitūtus primum per Thrasybūlū, Lycī filium, ab exercitū recipitur praetorque fit apud Samum, post
10 suffragante Therāmene populī scītō restituitur parīque absēns imperiō praeficitur simul cum Thrasybūlō et Therāmene.

Hōrum in imperiō tanta commūtātiō rērum facta est, ut Lacedaemoniī, quī paulō ante victōrēs viguerant, per-
15 territī pācem peterent. Victī enim erant quīnque proeliis terrestribus, tribus nāvālibus, in quibus ducentās nāvēs trirēmēs amiserant, quae captae in hostium vēnerant potestatem. Alcibiadēs simul cum conlēgīs recēperat Iōniam, Hellēspontum, multās praeterea urbēs Graecās, quae in
20 ōrā sitae sunt Thraeciae, quārum expūgnārant complūrēs, in eīs Byzantium, neque minus multās cōnsiliō ad amicitiam adiūnxerant, quod in captōs clēmētiā fuerant ūsi. Ita praedā onustī, locuplētātō exercitū, māximīs rēbus gestīs Athēnās vēnerunt.

25 VI. Hīs cum obviam ūniversa civitās in Piraeum dēscendisset, tanta fuit omnium expectātiō vīsēdī Alcibiadis, ut ad ēius trirēmē vulgus cōflueret, proinde ac si sōlus advēnisset. Sic enim populō erat persuāsum, et adversās superiōrēs et praesentēs secundās rēs accidisse
30 ēius operā. Itaque et exercitum in Siciliā amīssum et Lacedaemoniōrum victōriās culpaē suae tribuēbant, quod tālem virum ē civitāte expulissent. Neque id sine causā

arbitrārī vidēbantur; nam postquam exercituī praeesse coeperat, neque terrā neque marī hostēs parēs esse potuerant. Hīc ut ē nāvī ēgressus est, quamquam Therāmenēs et Thrasybūlus eīsdem rēbus praefuerant simulque vēnerant in Piraeum, tamen ūnum omnēs illum prōse-
quēbantur, et, id quod numquam antea ūsū vēnerat nisi Olympiae victōribus, corōnīs laureīs taeniisque vulgō
dōnābātūr. Ille lacrimāns tālem benevolentiam cīvium suōrum accipiēbat, reminiscēns pristinī temporis acerb-
tatem. 10

Postquam in astū vēnit, cōtiōne advocātā sic verba fēcit, ut nēmō tam ferus fuerit quā eīus cāsū inlacrimārit inimicumque eīs sē ostenderit quōrum operā patriā pulsus fuerat, proinde ac sī alius populus, nōn ille ipse quī tum flēbat, eum sacrilegii damnāset. Restitūta ergo
huic sunt pūblicē bona, eīdemque illi Eumolpidae sacer-
dōtēs rūsus resacrāre sunt coactī, quī eum dēvoverant, pīlaeque illae, in quibus dēvōtiō fuerat scrīpta, in mare praecipitātae. 15

VII. Haec Alcibiadī laetitia nōn nimis fuit diūturna. 20
Nam cum eī omnēs essent honōrēs dēcrētī tōtaque rēs pūblica domī bellique trādita, ut ūnūs arbitriō gererētur, et ipse postulāset ut duo sibi conlēgae darentur, Thrasybūlus et Adīmantus, neque id negātum esset, classe in Asiam profectus, quod apud Cymēn minus ex sententiā
rem gesserat, in invidiam recidit; nihil enim eum nōn
efficere posse dūcēbant. Ex quō fiēbat ut omnia minus
prōsperē gesta culpaē tribuerent, cum aut eum negle-
genter aut malitiōsē fēcisse loquerentur, sicut tum ac-
cidit; nam corruptum ā rēge capere Cymēn nōluisse
arguēbant. Itaque huic māximē putāmus malō fuisse
nimiam opīniōnem ingenīi atque virtūtis; timēbātur enim 30

nōn minus quam diligēbātur, nē secundā fōrtūnā māgnisque opibus ēlātus tyrannidem concupisceret. Quibus rēbus factum est ut absentī magistrātum abrogārent et alium in ēius locum substituerent.

5 Id ille ut audīvīt, domum revertī nōluit et sē Pactyēn contulit ibique tria castella commūniit, Ornos, Bizanthēn, Neontichos, manūque conlēctā prīmus Graecae civitātis in Thraeciam introiit, glōriōsius exīstimāns barbarōrum praedā locuplētārī quam Grāiōrum. Quā ex rē crēverat
10 cum fāmā tum opibus, māgnamque amīcitiam sibi cum quibusdam rēgibus Thraeciae pepererat.

VIII. Neque tamen ā caritāte patriae potuit recēdere. Nam cum apud Aegos flūmen Philoclēs, praetor Athēniēnsium, classem cōstituisset suam neque longē abesset
15 Lysander, praetor Lacedaemoniōrum, quī in eō erat occupātus ut bellum quam diūtissimē dūceret, quod ipsīs pecūnia ā rēge suppedītābatur, contrā Athēniēnsibus exhaustis praeter arma et nāvēs nihil erat super, Alcibiadēs ad exercitum vēnit Athēniēnsium ibique praesente vulgō
20 agere coepit: sī vellent, sē coactūrum Lysandrum dīmīcāre aut pācem petere; Lacedaemoniōs eō nōlle classe cōfligere, quod pedestribus cōpiis plūs quam nāvibus valērent; sibi autem esse facile Seuthem, rēgem Thraecum, addūcere ut eum terrā dēpelleret; quō factō neces-
25 sariō aut classe cōfliktūrum aut bellum compositūrum. Id etsī vērē dictum Philoclēs animadvertēbat, tamen postulāta facere nōluit, quod sentiēbat sē Alcibiade-receptō nullius mōmentī apud exercitum futūrum et, sī quid secundī ēvēnisset, nullam in eā rē suam partem
30 fore, contrā ea, sī quid adversī accidisset, sē ūnum ēius dēlictī futūrum reum. Ab hōc discēdēs Alcibiadēs “Quoniam,” inquit, “vīctōriae patriae repūgnās, illud mo-

neō, nē iūxtā hostem castra habeās nautica ; periculum est enim, nē immodestiā militum vestrōrum occāsio dētur Lysandrō vestri opprimendī exercitūs.” Neque ea rēs illum fefellit ; nam Lysander cum per speculātōrēs comperisset vulgum Athēniēnsium in terram praedātum exisse 5 nāvēsque paene inānēs relictās, tempus rei gerendae nōn dimisit eoque impetū bellum tōtum dēlēvit.

IX. At Alcibiadēs, victis Athēniēnsibus nōn satis tūta eadem loca sibi arbitrāns, penitus in Thraeciam sē suprā Propontidem abdidit, spērāns ibi facillimē suam fōrtūnam 10 oculi posse. Falsō. Nam Thraecēs, postquam eum cum māgnā pecūniā vēnisse sēnsērunt, insidiās fēcērunt eaque quae apportārat abstulērunt, ipsum capere nōn potuērunt. Ille cernēns nūllum locum sibi tūtum in Graeciā propter potentiam Lacedaemoniōrum ad Pharna- 15 bāzum in Asiam trānsiit, quem quidem adeō suā cepit hūmānitāte, ut eum nēmō in amīcitiā antecēderet. Namque ei Grȳnium dederat, in Phrygiā castrum, ex quō quīnquāgēnā talenta vēctīgālis capiēbat. Quā fōrtūnā Alcibiadēs nōn erat contentus neque Athēnās victās 20 Lacedaemoniis servīre poterat patī. Itaque ad patriam liberandam omnī ferēbātur cōgitātiōne. Sed vidēbat id sine rēge Perse nōn posse fierī, ideōque eum amīcum sibi cupiēbat adiungī neque dubitābat facile sē cōsecūtūrum, sī modo eius conveniendī habuisset potestātem. 25 Nam Cȳrum frātre eī bellum clam parāre Lacedaemoniis adiuvantibus sciēbat ; id sī aperuisset, māgnam sē initūrum grātiā vidēbat.

X. Hōc cum mōlirētur peteretque ā Pharnabāzō, ut ad rēgem mitterētur, eōdem tempore Critiās cēterique 30 tyrannī Athēniēnsium certōs hominēs ad Lysandrum in Asiam mīserant, quī eum certiōrem facerent, nisi Alcibia-

dem sustulisset, nihil eārum rērum fore ratum, quās ipse Athēnīs cōstituisset; quā rē, sī suās rēs gestās manēre vellet, illum persequeretur. Hīs Lacō rēbus commōtus statuit accūrātius sibi agendum cum Pharnabāzō. Huic
5 ergō renūtiat quae rēgī cum Lacedaemoniīs convēnissent, nisi Alcibiadem vīvum aut mortuum sibi trādidisset. Nōn tulit hōc satrapēs et violāre clēmēntiam quam rēgis opēs minuī māluit.

Itaque mīsit Susamithrēn et Bagaeum ad Alcibiadem
10 interficiendum, cum ille esset in Phrygiā iterque ad rēgem comparāret. Mīssī clam vīcīnitātī, in quā tum Alcibiadēs erāt, dant negōtium ut eum interficiant. Illi cum ferrō aggredi nōn audērent, noctū ligna contulērunt circā casam eam, in quā quiēscēbat, eaque succendērunt,
15 ut incendiō cōficerent, quem manū superārī posse diffidēbant. Ille autem ut sonitū flammae est excitātus, etsī gladius eī erat subductus, familiāris suī subālāre tēlum ēripuit. Namque erat cum eō quīdam ex Arcadiā hospes, quī numquam discēdere voluerat. Hunc sequī sē iubet
20 et id quod in praesentiā vestīmentōrum fuit adripit. Hīs in ignem coniectīs flammae vim trānsiit. Quem ut barbarī incendium effūgissee vīdērunt, tēlis ēminis mīssīs interfēcērunt caputque ēius ad Pharnabāzum rettulērunt. At mulier, quae cum eō vīvere cōnsuerat, muliebrī suā
25 veste contēctum aedificiī incendiō mortuum cremāvit, quod ad vīvum interimendum erat comparātum. Sic Alcibiadēs annōs circiter quadrāgintā nātus diem obiit suprēmum.

XI. Hunc infāmātum ā plērisque trēs gravissimī historici summīs laudibus extulērunt: Thūcūdidēs, quī ēiusdem aetātis fuit, Theopompus, post aliquantō nātus, et Tīmaeus; quī quidem duo maledicentissimī nēsciō quō

modō in illō ūnō laudandō cōsentiunt. Namque ea, quae suprā scripsimus, dē eō praedicārent atque hōc amplius: cum Athēnīs, splendidissimā cīvitāte, nātus esset, omnēs splendōre ac dignitāte superāsse vītae; postquam inde expulsus Thēbās vēnerit, adeō studiīs eōrum inser- 5 vīsse, ut nēmō eum labōre corporisque vīribus posset aequiperāre — omnēs enim Boeōtī magis firmitātī corporis quam ingeniī acūminī serviunt; — eundem apud Lacedaemoniōs, quōrum mōribus summa virtūs in patientiā pōnēbatur, sic dūritiae sē dedisse, ut parsimōniā victūs 10 atque cultūs omnēs Lacedaemoniōs vinceret; fuisse apud Thraecās, hominēs vīolentōs rēbusque veneriīs dēditōs: hōs quoque in hīs rēbus antecessisse; vēnisse ad Persās, apud quōs summa laus esset fortiter vēnārī, lūxuriōsē vīvere: hōrum sic imitātum cōsuētūdinem, ut illī ipsī 15 eum in hīs māximē admīrārentur. Quibus rēbus effēcisse ut, apud quōscumque esset, prīnceps pōneretur habērē- turque cārissimus. Sed satis dē hōc; reliquōs ōrdiāmur.

VIII. THRASYBŪLUS.

I. Thrasybūlus, Lycī filius, Athēniēnsis. Si per sē virtūs sine fōrtūnā ponderanda est, dubitō an hunc primum omnium pōnam; illud sine dubiō: nēminem huic praeferō fidē, cōstantiā, māgnitūdine animī, in patriam
5 amōre. Nam quod multī voluērunt paucīque potuērunt, ab ūnō tyrannō patriam liberāre, huic contigit ut ā trīgintā oppressam tyrannīs ē servitūte in libērtātem vindicāret. Sed nēsciō quō modō, cum eum nēmō anteīret hīs virtūtibus, multī nōbilitāte praecurrērunt. Primum
10 Peloponnēsiō bellō multa hīc sine Alcibiade gessit, ille nūllam rem sine hōc; quae ille ūniversa nātūrālī quōdam bonō fēcīt lucrī. Sed illa tamen omnia commūnia imperātōribus cum militibus et fōrtūnā, quod in proeliī concursū abīt rēs ā cōnsiliō ad vicēs rērum virtūtemque
15 pūgnantium. Itaque iūre suō nōnnūlla ab imperātōre mīles, plūrima vērō fōrtūna vindicat sēque hīs plūs valuisse vērē potest praedicāre. Vērū illud māgnificentissimum factum proprium est Thrasybūli; nam cum trīgintā tyrannī praepositī ā Lacedaemoniīs servitūte oppressās
20 tenērent Athēnās, plūrimōs cīvēs, quibus in bellō parserat fōrtūna, partim patriā expulissent partim interfēcissent, plūrimōrum bona pūblicāta inter sē dīvisissent, nōn solum prīnceps, sed etiam sōlus initiō bellum eīs indīxit.

II. Hīc enim cum Phylēn cōnfūgisset, quod est casus
25 tellum in Atticā mūnītissimum, nōn plūs habuit sēcum trīgintā dē suis. Hōc initium fuit salūtis Atticōrum, hōc rōbur libērtātis clārissimae cīvītātis. Neque vērō hīc nōn

contemptus est primō ā tyrannīs atque ēius solitūdō. Quae quidem rēs et illīs contemnentibus perniciēi et huic dēspectō salūtī fuit; etenim illōs sēgnēs ad persequendum, hōs autem tempore ad comparandum datō fēcit rōbustiōrēs. Quō magis praeceptum illud omnium in animīs esse dēbet, nihil in bellō oportēre contemnī, neque sine causā dīcitur mātrem timidī flēre nōn solēre. Neque tamen prō opīniōne Thrasybūlī auctae sunt opēs; nam iam illis temporibus fortius bonī prō libērtāte loquēbantur quam pūgnābant. Hinc in Piraeum trāsiit Mū-
nychiamque mūnīvit. Hanc bis tyrannī oppūgnāre sunt
adortī, ab eāque turpiter repulsī prōtinus in urbem armīs
impedimentīsque āmissīs refūgērunt.

Ūsus est Thrasybūlus nōn minus prūdentiā quam fortitūdine; nam cēdentēs violārī vetuit — cīvēs enim cīvibus
parcere aequum cēnsēbat — neque quisquam est vulnerātus nisi quī prior impūgnāre voluit. Nēminem iacentem veste spoliāvit, nīl attigit nisi arma, quōrum indigēbat, quaeque ad vīctum pertinēbant. In secundō proeliō cecidit Critiās, dux tyrannōrum, cum quidem adversus
Thrasybūlum fortissimē pūgnāret.

III. Hōc dēiectō Pausaniās vēnit Atticīs auxiliō, rēx
Lacedaemoniōrum. Is inter Thrasybūlum et eōs, quī urbem tenēbant, fēcit pācem hīs condiciōnibus: nē quī praeter trīgintā tyrannōs et decem, quī postea praetōrēs
creātī superiōris mōre crūdēlitātis erant ūsī, adficerentur
exsiliō nēve bona pūblicārentur; reī pūblīcae prōcūratiō
populō redderētur. Praeclārum hōc quoque Thrasybūlī,
quod reconciliātā pāce, cum plūrimum in cīvitatē posset,
lēgem tulit nē quis ante āctārum rērum accūsārētur nēve
multārētur, eamque illī obliuīōnis appellārunt. Neque
vērō hanc tantum ferendam cūrāvit, sed etiam ut valeret

effēcit. Nam cum quīdam ex eīs, quī simul cum eō in exsiliō fuerant, caedem facere eōrum vellent, cum quibus in grātiam reditum erat pūblicē, prohibuit et id quod pollicitus erat praestitit.

- 5 IV. Huic prō tantīs meritīs honōris causā corōna ā populō data est, facta duābus virgulīs oleāginīs; quam quod amor cīvium et nōn vīs expresserat, nūllam habuit invidiam māgnāque fuit glōriā. Bene ergō Pittacus ille, quī in septem sapientum numerō est habitus, cum Mytilē-
10 naei multa mīlia iūgerūm agrī eī mūnerī darent, “Nōlīte, orō vōs,” inquit, “id mihi dare, quod multī invideant, plūrēs etiam concupīscant. Quā rē ex istīs nōlō amplius quam centum iūgera, quae et meam animī aequitātem et vestram voluntātem indicent; nam parva mūnera diū-
15 tina, locuplētia nōn propria esse cōnsuērunt.” Illā igitur corōnā contentus Thrasybūlus neque amplius requisīvit neque quemquam honōre sē antecessisse existimāvit. Hīc sequentī tempore, cum praetor classem ad Ciliciam ap-
20 pulisset neque satis diligenter in castrīs eīus agerentur vigiliae, ā barbarīs ex oppidō noctū ēruptiōne factā in tabernāculō interfectus est.

IX. CONŌN.

I. Conŏn Athēniēnsis Peloponnēsio bellō accessit ad rem pūblicam, in eoque ēius opera māgnī fuit; nam et praetor pedestribus exercitibus praefuit et praefectus classis māgnās marī rēs gessit. Quās ob causās praecipuus eī honōs habitus est. Namque omnibus ūnus 5 īnsulis praefuit, in quā potestāte Pherās cēpit, colōniam Lacedaemoniōrum. Fuit etiam extrēmō Peloponnēsio bellō praetor, cum apud Aegos flūmen cōpiae Athēniēnsium ab Lysandrō sunt dēvīctae. Sed tum āfuit, eoque pēius rēs administrāta est; nam et prūdēns reī militāris 10 et diligēns erat imperātor. Itaque nēmīnī erat eīs temporibus dubium, sī adfuisset, illam Athēniēnsēs calamitātem acceptūrōs nōn fuisse.

II. Rēbus autem adflīctīs, cum patriam obsidērī audīset, nōn quaesīvit ubi ipse tūtō vīveret, sed unde prae- 15 sidiō posset esse cīvibus suīs. Itaque contulit sē ad Pharnabāzum, satrapem Iōniae et Lydiae eundemque generum rēgis et propīnquum; apud quem ut multum grātiā valēret, multō labōre multisque effēcit periculīs. Nam cum Lacedaemoniī Athēniēnsibus dēvīctīs in societāte 20 nōn manērent, quam cum Artaxerxe fēceraut, Agēsilāumque bellātum mīsissent in Asiam, māximē impulsī ā Tissapherne, quī ex intimīs rēgis ab amīcitiā ēius dēfēceraut et cum Lacedaemoniīs coierat societātem, hunc adversus Pharnabāzum habitus est imperātor, rē quidem vērā ex- 25 ercituī praefuit Conŏn ēiusque omnia arbitriō gesta sunt. Hīc multum ducem summum Agēsilāum impedīvit saepe-

que eius cōsiliis obstitit, neque vērō nōn fuit apertum, sī ille nōn fuisset, Agēsilaū Asiam Taurō tenus rēgi fuisse ēreptūrum.

Quī postea quam domum ā suis cīvibus revocātus est, 5 quod Boeōti et Athēniēnsēs Lacedaemoniis bellum indīxerant, Conōn nihilō sētius apud praefectōs rēgis versābatur eisque omnibus māgnō erat ūsuī.

III. Dēfēcerat ā rēge Tissaphernēs, neque id tam Artaxerxī quam cēteris erat apertum; multīs enim māgnisque 10 meritis apud rēgem, etiam cum in officiō nōn manēret, valēbat. Neque id erat mīrandum, sī nōn facile ad crēdendum addūcēbatur, reminiscēns eius sē operā Cŷrum frātre superāsse. Hūius accūsandī grātiā Conōn ā Pharnabāzō ad rēgem mīssus postea quam vēnit, prīmum 15 ex mōre Persārum ad chiliarchum, quī secundum gradum imperiī tenēbat, Tithraustē accessit sēque ostendit cum rēge conloquī velle. Huic ille, “Nulla,” inquit, “mora est, sed tū dēliberā, utrum conloquī mālis an per litterās agere quae cōgitās. Necesse est enim, sī in cōnspectum 20 vēneris, venerārī tē rēgem; nēmō enim sine hōc admittitur. Hōc sī tibi grave est, per mē nihilō sētius ēditis mandātis cōficiēs quod studēs.”

Tum Conōn “Mihi vērō,” inquit, “nōn est grave quemvis honōrem habēre rēgi, sed vereor nē civitāti meae 25 sit opprobriō, sī, cum ex eā sim profectus quae cēteris gentibus imperāre cōsuerit, potius barbarōrum quam illius mōre fungar.” Itaque quae volēbat huic scrīpta trādīdit.

IV. Quibus cōgnitis rēx tantum auctōritāte eius mōtus est, ut et Tissaphernem hostem iūdicārit et Lacedaemoniōs 30 bellō persequī iusserit et eī permiserit quem vellet eligere ad dispēnsandam pecūniam. Id arbitrium Conōn negāvit suū esse cōsiliū, sed ipsius, quī optimē suōs nōsse

dēberet, sed sē suādēre, Pharnabāzō id negōtīū daret. Hinc māgnīs mūneribus dōnātus ad mare est mīssus, ut Cypriīs et Phoenīcibus cēterisque maritimīs cīvitatibus nāvēs longās imperāret classemque, quā proximā aestāte mare tuērī posset, comparāret, datō adiūtōre Pharnabāzō, 5 sicut ipse voluerat. Id ut Lacedaemoniīs est nūntiātum, nōn sine cūrā rem administrant, quod māius bellum imminēre arbitrābantur quam sī cum barbarō solum contenderent; nam ducem fortem et prūdentem rēgiīs opibus praefutūrum ac sēcum dīmīcātūrum vidēbant, quem 10 neque cōnsiliō neque cōpiīs superāre possent. Hāc mente māgnam contrahunt classem; proficiscuntur Pīsandrō duce. Hōs Conōn apud Cnidum adortus māgnō proeliō fugat, multās nāvēs capit, complūrēs dēprimit.

Quā victōriā nōn solum Athēnae, sed etiam cūncta 15 Graecia, quae sub Lacedaemoniōrum fuerat imperiō, liberāta est. Conōn cum parte nāvium in patriam vēnit, mūrōs dirutōs ā Lysandrō utrōsque, et Piraeī et Athēnārum, reficiendōs cūrat pecūniaeque quīnquāgintā talenta, quae ā Pharnabāzō accēperat, cīvibus suis dōnat. 20

V. Accidit huic, quod cēterīs mortālībus, ut incōnsiderātior in secundā quam in adversā esset fōrtūnā. Nam classe Peloponnēsīōrum dēvīctā, cum ultum sē iniūriās patriae putāret, plūra concupīvit quam efficere potuit. Neque tamen ea nōn pia et probanda fuērunt, quod 25 potius patriae opēs augērī quam rēgis māluit. Nam cum māgnam auctōritātem sibi pūgnā illā nāvālī, quam apud Cnidum fēcerat, cōstituisset nōn solum inter barbarōs, sed etiam omnēs Graeciae cīvitatēs, clam dare operam coepit, ut Iōniam et Aeoliam restitueret Athēniēnsibus. 30 Id cum minus dīligenter esset cēlātum, Tīribāzus, quī Sardibus praeerat, Conōnem ēvocāvit, simulāns ad rēgem

eum sē mittere velle māgnā dē rē. Hūius nūntiō pārēns
cum vēnisset, in vincla coniectus est, in quibus aliquamdī
fuit. Inde nōnnūllī eum ad rēgem abductum ibique eum
perisse scrīptum reliquērunt. Contrā ea Dīnōn historicus,
5 cui nōs plūrimū dē Persicīs rēbus crēdimus, effūgis-
se scrīpsit; illud addubitat, utrum Tīribāzō sciente an im-
prūdente sit factum.

X. DIŌN.

I. Diŏn, Hipparinī filius, Syrācūsānus, nōbilī genere nātus, utrāque implicātus tyrannide Dionysiorum. Namque ille superior Aristomachēn, sorōrem Diŏnis, habuit in māttrimōniō, ex quā duōs filiōs, Hipparinum et Nīsaem, prōcreāvit totidemque filiās, nōmine Sōphrosynēn et Aretēn, quārum priōrem Dionysio filiō, eīdem cui rēgnum reliquit, nūptum dedit, alteram, Aretēn, Diŏnī.

Diŏn autem praeter generōsam propinquitatem nobilemque māiōrum fāmam multa alia ab nātūrā habuit bona, in eīs ingenium docile, cōme, aptum ad artēs optimās, magnam corporis dīgnitatem, quae nōn minimum commendat, magnās praetereā dīvitias ā patre relictās, quas ipse tyrannī mūneribus auxerat. Erat intimus Dionysio priōrī, neque minus propter mōrēs quam adfinitatem. Namque etsi Dionysii crudelitās eī displicēbat, tamen salvum propter necessitudinem, magis etiam suōrum causā studēbat. Aderat in magnīs rēbus, eiusque cōsiliō multum movēbātur tyrannus, nisi quā in rē māior ipsius cupiditās intercesserat. Lēgatiōnēs vērō omnēs, quae essent inlūstriōrēs, per Diŏnem administrābantur; quas quidem ille diligenter obeundō, fidēliter administrandō crudēlissimum nōmen tyrannī suā hūmānitāte leniēbat. Hunc ā Dionysio mīssum Carthāginiēnsēs sic suspēxerunt, ut nēminem umquam Graecā linguā loquentem magis sint admīrātī.

II. Neque vērō haec Dionysium fugiēbant; nam quantō esset sibi ōrnāmentō, sentiēbat. Quō fiēbat ut ūnī huic

māximē indulgēret neque eum secus diligeret ac filium; quī quidem, cum Platōnem Tarentum vēnisse fāma in Siciliam esset perlāta, adulēscentī negāre nōn potuerit quīn eum arcesseret, cum Diōn ēius audiendī cupiditāte
5 flagrāret. Dedit ergō huic veniam māgnāque eum ambitionē Syrācūsās perdūxit. Quem Diōn adeō admirātus est atque adamāvit, ut sē eī tōtum trāderet. Neque vēro minus ipse Platō dēlēctātus est Diōne. Itaque cum ā tyrannō crūdēliter violātus esset, quippe quī eum vē-
10 numdarī iussisset, tamen eōdem rediit ēiusdem Diōnis precibus adductus. Interim in morbum incidit Dionysius. Quō cum gravius cōnflīctārētur, quaesivit ā medicīs Diōn, quem ad modum sē habēret, simulque ab eis petiit, sī fōrte in māiōre esset periculō, ut sibi fatērentur; nam
15 velle sē cum eō conloquī dē partiendō rēgnō, quod sorōris suae filiōs ex illō nātōs partem rēgnī putābat dēbēre habēre. Id medicī nōn tacuērunt et ad Dionysium filium sermōnem rettulērunt. Quō ille commōtus, nē agendī esset Diōnī potestās, patrī sopōrem medicōs dare coēgit.
20 Hōc aeger sūmptō sopītus diem obiit suprēmum.

III. Tāle initium fuit Diōnis et Dionysii simultātis, eaque multīs rēbus aucta est. Sed tamen prīmīs temporibus aliquamdiū simulāta inter eōs amīcitia mānsit; sicut, cum Diōn nōn dēsisteret obsecrāre Dionysium, ut Platō-
25 nem Athēnīs arcesseret et ēius cōnsiliis ūterētur, ille, quī in aliquā rē vellet patrem imitārī, mōrem eī gessit. Eōdemque tempore Philistum historicum Syrācūsās redūxit, hominem amīcum nōn magis tyrannō quam tyrannidī. Sed dē hōc in eō librō plūra sunt exposita, quī de historicīs Graecīs cōnscrīptus est. Platō autem tantum apud
30 Dionysium auctōritāte potuit valuitque ēloquentiā, ut eī persuāserit tyrannidis facere finem libērtātemque reddere

Syrācūsānīs. Ā quā voluntāte Philistī cōnsiliō dēterritus aliquantō crūdēlior esse coepit.

IV. Quī quidem cum ā Diōne sē superārī vidēret ingeniō, auctōritāte, amōre populī, verēns nē, sī eum sēcum habēret, aliquam occāsionem suī daret opprimendī, 5 nāvem eī trirēmē dedit, quā Corinthum dēveherētur, ostendēns sē id utrīusque facere causā, nē, cum inter sē timērent, alteruter alterum praeoccupāret. Id cum factum multī indignārentur māgnaeque esset invidiae tyrannō, Dionysius omnia, quae movērī poterant Diōnis, in nāvēs 10 imposuit ad eumque mīsīt. Sic enim exīstimārī volēbat, id sē nōn odiō hominis, sed suae salūtis fēcisse causā. Postēā vērō quam audīvit eum in Peloponnēsō manum comparāre sibique bellum facere cōnārī, Aretēn, Diōnis uxōrem, aliī nūptum dedit filiumque ēius sic ēducārī 15 iussit, ut indulgendō turpissimīs imbuerētur cupiditātibus. Nam puer vinō epulisque obruēbātur, neque ūllum tempus sōbriō relinquerētur. Is usque eō vītae statum commūtātum ferre nōn potuit, postquam in patriam rediit pater — namque appositī erant custōdēs, quī eum ā pristinō 20 victū dēdūcerent — ut sē dē superiōre parte aedium dēiēcerit atque ita interierit. Sed illūc revertor.

V. Postquam Corinthum pervēnit Diōn et eōdem perfūgit Hēraclidēs ab eōdem expulsus Dionysio, quī praefectus fuerat equitum, omnī ratiōne bellum comparāre 25 coepērunt. Sed nōn multum prōficiēbant, quod multōrum annōrum tyrannis māgnarū opum putābātur; quam ob causam paucī ad societātem periculī perdūcēbantur.

Sed Diōn, frētus nōn tam suis cōpiīs quam odiō tyrannī, māximō animō duābus onerāriīs nāvibus quīn- 30 quāgintā annōrum imperium, mūnitum quīngentis longīs nāvibus, decem equitum centumque peditum milibus, pro-

fectus oppugnātum, quod omnibus gentibus admirābile est
vīsum, adeō facile perculit, ut post diem tertium, quam
Siciliam attigerat, Syrācūsās introierit. Ex quō intellegi
potest nūllum esse imperium tūtum nisi benevolentia
5 mūnītum. Eō tempore aberat Dionysius et in Italia
classem opperiēbatur adversariōrum, ratus nēminem sine
māgnis cōpiis ad sē ventūrum. Quae rēs eum fefellit;
nam Diōn eis ipsīs, quī sub adversariī fuerant potestate,
rēgiōs spīritūs repressit tōtiusque eius partis Siciliae potius
10 est, quae sub Dionysii fuerat potestate, parique modō
urbis Syrācūsarum praeter arcem et insulam adiūctam
oppidō, eoque rem perdūxit, ut tālibus pactiōnibus pācem
tyrannus facere vellet: Siciliam Diōn obtinēret, Italiam
Dionysius, Syrācūsās Apollocratēs, cui māximam fidem unī
15 habēbat Diōnysius.

VI. Hās tam prōsperās tamque inopinātās rēs cōnse-
cūta est subita commūtatiō, quod fōrtūna suā mōbilitate,
quem paulō ante extulerat, dēmergere est adorta. Prī-
mum in filiō, dē quō commemorāvi suprā, suam vim
20 exercuit. Nam cum uxōrem redūxisset, quae aliī fuerat
trādita, filiumque vellet revocāre ad virtutem ā perditā
lūxuriā, accēpit gravissimum parēns vulnus morte filiī.
Deinde orta dissēnsiō est inter eum et Hēraclidem, quī,
quod ei prīncipātum nōn concēdēbat, factiōnem compa-
25 rāvit. Neque is minus valēbat apud optimātēs, quōrum
cōnsēnsū praeerat classī, cum Diōn exercitum pedestrem
tenēret. Nōn tulit hōc animō aequō Diōn, et versum
illum Homērī rettulit ex secundā rhapsodiā, in quō haec
sententia est: nōn posse bene gerī rem pūblicam mul-
30 tōrum imperiīs. Quod dictum māgna invidia cōnsecūta
est; namque aperuisse vidēbatur omnia in suā potestate
esse velle. Hanc ille nōn lēnīre obsequiō, sed acerbitate

opprimere studuit, Hēraclidemque, cum Syrācūsās vēnis-
set, interficiendum cūrāvit.

VII. Quod factum omnibus māximum timōrem iniēcit ;
nēmō enim illō interfectō sē tūtum putābat. Ille autem
adversāriō remōtō licentius eōrum bona, quōs sciēbat 5
adversus sē sēnsisse, mīlitibus dispertīvit. Quibus divīsīs
cum cottidiānī māximī fierent sūmptūs, celeriter pecūnia
deesse coepit, neque, quō manus porrigeret, suppetēbat
nisi in amīcōrum possessiōnēs. Id ēius modī erat, ut,
cum mīlītēs reconciliāset, āmitteret optimātēs. Quārum 10
rērum cūrā angēbātur et īnsuētus male audiendī nōn
animō aequō ferēbat, dē sē ab eīs male existimārī, quōrum
paulō ante in caelum fuerat ēlātus laudibus. Vulgus
autem offēnsā in eum mīlitum voluntāte liberius loquē-
bātur et tyrannum nōn ferendum dictitābat. 15

VIII. Haec ille intuēns cum quem ad modum sēdāret
nēscīret, et quōrsum ēvaderent timēret, Callicratēs quīdam,
cīvis Athēniēnsis, quī simul cum eō ex Peloponnēsō in
Siciliam vēnerat, homō et callidus et ad fraudem acūtus,
sine ūllā religiōne ac fidē, adiit ad Diōnem et ait : eum 20
māgnō in perīculō esse propter offēnsiōnem populī et
odium mīlitum, quod nūllō modō ēvitāre posset, nisi
alīcuī suōrum negōtium daret, quī sē simulāret illī inimī-
cum. Quem sī invēnisset idōneum, facile omnium animōs
cōgnitūrum adversāriōsque sublātūrum, quod inimīcī ēius 25
dissidentī suōs sēnsūs apertūrī forent.

Tālī cōnsiliō probātō excēpit hās partēs ipse Callicratēs
et sē armat imprudentiā Diōnis. Ad eum interficiendum
sociōs conquirit, adversāriōs ēius convenit, coniūrātiōne
cōfirmat. Rēs, multīs cōnsciīs quae agerētur, ēlāta dē- 30
fertur ad Aristomachēn, sorōrem Diōnis, uxōremque
Aretēn. Illae timōre perterritae conveniunt, cūius dē

periculō timēbant. At ille negat ā Callicrate fieri sibi
insidiās, sed illa, quae agerentur, fieri praeceptō suō.
Mulierēs nihilō sētius Callicratem in aedem Prōserpinae
dēdūcunt ac iūrāre cōgunt, nihil ab illō periculī fore
5 Diōnī. Ille hāc religiōne nōn modo nōn est dēterritus,
sed ad mātūrāndum concitātus est, verēns nē prius cōn-
silium aperirētur suum, quam cōgitāta perfēcisset.

IX. Hāc mente proximō diē fēstō, cum ā conventū
sē remōtum Diōn domī tenēret atque in conclāvī ēditō
10 recubuisset, cōnsciīs facinoris loca mūnitiōra oppidī trādit,
domum custōdiīs saepit, ā foribus quī nōn discēdant
certōs praeficit, nāvem trirēmē armātīs ōrnat Philostrātō-
que, frātrī suō, trādit eamque in portū agitāre iubet, ut
sī exercēre rēmigēs vellet, cōgitāns, sī fōrte cōnsiliis ob-
15 stitisset fōrtūna, ut habēret quā aufugeret ad salūtem.
Suōrum autem ē numerō Zacynthiōs adulēscentēs quōs-
dam ēligit cum audācissimōs tum vīribus māximīs, eisque
dat negōtium, ad Diōnem eant inermēs, sīc ut conve-
niendī eius grātiā vidērentur venīre. Iī propter nōtitiam
20 sunt intrōmissī. At illius ut līmen intrārant, foribus obse-
rātis in lectō cubantem invādunt, conligant; fit strepitus,
adeō ut exaudiri posset forīs. Hīc sīcut ante saepe
dictum est, quam invīsa sit singulāris potentia et mise-
randa vīta, quī sē metuī quam amārī mālunt, cuiūs facile
25 intellēctū fuit. Namque illi ipsī custōdēs, sī prōmptā
fuissent voluntāte, foribus effrāctis servāre eum potuissent,
quoad illi inermēs tēlum forīs flāgitantēs vīvum tenēbant.
Cui cum succurreret nēmō, Lycō quīdam Syracūsānus per
fenēstram gladium dedit, quō Diōn interfectus est.

30 X. Cōfectā caede, cum multitudō vīsēdī grātiā in-
troisset, nōnnūllī ab insciīs prō noxiis conciduntur. Nam
celeri rūmōre dilātō, Diōnī vim adlātā, multī concurre-

rant, quibus tāle facinus displicēbat. Iī falsā suspīciōne
ductī immerentēs ut scelerātōs occidunt. Hūius dē morte
ut palam factum est, mīrābiliter vulgī mūtāta est voluntās ;
nam quī vīvum eum tyrannum vocitārant, eīdem liberā-
tōrem patriae tyrannīque expulsōrem praedicābant. Sic 5
subitō misericordia odiō successerat, ut eum suō sanguine
ab Acherunte, sī possent, cuperent redimere. Itaque in
urbe celeberrimō locō, ēlātus pūblicē, sepulcrī monumentō
dōnātus est. Diem obiit circiter annōs quīnquāgintā
nātus, quartum post annum quam ex Peloponnēsō in Sici- 10
liam redierat.

XI. ĪPHICRATĒS.

I. Īphicratēs Athēniēnsis nōn tam māgnitūdine rērum gestārum quam disciplinā militārī nōbilitātus est. Fuit enim tālis dux, ut nōn solum aetātis suae cum primīs comparārētur, sed nē dē māiōribus nātū quidem quis-
5 quam antepōnerētur. Multum vērō in bellō est versātus, saepe exercitibus praefuit, nusquam culpā male rem gessit, semper cōnsiliō vīcit tantumque eō valuit, ut multa in rē militārī partim nova attulerit, partim meliōra fēcerit. Namque ille pedestria arma mūtāvit. Cum ante illum
10 imperātōrem māximīs clipeīs, brevibus hastīs, minūtīs gladiīs ūterentur, ille ē contrāriō peltam prō parmā fēcit —ā quō postea peltastae peditēs appellābantur— ut ad mōtūs concursūsque essent leviōrēs, hastae modum duplicāvit, gladiōs longiōrēs fēcit. Īdem genus lōricārum
15 novum instituit et prō sertīs atque aēneīs linteās dedit. Quō factō expeditiōrēs milites reddidit; nam pondere detrāctō, quod aequē corpus tegeret et leve esset cūrāvit.

II. Bellum cum Thraecibus gessit, Seuthem, socium Athēniēnsium, in rēgnum restituit. Apud Corinthum tantā
20 sevērītate exercituī praefuit, ut nūllae umquam in Graeciā neque exercitātiōrēs cōpiae neque magis dictō audientēs fuerint ducī, in eamque cōsuētūdinem addūxit ut, cum proeliū sīgnum ab imperātōre esset datum, sine ducis operā sic ordinatae cōsisterent, ut singulī ā perītissimō
25 imperātōre dispositī vidērentur. Hōc exercitū moram Lacedaemoniōrum interfēcit, quod māximē tōtā celebrātum est Graeciā. Iterum eōdem bellō omnēs cōpiās

eōrum fugāvit, quō factō māgnam adeptus est glōriam. Cum Artaxerxēs Aegyptiō rēgī bellum inferre voluit, Īphicratēn ab Athēniēnsibus ducem petivit, quem prae-ficeret exercituī conducticiō, cūius numerus duodecim milium fuit. Quem quidem sic omnī disciplinā militārī 5 ērudīvit, ut quem ad modum quondam Fabiānī militēs Rōmae, sic Īphicratēnsēs apud Graecōs in summā laude fuerint.

Īdem subsidiō Lacedaemoniīs profectus Epaminōndae retardāvit impetūs; nam nisi ēius adventus appropīn- 10 quāset, nōn prius Thēbānī Spartā abscessissent, quam captam incendiō dēlēssent.

III. Fuit autem et animō māgnō et corpore imperātō-riāque fōrmā, ut ipsō aspectū cuiūs iniceret admirātiōnem suī, sed in labōre nimis remissus parumque patiēns, ut 15 Theopompus memoriae prōdidit, bonus vērō cīvis fidēque māgnā. Quod cum in aliīs rēbus dēclārāvit, tum māximē in Amyntae Macedonis liberis tuendīs. Namque Eurydicē, māter Perdiccae et Philippi, cum hīs duōbus puerīs Amyntā mortuō ad Īphicratēn cōnfūgit ēiusque opibus 20 dēfēnsa est. Vixit ad senectūtem plācātis in sē suōrum cīvium animīs. Causam capitis semel dixit, bellō sociali, simul cum Tīmotheō, eōque iūdiciō est absolūtus.

Menesthea filium reliquit ex Thraessā nātum, Cōtī rēgis filiā. Is cum interrogārētur, utrum plūris, patrem 25 mātremne, faceret, “Mātrem,” inquit. Id cum omnibus mīrum vidērētur, at ille “Meritō,” inquit, “faciō; nam pater, quantum in sē fuit, Thraecem mē genuit, contrā ea māter Athēniensem.”

XII. CHABRIĀS.

I. Chabriās Athēniēnsis. Hīc quoque in summīs habitus est ducibus rēsque multās memoriā dīgnās gessit. Sed ex eīs ēlūcet māximē inventum ēius in proeliō quod apud Thēbās fēcit, cum Boeōtīs subsidiō vēnisset. Nam-
5 que in eō victōriā fidentem summum ducem Agēsilāum, fugātis iam ab eō conductīciis catervīs, reliquam phalangem locō vetuit cēdere obnixōque genū scūtō, prōiectā hastā impetum excipere hostium docuit. Id novum Agēsilāus contuēns prōgredi nōn est ausus suōsque iam in-
10 currentēs tubā revocāvit. Hōc usque eō tōtā Graeciā fāmā celebrātum est, ut illō statū Chabriās sibi statuam fieri voluerit, quae pūblicē eī ab Athēniēnsibus in forō cōstitutā est. Ex quō factum est ut postea athlētae cēterique artificēs eīs statibus in statuīs pōnendis ūte-
15 rentur, quibus victōriam essent adeptī.

II. Chabriās autem multa in Eurōpā bella administrāvit, cum dux Athēniēnsium esset; in Aegyptō suā sponte gessit. Nam Nectenebin adiūtum profectus regnum eī cōstituit. Fēcit idem Cypri, sed pūblicē ab
20 Athēniēnsibus Euagorae adiūtor datus, neque prius inde discessit, quam tōtam insulam bellō dēvinceret; quā ex rē Athēniēnsēs māgnam glōriam sunt adeptī. Interim bellum inter Aegyptiōs et Persās cōnflātum est. Athēniēnsēs cum Artaxerxe societātem habēbant, Lacedaemoniū cum Aegyptiīs, ā quibus māgnās praedās Agēsilāus, rēx eōrum, faciēbat. Id intuēns Chabriās, cum in rē nullā Agēsilāo cēderet, suā sponte eōs adiūtum pro-

fectus Aegyptiae classī praefuit, pedestribus cōpiīs Agēsīlāus.

III. Tum praefectī rēgis Persae lēgātōs mīsērunt Athēnās questum, quod Chabriās adversum rēgem bellum gereret cum Aegyptiīs. Athēniēnsēs diem certam Chabriae praestituērunt, quam ante domum nisi redisset, capitis sē illum damnātūrōs dēnūntiārunt. Hōc ille nūntiō Athēnās rediit, neque ibi diūtius est morātus, quam fuit necesse. Nōn enim libenter erat ante oculōs suōrum cīvium, quod et vīvēbat lautē et indulgēbat sibi liberālius 10 quam ut invidiam vulgī posset effugere. Est enim hōc commūne vitium māgnīs liberisque cīvitatibus, ut invidia glōriae comes sit et libenter dē eis dētrahant quōs ēminēre videant altius, neque animō aequō pauperēs aliēnam opulentiam intueantur. Itaque Chabriās, quoad 15 eī licēbat, plūrimum aberat. Neque vērō sōlus ille aberat Athēnis libenter, sed omnēs ferē prīncipēs fēcērunt idem, quod tantum sē ab invidiā putābant āfutūrōs, quantum ā cōspectū suōrum recesserint. Itaque Conōn plūrimum Cypri vixit, Īphicratēs in Thraeciā, Tīmotheus Lesbī, 20 Charēs Sigēi, dissimilis quidem Charēs hōrum et factis et mōribus, sed tamen Athēnis et honōrātus et potēns.

IV. Chabriās autem periit bellō sociali tāli modō. Oppugnābant Athēniēnsēs Chium. Erat in classe Chabriās privātus, sed omnēs, quī in magistrātū erant, auctōritāte 25 anteībat, eumque magis militēs quam quī praeerant suspiciēbant. Quae rēs eī mātūrāvit mortem. Nam dum prīmus studet portum intrāre gubernātōremque iubet eō dērigere nāvem, ipse sibi perniciēi fuit; cum enim eō penetrāset, cēterae nōn sunt secūtae. Quō factō circum- 30 fūsus hostium concursū cum fortissimē pūgnāret, nāvis rōstrō percussa coepit sīdere. Hinc refugere cum posset,

sī sē in mare dēiēcisset, quod suberat classis Athēniē-
sium quae exciperet natantēs, perīre māluit quam armīs
abiectīs nāvem relinquere, in quā fuerat vēctus. Id cēteri
facere nōluērunt, quī nandō in tūtum pervēnērunt. At
5 ille, praestāre honestam mortem exīstimāns turpī vītae,
comminus pūgnāns tēlīs hostium interfectus est.

XIII. TĪMOTHEUS.

I. Tīmotheus, Conōnis filius, Athēniēnsis. Hīc ā patre acceptam glōriam multīs auxit virtūtibus; fuit enim disertus, impiger, labōriōsus, reī militāris perītus neque minus cīvītātis regendae. Multa hūius sunt praeclārē facta, sed haec māximē inlūstria. Olynthiōs et Bȳzantiōs bellō subēgit. Samum cēpit; in quō oppūgnandō superiōre bellō Athēniēnsēs mille et ducenta talenta cōsūmpserant, id ille sine ūllā pūblicā impēnsā populō restituit. Adversus Cotum bella gessit ab eōque mille et ducenta talenta praedae in pūblicum rettulit. Cȳzicum obsidiōne librāvit. Ariobarzānī simul cum Agēsilāo auxiliō profectus est, ā quō cum Lacō pecūniam numerātam accēpisset, ille cīvēs suōs agrō atque urbibus augērī māluit quam id sūmere, cūius partem domum suam ferre posset. Itaque accēpit Crīthōtēn et Sēstum.

II. Īdem classī praefectus circumvehēns Peloponnēsum, Lacōnicēn populātus, classem eōrum fugāvit, Corcȳram sub imperium Athēniēnsium redēgit sociōsque dein adiūnxit Ēpīrōtas, Athamānas, Chāonas omnēsque eās gentēs, quae mare illud adiacent. Quō factō Lacedaemoniī dē diūtīnā contentiōne dēstitērunt et suā sponte Athēniēnsibus imperiī maritimī prīncipātum concessērunt, pācemque eīs lēgibus cōstituērunt, ut Athēniēnsēs marī ducēs essent. Quae vīctōria tantae fuit Atticīs laetitiae, ut tum prīmum ārae Pāci pūblicē sint factae eīque deae pulvīnar sit institūtum. Cūius laudis ut memoria manēret, Tīmotheō pūblicē statuam in forō posuērunt. Quī honōs huic

ūnī ante id tempus contigit, ut, cum patrī populus statuam posuisset, filiō quoque daret. Sic iūxtā posita recēns filiū veterem patris renovāvit memoriam.

III. Hīc cum esset māgnō nātū et magistrātūs gerere
5 dēsisset, bellō Athēniēnsēs undique premī sunt coeptī. Dēfēcerat Samus, dēscierat Hellēspontus, Philippus iam tum valēns multa mōliēbātur; cui oppositus Charēs cum esset, nōn satis in eō praesidiū putābātur. Fit Menes-
theus praetor, filius Īphicratis, gener Tīmotheī, et ut ad
10 bellum proficiscātur dēcernitur. Huic in cōsiliū dantur virī duo ūsū sapientiāque praestantēs, pater et socer, quod in hīs tanta erat auctōritās, ut māgna spēs esset per eōs āmissa pōsse recuperārī. Iī cum Samum profectī essent et eōdem Charēs illōrum adventū cōgnitō cum suis cōpiīs
15 proficiscerētur, nē quid absente sē gestum vidērētur, accidit, cum ad īnsulam appropinquārent, ut māgna tempestās orerētur; quam ēvītāre duo veterēs imperātōrēs ūtile arbitrātī suam classem suppressērunt. At ille temerāriā ūsus ratiōne nōn cessit māiōrum nātū auctōritātī,
20 velut in suā manū esset fōrtūna. Quō contenderat pervēnit, eōdemque ut sequerentur, ad Tīmotheum et Īphicratē nūntium mīsīt.

Hinc male rē gestā, complūribus āmissis nāvibus eō unde erat profectus sē recēpit litterāsque Athēnās pūblicē
25 mīsīt, sibi prōclīve fuisse Samum capere, nisi ā Tīmotheo et Īphicrate dēsertus esset. Populus ācer, suspicāx ob eamque rem mōbilis, adversārius, invidus — etenim potentia in crīmen vocābātur — domum revocat; accūsantur prōditionis. Hōc iūdicīō damnātur Tīmotheus līsque eius
30 aestimātur centum talentis. Ille odiō ingrātae cīvitatīs exāctus Chalcidem sē contulit.

IV. Hūius post mortem cum populum iūdicīi suī pae-

nitēret, multae novem partēs detrāxit et decem talenta Conōnem, filium eius, ad mūrī quandam partem reficiendam iussit dare. In quō fōrtūnae varietās est animadversa. Nam quōs avus mūrōs ex hostium praedā patriae restituerat, eōsdem nepōs cum summā ignōminiā familiae 5 ex suā rē familiārī reficere coāctus est. Tīmotheī autem moderatae sapientisque vitae cum plēraque possīmus prōferre testimōnia, unō erimus contentī, quod ex eō facile conicī poterit, quam cārus suis fuerit. Cum Athēnīs adulēscēntulus causam diceret, nōn solum amīcī prīvātique 10 hospitēs ad eum dēfendendum convēnērunt, sed etiam in eis Iāsōn, tyrannus Thessaliae, quī illō tempore fuit omnium potentissimus. Hīc cum in patriā sine satellitibus sē tūtum nōn arbitrārētur, Athēnās sine ullō praesidiō vēnit tantique hospitem fēcit, ut mallet sē capitis perī- 15 culum adīre quam Tīmotheō dē fāmā dīmīcantī deesse. Hunc adversus tamen Tīmotheus postea populi iūssū bellum gessit; patriae enim sānctiōra iūra quam hospitī esse dūxit.

Haec extrēma fuit aetās imperātōrum Athēniēnsium, 20 Īphicratis, Chabriae, Tīmotheī, neque post illōrum obitum quisquam dux in illā urbe fuit dīgnus memoriā.

Veniō nunc ad fortissimum virum māximīque cōsiliī omnium barbarōrum, exceptīs duōbus Carthāginiēnsibus, Hamilcare et Hannibale. Dē quō hōc plūra referēmus, 25 quod et obscuriōra sunt eius gesta plēraque et ea quae prōsperē ei cessērunt, nōn māgnitudine cōpiarum, sed cōsiliī, quō tum omnēs superābat, accidērunt; quōrum nisi ratiō explicāta fuerit, rēs appārere nōn poterunt.

XIV. DATAMĒS.

I. Datamēs, patre Camisare, nātiōne Cāre, mātrem Scythissā nātus, primum militum in numero fuit apud Artaxerxē eōrum quī rēgiā tuēbantur. Pater eius Camisarēs, quod et manū fortis et bellō strēnuus et rēgi
5 multis locis fidēlis erat repertus, habuit prōvinciā partem Ciliciae iūxtā Cappadociā, quam incolunt Leucosyrī. Datamēs militāre mūnus fungēns primum quālis esset aperuit in bellō quod rēx adversus Cadūsios gessit. Namque hīc māgnī fuit eius opera. Quō factum est,
10 cum in eō bellō cecidisset Camisarēs, ut paterna ei trāderetur prōvincia.

II. Parī sē virtūte postea prae-buit, cum Autophrādātēs iūssu rēgis bellō persequeretur eōs quī dēfēcerant. Namque hūius operā hostēs, cum castra iam intrāssent, multis
15 milibus rēgiōrum interfectis prōfligātī sunt exercitusque reliquus cōservātus rēgis est; quā ex rē māiōribus rēbus praeesse coepit. Erat eō tempore Thuys dynastēs Paphlagoniae, antiquō genere, ortus ā Pylaemene illō, quem Homērus Trōicō bellō ā Patroclō interfectum ait.
20 Is rēgi dictō audiēns nōn erat. Quam ob causam bellō eum persequi cōstituit eiūque rei praefecit Datamēn, propinquum Paphlagonis; namque ex frātre et sorore erant nātī. Quam ob causam Datamēs primum experiri voluit ut sine armis propinquum ad officium redūceret.
25 Ad quem cum vēnisset sine praesidiō, quod ab amicō nullās vereretur insidiās, paene interiit; nam Thuys eum clam interficere voluit. Erat māter cum Datame, amita

Paphlagonis. Ea quid ageretur rescit, filiumque monuit. Ille fugā periculum evitavit bellumque indixit Thuyni. In quō cum ab Ariobarzāne, praefectō Lȳdiae et Iōniae tōtiusque Phrygiae, dēsertus esset, nihilō sēgnius persevēravit vīvumque Thuyn cēpit cum uxōre et liberis. 5

III. Cūius facti nē prius fāma ad rēgem quam ipse perveniret, dedit operam. Itaque omnibus insciis eō, ubi erat rēx, vēnit posterōque diē Thuyn, hominem māximī corporis terribilique faciē, quod et niger et capillō longō barbāque erat prōmissā, optimā veste tēxit, quam satrapae 10 rēgiū gerere cōsuērant, ōrnāvit etiam torque atque armillis aureis cēterōque rēgiō cultū; ipse agrestī duplici amiculō circumdatus hirtāque tunicā, gerēns in capite galeam vēnatōriam, dextrā manū clāvam, sinistrā cōpulam, ita vinctum ante sē Thuynem agēbat, ut sī feram bēstiam 15 captam dūceret. Quae cum omnēs aspicerent propter novitatem ōrnātūs ignōtamque fōrmam ob eamque rem māgnus esset concursus, fuit nōn nēmō quī agnōsceret Thuyn rēgiūque nūntiāret. Prīmō nōn accrēdidit itaque Pharnabāzum mīsīt explōrātum. 20

Ā quō ut rem gestam comperit, statim admittī iussit, māgnō opere dēlectātus cum factō tum ōrnātū, imprīmīs quod nōbilis rēx in potestatem inopinantī vēnerat. Itaque māgnificē Datamēn dōnātum ad exercitum mīsīt, quī tum contrahēbātur duce Pharnabāzō et Tithrauste ad 25 bellum Aegyptium, parīque eum atque illōs imperiō esse iussit. Postea vērō quam Pharnabāzum rēx revocāvit, illi summa imperiū trādita est.

IV. Hīc cum māximō studiō comparāret exercitum Aegyptumque proficisci parāret, subitō ā rēge litterae sunt 30 eī mīssae, ut Aspim aggredērētur, quī Cataoniam tenēbat; quae gēns iacet suprā Ciliciam, cōnfīnis Cappadociae.

Namque Aspis, saltuosam regionem castellisque munitam incolens, non solum imperio regis non parebat, sed etiam finitimae regionem vexabat et quae regi portarentur abripiēbat. Datamēs etsi longē aberat ab eis regionibus et
5 a maiore re abstrahēbatur, tamen regis voluntati morem gerendum putavit. Itaque cum paucis, sed viris fortibus navem conscendit, existimans, quod accidit, facilius se imprudentem parvā manū oppressurum quam paratū quamvis magnō exercitū. Hāc delatus in Ciliciam, egressus
10 inde, diēs noctesque iter faciēns Taurum transiit eoque quō studuerat venit. Quaerit quibus locis sit Aspis; cognoscit haud longē abesse profectumque tum venātum. Quem dum speculatur, adventus eius causa cognoscitur. Pisidās cum eis quos secum habēbat ad
15 resistendum Aspis comparat. Id Datamēs ubi audivit, arma sumit, suos sequi iubet; ipse equo concitato ad hostem vehitur. Quem procul Aspis conspiciens ad se ferentem pertimescit atque a conatu resistendi deterritus sese dedit. Hunc Datamēs vinctum ad regem ducendum tradit Mithridati.

V. Haec dum geruntur, Artaxerxes reminiscens a quantō bellō ad quam parvam rem principem ducum misisset, se ipse reprehendit et nuntium ad exercitum Acen misit, quod nondum Datamen profectum putabat,
25 qui diceret ne ab exercitu discederet. Hic priusquam perveniret quō erat profectus, in itinere convenit, qui Aspid ducēbant. Quā celeritate cum magnam benevolentiam regis Datamēs consecutus esset, non minorem invidiam aulicorum excēpit, quod illum unum plūris quam
30 se omnes fieri vidēbant. Quō factō cuncti ad eum opprimendum consenserunt. Haec Pandantes, gazae custōs regiae, amicus Datami, perscripta ei mittit, in quibus

docet eum in māgnō fore periculō, sī quid illō imperante adversī in Aegyptō accidisset. Namque eam esse cōnsuetūdinem rēgiam, ut cāsūs adversōs hominibus tribuant, secundōs fōrtūnae suae. Quō fieri ut facile impellantur ad eōrum perniciem, quōrum ductū rēs male gestae 5 nūntientur. Illum hōc māiōre fore in discrīmine, quod, quibus rēx māximē oboediat, eōs habeat inimīcissimōs. Talibus ille litterīs cōgnitīs, cum iam ad exercitum Acēn vēnisset, quod nōn ignōrābat ea vērē scrīpta, dēsciscere ā rēge cōstituit.

10

Neque tamen quicquam fēcit quod fidē suā esset indīgnum. Nam Mandroclēm Māgnētem exercituī prae-fēcit; ipse cum suīs in Cappadociam discēdit coniūnc-tamque huic Paphlagoniam occupat, cēlāns quā voluntāte esset in rēgem. Clam cum Ariobarzāne facit amīcitiam, 15 manum comparat, urbēs mūnitās suīs tuendās trādīt.

VI. Sed haec propter hiemāle tempus minus prōsperē prōcēdēbant. Audit Pisidās quōsdam cōpiās adversus sē parāre. Fīlium eō Arsidaeum cum exercitū mittit; cadit in proeliō adulēscēns. Proficiscitur eō pater nōn ita 20 māgnā cum manū, cēlāns quantum vulnus accēpisset, quod prius ad hostem pervenire cupiēbat, quam dē male rē gestā fāma ad suōs pervenīret, nē cōgnitā filiī morte animī dēbilitārentur militum. Quō contenderat pervēnit eisque locīs castra pōnit, ut neque circumīrī multitudīne 25 adversāriōrum posset neque impedīrī, quōminus ipse ad dīmīcandum manum habēret expeditam.

Erat cum eō Mithrobarzānēs, socer ēius, praefectus equitum. Is dēspērātis generī rēbus ad hostēs trānsfūgit. Id Datamēs ut audīvīt, sēnsit, sī in turbam exīssset ab 30 homine tam necessāriō sē relictum, futūrum ut cēteri idem cōnsilium sequerentur; itaque in vulgus ēdit suō

iūssū Mithrobarzānem profectum prō perfugā, quō facilius receptus interficeret hostēs; quā rē relinqui eum pār nōn esse et omnēs cōfestim sequi. Quod sī animō strēnuō fēcissent, futūrum ut adversariū nōn possent resistere, cum
5 et intrā vāllum et forīs caederentur. Hāc rē probātā exercitum ēdūcit, Mithrobarzānem persequitur, quī tantum quod ad hostēs pervēnerat, cum Datamēs signa inferri iubet. Pisidae novā rē commōtī in opīniōnem addūcuntur perfugās malā fidē compositōque fēcisse, ut recepti
10 māiōri essent calamitāti. Primum eōs adoriuntur. Illi cum quid agerētur aut quā rē fieret ignōrārent, coactī sunt cum eīs pūgnāre ad quōs trānsierant, ab eīsque stāre quōs reliquerant; quibus cum neutrī parcerent, celeriter sunt concisī. Reliquōs Pisidās resistantēs Datamēs in
15 vādit; primō impetū pellit, fugientēs persequitur, multōs interficit, castra hostium capit.

Talī cōsiliō ūnō tempore et prōditōrēs perculit et hostēs prōfligāvit et, quod ad perniciem suam fuerat cōgitātum, id ad salutem convertit. Quō neque acūtius
20 ūllius imperātōris cōgitātum neque celerius factum-usquam lēgimus.

VII. Ab hōc tamen virō Sisinās, māximō nātū filius, dēsciiit ad rēgemque trānsiit et dē dēfectiōne patris dētulit. Quō nūntiō Artaxerxēs commōtus, quod intellegēbat sibi cum virō fortī ac strēnuō negōtium esse, quī et
25 prius cōgitāre quam cōnārī cōsuēsset et, cum cōgitāssset, facere auderet, Autophrādātem in Cappadociam mittit. Hīc nē intrāre posset, saltum in quō Ciliciae portae sunt sitae Datamēs praeoccupāre studuit. Sed tam subitō
30 cōpiās contrahere nōn potuit. Ā quā rē dēpulsus cum eā manū, quam contrāxerat, locum dēlēgit tālem, ut neque circumīrētur ab hostibus neque praeterīret adver-

sārius, quā ancipitibus locis premeretur, et, si dimicare vellet, nōn multum obesse multitudō hostium suae paucitātī posset.

VIII. Haec etsi Autophradātēs vidēbat, tamen statim maluit congregari quam cum tantis copiis refugere aut tam diu unō loco sedere. Habebat barbarorum equum viginti, peditum centum milia, quos illi Cardacas appellant, eiusdemque generis tria milia funditorum, praeterea Cappadocum octo milia, Armeniorum decem milia, Paphlagonum quinque milia, Phrygum decem milia, Lydorum quinque milia, Aspendiorum et Pisidarum circiter tria milia, Cilicum duo milia, Captianorum totidem, ex Graecia conductorum tria milia, levis armaturae maximum numerum.

Hās adversus copias spes omnis consistēbat Datamī in se locique naturā; namque huius partem nōn habebat vicissimam militum. Quibus frētus cōflīxit adversariorumque multa milia concidit, cum de ipsius exercitū nōn amplius hominum mille cecidisset. Quam ob causam posterō diē tropaeum posuit, quō loco pridie pugnatum erat. Hinc cum castra movisset semperque inferior copiis superior omnibus proeliis discēderet, quod numquam manum cōsereret, nisi cum adversarios locorum angustiis clausisset, quod peritō regionum callideque cogitantī saepe accidēbat, Autophradātēs, cum bellum duci maiore regis calamitate quam adversariorum vidēret, pacem amicitiamque pristinam memorāns eum hortātus est, ut cum rege in gratiam rediret. Quam ille etsi fidam nōn fore putabat, tamen condicionem accēpit seque ad Artaxerxem legatos missurum dixit. Sic bellum, quod rex adversus Datamē suscepērat, sedatum est. Autophradātēs in Phrygiam se recēpit.

IX. At rēx, quod implācābile odium in Datamēn suscepērat, postquam bellō eum opprimī nōn posse animadvertit, insidiīs interficere studuit; quās ille plērāsque ēvītāvit. Sicut, cum eī nūntiātum esset quōsdam sibi
5 insidiārī, quī in amīcōrum erant numerō, — dē quibus, quod inimīcī dētulerant, neque crēdendum neque neglegendum putāvit, — experīrī voluit, vērū falsumne sibi esset relātum. Itaque eō profectus est, in quō itinere futūrās insidiās dīxerant. Sed ēlēgit corpore ac statūrā
10 simillimum suī eīque vestītum suum dedit atque eō locō ire, quō ipse cōnsuērat, iussit; ipse autem ōrnātū vestītūque mīlitārī inter corporis custōdēs iter facere coepit. At insidiātōrēs, postquam in eum locum āgmen pervēnit, dēceptī ōrdine atque vestītū impetum in eum faciunt, quī
15 suppositus erat. Praedīxerat autem eīs Datamēs, cum quibus iter faciēbat, ut parātī essent facere quod ipsum vīdissent. Ipse, ut concurrantēs insidiātōrēs animum advertit, tēla in eōs coniēcit. Hōc idem cum ūniversī fēcissent, priusquam pervenīrent ad eum quem aggredi
20 volēbant, cōnfīxī concidērunt.

X. Hīc tamen tam callidus vir extrēmō tempore captus est Mithridātis, Ariobarzānis filiī, dolō. Namque is pollicitus est rēgī sē eum interfectūrum, sī rēx permetteret, ut quodcumque vellet licēret impūnē facere, fidem-
25 que dē eā rē mōre Persārum dextrā dedisset. Hanc ut accēpit ā rēge mīssam, cōpiās parat et absēns amicitiam cum Datame facit, rēgis prōvinciās vēxat, castella expūgnat, māgnās praedās capit, quārum partim suis disperdit, partim ad Datamēn mittit; parī modō complūra
30 castella eī trādit. Haec diū faciendō persuāsit hominī sē infīnitum adversus rēgem suscepisse bellum, cum nihilō magis, nē quam suspīciōnem illī praeberet insidiārum,

neque colloquium eius petivit neque in cōspectum venīre studuit. Sic absēns amicitiam gerēbat, ut nōn beneficiis mūtuis, sed commūnī odiō, quod ergā rēgem susceperant, continērī vidērentur.

XI. Id cum satis sē cōfīrmāsse arbitrātus esset, cer- 5
tiōrem facit Datamēn, tempus esse māiōrēs rēs parārī et bellum cum ipsō rēge suscipī, dēque eā rē, sī eī vidērētur, quō locō vellet, in colloquium venīret. Probātā rē, conloquendī tempus sūmitur locusque quō convenīrētur. Hūc Mithridātēs cum ūnō, cui māximē habēbat 10
fidem, ante aliquot diēs vēnit complūribusque locīs sēparātīm gladiōs obruit eaque loca diligenter notat. Ipsō autem conloquiū diē utrīque, locum quī explorārent atque ipsōs scrūtārentur, mittunt; deinde ipsī sunt congressī. Hīc cum aliquamdiū in conloquiō fuissent et dīversī dis- 15
cessissent iamque procul Datamēs abesset, Mithridātēs, priusquam ad suōs pervenīret, nē quam suspīciōnem pareret, in eundem locum revertitur atque ibi, ubi tēlum erat infossum, resēdit, ut sī lassitūdine cuperet adquiēscere, Datamēnque revocāvit, simulāns sē quiddam in 20
conloquiō esse oblītum. Interim tēlum, quod latēbat, prōtulit nūdātumque vāginā veste tēxit ac Datamī venientī ait, digredientem sē animadvertisse locum quendam, quī erat in cōspectū, ad castra ponenda esse idōneum.

Quem cum digitō dēmōnstrāret et ille respiceret, 25
āversum ferrō trānsfixit priusque quam quisquam posset succurrere, interfēcit. Ita ille vir, quī multōs cōsiliō, nēminem perfidiā cēperat, simulatā captus est amicitīā.

XV. EPAMĪNŌNDĀS.

I. Epamīnōndās, Polymniī filius, Thēbānus. Dē hōc priusquam scrībimus, haec praeciπienda videntur lēctōribus, nē aliēnōs mōrēs ad suōs referant, nēve ea quae ipsīs leviōra sunt, parī modō apud cēterōs fuisse arbitrentur. Scīmus enim mūsicēn nostrīs mōribus abesse ā principis persōnā, saltāre vērō etiam in vitiīs pōnī; quae omnia apud Graecōs et grāta et laude dīgna dūcuntur. Cum autem exprimere imāginem cōsuētūdinis atque vītae velīmus Epamīnōndae, nihil vidēmur dēbere praetermittere, quod pertineat ad eam dēclārādam. Quā rē dicemus prīmum dē genere ēius, deinde quibus disciplīnīs et ā quibus sit ērudītus, tum dē mōribus ingenīque facultātibus et sī qua alia memoriā dīgna erunt, postrēmō dē rēbus gestīs, quae ā plūrimīs animī antepōnuntur virtūtibus.

II. Nātus igitur patre quō diximus, genere honestō, pauper iam ā māiōribus relictus est, ērudītus autem sīc ut nēmō Thēbānus magis. Nam et citharīzāre et cantāre ad chordārum sonum doctus est ā Dionysīō, quī nōn minōre fuit in mūsicīs glōriā quam Dāmōn aut Lamprus, quōrum pervulgāta sunt nōmina, cantāre tibiīs ab Olympiōdōrō, saltāre ā Calliphrōne. At philosophiae praeceptōrem habuit Lysim Tārentīnum, Pŷthagorēum; cui quidem sīc fuit dēditus, ut adulēscēns tristem ac sevērū senem omnibus aequālibus suis in familiārītāte anteposuerit; neque prius eum ā sē dīmīsīt, quam in doctrīnīs tantō antecessit condiscipulōs, ut facile intellegī posset

pari modō superātūrum omnēs in cēterīs artibus. Atque haec ad nostram cōsuētūdinem sunt levia et potius contemnenda; at in Graeciā, utique olim, māgnae laudī erant. Postquam ephēbus est factus et palaestrae dare operam coepit, nōn tam māgnitūdīnī vīrium servīvit quam 5 vēlōcitātī; illam enim ad athlētārum ūsum, hanc ad bellī exīstimābat ūtilitātem pertinēre. Itaque exercēbātur plūrimum currendō et lūctandō ad eum finem, quoad stāns complectī posset atque contendere. In armīs vērō plūrimum studiī cōnsūmēbat.

10

III. Ad hanc corporis fīrmitātem plūra etiam animī bona accesserant. Erat enim modestus, prūdēns, gravis, temporibus sapienter ūtēns, perītus bellī, fortis manū, animō māximō, adeō vērītātis dīligēns, ut nē iocō quidem mentīrētur. Īdem continēns, clēmēns patiēnsque admī- 15 randum in modum, nōn solum populī, sed etiam amīcōrum ferēns iniūriās, in primīs commissa cēlāns, quodque interdum nōn minus prōdest quam disertē dicere, studiōsus audiendī; ex hōc enim facillimē discī arbitrābātur. Itaque cum in circulum vēnisset, in quō aut dē rē pūb- 20 licā disputārētur aut dē philosophiā sermō habērētur, numquam inde prius discessit, quam ad finem sermō esset adductus.

Paupertātem adeō facile perpressus est, ut dē rē pūblicā nihil praeter glōriam cēperit. Amīcōrum in sē tuendō 25 caruit facultātibus, fidē ad aliōs sublevandōs saepe sic ūsus est, ut iūdicārī possit omnia eī cum amīcīs fuisse commūnia. Nam cum aut cīvium suōrum aliquis ab hostibus esset captus aut virgō nūbilis propter paupertātem conlocārī nōn posset, amīcōrum concilium habēbat 30 et quantum quisque daret prō facultātibus imperābat. Eamque summam cum fēcerat, potius quam ipse acci-

peret pecūniam, addūcēbat eum quī quaerēbat ad eōs quī cōferēbant, eīque ut ipsī numerārent faciēbat, ut ille ad quem ea rēs perveniēbat scīret quantum cuique dēbēret.

5 IV. Temptāta autem ēius est abstinētia ā Diomedonte Cȳzicēnō: namque is rogātū Artaxerxis rēgis Epamīnōndam pecūniā corruppendum suscēperat. Hīc māgnō cum pondere aurī Thēbās vēnit et Mīcythum adulē-scentulum, quem tum Epamīnōndas plūrimum diligēbat,
10 quīnque talentis ad suam perdūxit voluntātem. Mīcythus Epamīnōndam convēnit et causam adventūs Diomedontis ostendit.

At ille Diomedontī cōram “Nihil,” inquit, “opus pecūniā est; nam sī rēx ea vult quae Thēbānis sunt ūtilia,
15 grātīs facere sum parātus, sīn autem contrāria, nōn habet aurī atque argenti satis. Namque orbis terrārum dīvitias accipere nōlō prō patriae cāritāte. Tū quod mē incōgnitum temptāstī tuīque similem exīstimāstī, nōn mīror tibi-que īgnōscō; sed ēgredere properē, nē aliōs corruppās, cum
20 mē nōn potueris. Et tū, Mīcythe, argentum huic redde, aut, nisi id cōnfestim facis, ego tē trādam magistrātuī.” Hunc Diomedōn cum rogāret, ut tūtō exīre suaue quae attulerat licēret efferre, “Istud quidem,” inquit, “faciam, neque tuā causā, sed meā, nē, sī tibi sit pecūnia adēmpta,
25 aliquis dīcat id ad mē ēreptum pervēnisse, quod dēlātum accipere nōluissem.”

Ā quō cum quaesisset, quō sē dēdūcī vellet, et ille Athēnās dīxisset, praesidium dedit, ut tūtō pervenīret. Neque vērō id satis habuit, sed etiam, ut inviolātus in
30 nāvem ēscenderet, per Chabriam Athēniēnsem, dē quō suprā mentiōnem fēcimus, effēcit. Abstinentiae erit hōc satis testimōnium. Plūrima quidem prōferre possumus,

sed modus adhibendus est, quoniam ūnō hōc volūmine vītā excellentium virōrum complūrium conclūdere cōstituimus, quōrum rēs sēparātīm multīs mīlibus versuum complūrēs scriptōrēs ante nōs explicārent.

V. Fuit etiam disertus, ut nēmō eī Thēbānus pār esset 5
ēloquentiā, neque minus concinnus in breuitate respondendi quam in perpetuā orātiōne ōrnātus. Habuit obtrechtātorem Meneclidē quendam, indidem Thēbīs, et adversārium in administrandā rē pūblica, satis exercitātum in dīcendō, ut Thēbānum scilicet; namque illi genti plūs 10
inest vīrium quam ingeniī. Is quod in rē militārī florēre Epaminōndam vidēbat, hortārī solēbat Thēbānōs ut pācem bellō anteferrent, nē illius imperātōris opera dēsiderārētur. Huic ille “Fallis,” inquit, “verbō cīvēs tuōs, quod eōs ā bellō āvocās; ōtiī enim nōmine servitūtem 15
conciliās; nam paritur pāx bellō. Itaque quī eā diūtīnā volunt fruī, bellō exercitātī esse dēbent. Quā rē sī prīncipēs Graeciae vultis esse, castrīs est vōbīs ūtendum, nōn palaestrā.” Idem ille Meneclidēs cum huic obiceret, quod liberōs nōn habēret neque uxōrem dūxisset, māk- 20
imēque insolentiam, quod sibi Agamemnonis bellī glōriam vidērētur cōsecūtus: at ille “Dēsine,” inquit, “Meneclīda, dē uxōre mihi exprobrāre; nam nūllius in istā rē minus ūtī cōsiliō volō.” Habēbat enim Meneclidēs suspiciōnem adulteriī. “Quod autem mē Agamemnonem 25
aemulārī putās, falleris. Namque ille cum ūniversā Graeciā vix decem annīs ūnam cēpit urbem, ego contrā eā ūnā urbe nostrā diēque ūnō tōtam Graeciam Lacedaemoniīs fugātīs liberāvī.”

VI. Idem cum in conventum vēnisset Arcadum, petēns 30
ut societātem cum Thēbānīs et Argīvīs facerent, contrāque Callistratus, Athēniēnsium lēgātus, quī ēloquentiā

omnēs eō praestābat tempore, postulāret ut potius amīci-
tiam sequerentur Atticōrum, et in ōrātiōne suā multa
invēctus esset in Thēbānōs et Argīvōs in eīsque hōc
possuisset, animum advertere dēbere Arcades quālēs utra-
5 que cīvitas cīvēs prōcreāset, ex quibus dē cēteris possent
iūdicāre: Argīvōs enim fuisse Orestem et Alcmēōnem
mātricidās, Thēbīs Oedipum nātum, quī, cum patrem
suum interfēcisset, ex mātře liberōs prōcreāset; huic in
respondendō Epaminōndās, cum dē cēteris perōrāset,
10 postquam ad illa duo opprobria pervēnit, admirārī sē
dixit stultitiam rhētoris Atticī, quī nōn animadverterit,
innocentēs illōs nātōs domī, scelere admīssō cum patriā
essent expulsi, receptōs esse ab Athēniēnsibus.

Sed māximē ēius ēloquentia ēlūxit Spartaē lēgātī ante
15 pūgnam Leuctricam. Quō cum omnium sociōrum con-
vēnissent lēgātī, cōram frequentissimō conventū sic Lace-
daemoniōrum tyrannidem coarguit, ut nōn minus illā
ōrātiōne opēs eōrum concusserit quam Leuctricā pūgnā.
Tum enim perfēcit, quod post apparuit, ut auxiliō Lace-
20 daemoniī sociōrum prīvārentur.

VII. Fuisse patientem suōrumque iniūriās ferentem
cīvium, quod sē patriae irāscī nefās esse dūceret, haec
sunt testimōnia. Cum eum propter invidiam cīvēs suī
praefficere exercituī nōlissent duxque esset dēlectus bellī
25 imperītus, cūius errōre rēs eō esset dēducta, ut omnēs
dē salūte pertimēscerent, quod locōrum angustīis clausī
ab hostibus obsidēbantur, dēsiderārī coepta est Epami-
nōndae diligentia; erat enim ibi prīvātus numerō mīlitis.
Ā quō cum peterent opem, nūllam adhibuit memoriam
30 contumēliae et exercitum obsidiōne liberātum domum
redūxit incolumem. Nec vērō hōc semel fēcit, sed sae-
pius. Māximē autem fuit inlūstre, cum in Peloponnēsum

exercitum dūxisset adversus Lacedaemoniōs habēretque conlēgās duōs, quōrum alter erat Pelopidās, vir fortis ac strēnuus.

Hī cum crīminibus adversāriōrum omnēs in invidiam vēnissent ob eamque rem imperium eīs esset abrogātum 5 atque in eōrum locum aliī praetōrēs successissent, Epamīnōndās populī scītō nōn pārui idemque ut facerent persuāsit conlēgīs, et bellum quod suscēperat gessit. Namque animadvertēbat, nisi id fēcisset, tōtum exercitum propter praetōrum imprudentiam īncitiāque bellī peritūrum. 10 Lēx erat Thēbīs, quae morte multābat, sī quis imperium diūtius retinuisset quam lēge praefinītum foret. Hanc Epamīnōndās cum rei pūblīcae cōnservandae causā lātam vidēret, ad perniciem cīvitatīs cōferri nōluit et quattuor mēnsibus diūtius quam populus iusserat gessit imperium. 15

VIII. Postquam domum reditum est, conlēgae ēius hōc crīmine accūsābantur. Quibus ille permīsit, ut omnem causam in sē trānsferrent suāque operā factum contenderent, ut lēgī nōn oboedirent. Quā dēfēnsiōne illis periculō liberātis nēmō Epamīnōndam respōnsūrum putā- 20 bat, quod quid diceret nōn habēret. At ille in iūdicium vēnit, nihil eōrum negāvit quae adversāriī crīminī dabant, omniaque quae conlēgae dixerant cōfessus est neque recūsāvit quōminus lēgis poenam subīret, sed ūnum ab eīs petivit, ut in sepulcrō suō īnscriberent : 25

“ Epamīnōndās ā Thēbānīs morte multātus est, quod eōs coēgit apud Leuctra superāre Lacedaemoniōs, quōs ante sē imperātorem nēmō Boeōtōrum ausus sit aspicere in aciē, quodque ūnō proeliō nōn solum Thēbās ab interitū retrāxit, sed etiam ūniversam Graeciam in libērtātem 30 vindicāvit eoque rēs utrōrumque perdūxit, ut Thēbānī Spartam oppugnārent, Lacedaemoniī satis habērent, sī

salvī esse possent, neque prius bellāre dēstitit quam Messēnē restitūtā urbem eōrum obsidiōne clausit.”

Haec cum dīxisset, rīsus omnium cum hilaritāte coortus est, neque quisquam iūdex ausus est dē eō ferre suffrā-
5 gium. Sic ā iūdiciō capitis māximā discessit glōriā.

IX. Hīc extrēmō tempore imperātor apud Mantinēam cum aciē instrūctā audācius instāret hostibus, cōgnitus ā Lacedaemoniīs, quod in ūnūs perniciē ēius patriae sitam putābant salūtem, ūniversī in ūnum impetum fēcērunt
10 neque prius abscessērunt, quam māgnā caede ēditā multisque occīsīs fortissimē ipsum Epaminōndam pūgnantem, sparō ēminus percussum, concidere vīdērunt. Hūius cāsū aliquantum retardātī sunt Boeōtī, neque tamen prius pūgnā excessērunt quam repūgnantēs prōfligārunt. At
15 Epaminōndās, cum animadverteret mortiferum sē vulnus accēpisse simulque, sī ferrum, quod ex hastilī in corpore remānserat, extrāxisset, animam statim ēmissūrum, usque eō retinuit, quoad renūtiātum est vīcisse Boeōtōs. Id postquam audivit, “Satis,” inquit, “vīxī; invictus enim
20 morior.” Tum ferrō extractō cōnfestim exanimātus est.

X. Hīc uxōrem numquam dūxit. In quō cum reprehenderētur ā Pelopidā, quī filium habēbat infāmē, maleque eum in eō patriae cōnsulere dīceret, quod liberōs nōn relinqueret, “Vidē,” inquit, “nē tū pēius
25 cōnsulās, quī tālem ex tē nātum relictūrus sis. Neque vērō stirps potest mihi deesse; namque ex mē nātam relinquō pūgnam Leuctricam, quae nōn modo mihi superstes, sed etiam immortālis sit necesse est.” Quō tempore duce Pelopidā exsulēs Thēbās occupārunt et
30 praesidium Lacedaemoniōrum ex arce expulērunt, Epaminōndās, quam diū facta est caedēs cīvium, domō sē tenuit, quod neque dēfendere malōs volēbat neque im-

pūgnāre, nē manūs suōrum sanguine cruentāret ; namque omnem cīvilem vīctōriam fūnestam putābat. Īdem, postquam apud Cadmēam cum Lacedaemoniīs pūgnārī coeptum est, in prīmīs stetit.

Hūius dē virtūtibus vītāque satis erit dictum, sī hōc 5
ūnum adiūnxerō, quod nēmō ībit īfītiās, Thēbās et ante Epaminōndam nātum et post ēiusdem interitum perpetuō aliēnō pāruisse imperiō, contrā ea, quam diū ille praefuerit reī pūblicae, caput fuisse tōtīus Graeciae. Ex quō intellegī potest ūnum hominem plūris quam cīvītātem fuisse. 10

XVI. PELOPIDĀS.

I. Pelopidās Thēbānus, magis historicīs quam vulgō nōtus. Cūius dē virtūtibus dubitō quem ad modum expōnam, quod vereor, sī rēs explicāre incipiam, nē nōn vītā eīus ēnārrāre, sed historiam videar scrībere; sī
5 tantum modo summās attigerō, nē rudibus Graecārum litterārum minus dilucidē appāreat, quantus fuerit ille vir. Itaque utrīque reī occurram, quantum potuerō, et medēbor cum satietātī tum ignōrantiae lēctorum.

Phoebidās Lacedaemonius cum exercitum Olynthum
10 dūceret iterque per Thēbās faceret, arcem oppidī, quae Cadmēa nōminātur, occupāvit impulsū paucōrum Thēbānōrum, quī adversāriae factiōnī quō facilius resisterent, Lacōnum rēbus studēbant, idque suō privātō, nōn publicō fēcit cōnsiliō. Quō factō eum Lacedaemoniī ab exercitū
15 remōvērunt pecūniāque multārunt, neque eō magis arcem Thēbānīs reddidērunt, quod susceptīs inimicitīis satius dūcebant eōs obsidērī quam liberārī; nam post Peloponnesium bellum Athēnāsque dēvictās cum Thēbānīs sibi rem esse exīstimābant et eōs esse sōlōs, quī adversus sē
20 sistere audērent. Hāc mente amīcīs suīs summās potestātēs dederant alterīusque factiōnis prīncipēs partim interfēcerant, aliōs in exsilium eīecerant; in quibus Pelopidās hīc, dē quō scrībere exōrsī sumus, pulsus patriā carēbat.

II. Hī omnēs ferē Athēnās sē contulerant, nōn quō
25 sequerentur otium, sed ut, quem ex proximō locum fōrs obtulisset, eō patriam recuperāre nīterentur. Itaque cum tempus esset vīsum reī gerendae, commūniter cum eīs

quī Thēbīs idem sentiēbant, diem dēlēgērunt ad inimīcōs opprimendōs cīvitatēque liberandam eum quō māximī magistrātūs simul cōnsuērunt epulārī. Māgnae saepe rēs nōn ita māgnīs cōpiīs sunt gestae, sed profectō numquam tam ab tenuī initīō tantae opēs sunt prōflīgatae; nam 5 duodecim adulēscētulī coiērunt ex eīs, quī exsiliō erant multātī, cum omnīnō nōn essent amplius centum, quī tantō sē offerrent periculō. Quā paucitatē perculsa est Lacedaemoniōrum potentia. Iī enim nōn magis adversāriōrum factionī quam Spartānīs eō tempore bellum 10 intulērunt, quī prīncipēs erant tōtīus Graeciae; quōrum imperiī māiestās, neque ita multō post, Leuctricā pūgnā ab hōc initīō perculsa concidit. Illī igitur duodecim, quōrum dux erat Pelopidās, cum Athēnīs interdiū exīssent, ut vesperāscēte caelō Thēbās possent pervenīre, 15 cum canibus vēnaticīs exiērunt, rētia ferentēs, vestītū agrestī, quō minōre suspiciōne facerent iter. Quī cum tempore ipsō quō studerant pervēnissent, domum Charōnis dēvertērunt, ā quō et tempus et diēs erat datus.

III. Hōc locō libet interpōnere, etsī sēiūnctum ab rē 20 prōpositā est, nimia fidūcia quantae calamitatī soleat esse. Nam magistrātuum Thēbānōrum statim ad aurēs pervēnit exsulēs in urbem vēnisse. Id illī vīnō epulisque dēditī usque eō dēspēxērunt, ut nē quaerere quidem dē tantā rē labōrārīnt. Accessit quod etiam magis aperīret eōrum 25 dēmentiam. Adlāta est enim epistula Athēnīs ab Archīnō ūnī ex eīs, Archiae, quī tum māximum magistrātum Thēbīs obtinēbat, in quā omnia dē profectiōne eōrum perscripta erant. Quae cum iam accubantī in convīviō esset data, sicut erat signāta, sub pulvīnum subiciēns, “In crāstinum,” 30 inquit, “differō rēs sēriās.” At illī omnēs, cum iam nox processisset, vīnolentī ab exsulibus duce Pelopidā sunt

interfecti. Quibus rebus confectis, vulgo ad arma libertatemque vocato, non solum qui in urbe erant, sed etiam undique ex agris concurrerunt, praesidium Lacedaemoniorum ex arce pepulerunt, patriam obsidione liberarunt, 5 auctores Cadmae occupandae partim occiderunt, partim in exilium eiecerunt.

IV. Hoc tam turbido tempore, sicut supra docuimus, Epaminondas, quoad cum civibus dimicatum est, domi quietus fuit. Itaque haec liberatarum Thebarum propria laus est Pelopidae, ceterae ferre communes cum 10 Epaminonda. Namque Leutricam pugnam imperatore Epaminonda hic fuit dux delectae manus, quae prima phalangem prostravit Lacorum. Omnibus praeterea periculis eius adfuit — sicut, Spartam cum oppugnavit, alterum 15 tenuit cornu — quoque Messena celerius restitueretur, legatus in Persas est profectus. Denique haec fuit altera persona Thebis, sed tamen secunda ita, ut proxima esset Epaminondae.

V. Conflictatus autem est etiam adversam fortunam. Nam 20 et initio, sicut ostendimus, exsul patriam caruit et, cum Thessaliam in potestatem Thebanorum cuperet redigere legationisque iure satis tectum se arbitraretur, quod apud omnes gentes sanctum esse consuesset, a tyranno Alexandro Phraeo simul cum Ismeniā comprehensus in vincla 25 coniectus est. Hunc Epaminondas recuperavit, bello persequens Alexandrum. Post id factum numquam animo placari potuit in eum, a quo erat violatus. Itaque persuasit Thebanis ut subsidio Thessaliae proficiscerentur tyrannosque eius expellerent. Cuius belli cum ei summa 30 esset data eoque cum exercitu profectus esset, non dubitavit, simul ac conspexit hostem, confligere. In quo proelio Alexandrum ut animadvertit, incensus ira equum

in eum concitāvit proculque dīgressus ā suīs coniectū
tēlōrum cōnfossus concidit. Atque hōc secundā vīctōriā
accidit; nam iam inclinātae erant tyrannōrum cōpiae.
Quō factō omnēs Thessaliae cīvitātēs interfectum Pello-
pidam corōnīs aureīs et statuīs aēneīs liberōsque ēius;
multō agrō dōnārunt.

XVII. AGĒSILĀUS.

I. Agēsilāus Lacedaemonius cum ā cēterīs scrīptōribus tum eximiē ā Xenophonte Sōcraticō conlaudātus est; eō enim ūsus est familiārissimē.

Hīc primum dē rēgnō cum Leōtychidē, frātris filiō, 5 habuit contentiōnem. Mōs erat enim Lacedaemoniūs ā māiōribus trāditus, ut bīnōs habērent semper rēgēs, nōmine magis quam imperiō, ex duābus familiis Proclī et Eurysthenis, quī prīncipēs ex prōgeniē Herculis Spartae rēgēs fuērunt. Hōrum ex alterā in alterius familiae 10 locum fieri nōn licēbat; ita suum utraque retinēbat ordinem. Primum ratiō habēbātur, quī māximus nātū esset ex liberis eius, quī rēgnāns dēcessisset; sīn is virile secus nōn reliquisset, tum dēligēbātur, quī proximus esset propīnquitāte. Mortuus erat Āgis rēx, frāter Agēsilāi; 15 filium reliquerat Leōtychidem. Quem ille nātum nōn āgnōrat, eundem moriēns suum esse dīxerat. Is dē honōre rēgnī cum Agēsilāō, patruō suō, contendit neque id quod petīvit cōsecūtus est; nam Lysandrō suffragante, homine, ut ostendimus suprā, factiōsō et iis 20 temporibus potente, Agēsilāus antelātus est.

II. Hīc simul atque imperiū potitus est, persuāsit Lacedaemoniīs ut cum exercitū sē mitterent in Asiam bellumque rēgī facerent, docēns satius esse in Asiā quam in Eurōpā dīmīcārī. Namque fāma exierat Artaxerxēn comparāre 25 classēs pedestrēsque exercitūs, quōs in Graeciam mitteret. Datā potestāte tantā celeritāte ūsus est, ut prius in Asiam cum cōpiis pervēnerit quam rēgiū satrapae eum scīrent

profectum. Quō factum est ut omnēs imparātōs imprudentēsque offenderet. Id ut cōgnōvit Tissaphernēs, quī summum imperium tum inter praefectōs habēbat rēgiōs, indūtiās ā Lacōne petīvit, simulāns sē dare operam, ut Lacedaemoniīs cum rēge conveniret, rē autem vērā ad cōpiās comparandās, eāsque impetrāvit trimēnstrēs. Iūravit autem uterque sē sine dolō indūtiās cōservātūrum.

In quā pactiōne summā fidē mānsit Agēsilaus, contrā ea Tissaphernēs nihil aliud quam bellum comparāvit. Id etsī sentiēbat Lacō, tamen iūsiurandum servābat multumque in eō sē cōsequī dicēbat, quod Tissaphernēs periūriō suō et hominēs suis rēbus abaliēnāret et deōs sibi irātōs redderet, sē autem cōservātā religiōne cōfirmāre exercitum, cum animadverteret deūm nūmen facere sēcum, hominēsque sibi conciliāre amīciōrēs, quod eīs studēre cōsuēssent, quōs cōservāre fidem vidērent.

III. Postquam indūtiarum praeteriit diēs, barbarus nōn dubitāns, quod ipsius erant plūrima domicilia in Cāriā et ea regiō eīs temporibus multō putābātur locuplētissima, eō potissimum hostēs impetum factūrōs, omnēs suās cōpiās eō contrāxerat. At Agēsilaus in Phrygiam sē convertit eamque prius dēpopulātus est, quam Tissaphernēs usquam sē movēret.

Māgna praeda militibus locuplētātis Ephesum hiemātum exercitum redūxit atque ibi officīnis armōrum īstitūtis māgnā industriā bellum apparāvit. Et quō studiōsius armārentur īnsigniusque ōrnārentur, praemia prōposuit, quibus dōnārentur, quōrum ēgregia in eā rē fuisset industria. Fēcit idem in exercitātiōnum generibus, ut, quī cēteris praestitissent, eōs māgnīs adficeret mūneribus. His igitur rēbus effēcit ut et ōrnatissimum et exercitātissimum habēret exercitum. Huic cum tempus esset

vīsum cōpiās extrahere ex hibernāculis, vīdit, sī quō esset iter factūrus palam prōnūntiāset, hostēs nōn crēditūrōs aliāsque regiōnēs praesidiis occupātūrōs neque dubitātūrōs aliud eum factūrum ac prōnūntiāset. Itaque cum ille
5 Sardis itūrum sē dīxisset, Tissaphernēs eandem Cāriam dēfendendam putāvit. In quō cum eum opīniō fefellisset vīctumque sē vīdisset cōnsiliō, sērō suis praesidiō profectus est; nam cum illō vēnisset, iam Agēsilāus multis locis expūgnātis māgnā erat praedā potītus. Lacō autem cum
10 vidēret hostēs equitatū superāre, numquam in campō suī fēcīt potestātem et eīs locis manum cōnseruit, quibus plūs pedestrēs cōpiae valērent. Pepulit ergō, quotiēscumque congressus est, multō māiōrēs adversāriōrum cōpiās et sic in Asiā versātus est, ut omnium opīniōne vīctor
15 dūcerētur.

IV. Hīc cum iam animō meditārētur proficīscī in Persās et ipsum rēgem adorīrī, nūntius eī domō vēnit ephorōrum mīssū, bellum Athēniēnsēs et Boeōtōs indīxisse Lacedaemoniīs: quā rē venīre nē dubitāret. In hōc nōn
20 minus ēius pietās suspicienda est quam virtūs bellica; quī cum vīctōrī praeesset exercitūi māximamque habēret fīdūciam rēgnī Persārū potiundī, tantā modestiā dictō audiēns fuit iūssīs absentium magistrātuum, ut sī privātus in comitiō esset Spartae. Cūius exemplum utinam im-
25 perātōrēs nostrī sequī voluissent! Sed illūc redeāmus. Agēsilāus opulentissimō rēgnō praeposuit bonam exīstīmātiōnem multōque glōriōsius dūxit, sī institūtīs patriae pāruiisset, quam sī bellō superāset Asiam. Hāc igitur mente Hellēsponium cōpiās trāiēcīt tantāque ūsus est
30 celeritāte, ut, quod iter Xerxēs annō vertente cōnfēcērat, hīc trānsierit trīgintā diēbus. Cum iam haud ita longē abesset ā Peloponnēsō, obsistere eī cōnātī sunt Athēni-

ēnsēs et Boeōtī cēterīque eōrum socii apud Corōnēam; quōs omnēs gravī proeliō vīcit. Hūius vīctōriae vel māxima fuit laus, quod, cum plērique ex fugā sē in templum Minervae coniēcissent quaererēturque ab eō, quid eīs vellet fierī, etsi aliquot vulnera accēperat eō proeliō 5 et irātus vidēbātur omnibus, quī adversus arma tulerant, tamen antetulit irae religiōnem et eōs vetuit violārī.

Neque vērō hōc solum in Graeciā fēcit, ut templa deōrum sāncta habēret, sed etiam apud barbarōs summā religiōne omnia simulācra ārāsque cōservāvit. Itaque 10 praedicābat mirārī sē, nōn sacrilegōrum numerō habērī quī supplicibus deōrum nocuissent, aut nōn graviōribus poenīs adfici quī religiōnem minuerent, quam quī fāna spoliārent.

V. Post hōc proelium conlātum omne bellum est circā 15 Corinthum ideōque Corinthium est appellātum. Hīc cum unā pūgnā decem mīlia hostium Agēsilāo duce cecidissent eōque factō opēs adversāriōrum dēbilitātae vidērentur, tantum āfuit ab insolentiā glōriae, ut commiserātus sit fōrtūnam Graeciae, quod tam multī ā sē vīctī vitiō 20 adversāriōrum concidissent: namque illā multitudīne, si sāna mēns esset, Graeciae supplicium Persās dare potuisset. Idem cum adversāriōs intrā moenia compulisset et ut Corinthum oppūgnāret multī hortārentur, negāvit id suae virtūtī convenīre: sē enim eum esse quī ad officium 25 peccantēs redīre cōgeret, nōn quī urbēs nōbilissimās expūgnāret Graeciae. “Nam si,” inquit, “eōs exstinguere voluerimus, quī nōbiscum adversus barbarōs stetērunt, nōsmet ipsī nōs expūgnāverimus illis quiēscientibus. Quō factō sine negōtiō, cum voluerint, nōs oppriment.” 30

VI. Interim accidit illa calamitās apud Leuctra Lacedaemoniis. Quō nē proficīscerētur, cum ā plērisque ad

exeundum impellerētur, ut sī dē exitū divīnāret, excūsāvit senectūtem. Idem, cum Epaminōndās Spartam oppugnāret essetque sine mūrīs oppidum, tālem sē imperātorem prae-buit, ut eō tempore omnibus appāruerit, nisi ille
5 fuisset, Spartam futūrā nōn fuisse. In quō quidem discrīmine celeritās eīus cōsiliī salūtī fuit ūniversīs. Nam cum quīdam adulēscentulī hostium adventū perterritī ad Thēbānōs trānsfugere vellent et locum extrā urbem ēditum cēpissent, Agēsilāus, quī perniciōsissimum fore vidēret, sī
10 animadversum esset quemquam ad hostēs trānsfugere cōnārī, cum suis eō vēnit atque, ut sī bonō animō fēcissent, laudāvit cōsiliū eōrum, quod eum locum occupāssent; id sē quoque fierī dēbere animadvertisse. Sīc adulēscentēs simulātā laudātiōne recuperāvit et adiūctis
15 dē suis comitibus locum tūtum reliquit. Namque illī adiectō numerō eōrum, quī expertēs erant cōsiliī commovēre sē nōn sunt ausī eoque libentius, quod latēre arbitrabantur quae cōgitāverant.

VII. Sine dubiō post Leuctricam pūgnam Lacedaemoniī sē numquam refēcērunt neque prīstinum imperium
20 recuperārunt, cum interim numquam Agēsilāus dēstitit quibuscumque rēbus posset patriam iuvāre. Nam cum praecipuē Lacedaemoniī indigērent pecūniā, ille omnibus quī ā rēge dēfēcērant praesidiō fuit; ā quibus māgnā
25 dōnātus pecūniā patriam sublevāvit. Atque in hōc illud imprīmīs fuit admirābile, cum māxima mūnera eī ab rēgibus ac dynastīs cīvitatibusque cōferrentur, quod nihil umquam domum suam contulit, nihil dē victū, nihil dē vestitū Lacōnum mūtāvit. Domō eādem fuit contentus,
30 quā Eurysthenēs, prōgenitor māiōrum suōrum, fuerat ūsus; quam quī intrārat, nūllum sīgnum libīdinis, nūllum lūxuriae vidēre poterat, contrā ea plūrima patientiae atque

abstinentiae. Sic enim erat instructa, ut in nullā rē differret ā cuiusvis inopis atque privātī.

VIII. Atque hīc tantus vir ut nātūrā faulricem habuerat in tribuendis animī virtūtibus, sic maleficam nactus est in corpore fingendō; nam et statūrā fuit humili et 5 corpore exiguō et claudus alterō pede. Quae rēs etiam nōnnūllam adferēbat dēfōrmitātem, atque ignōtī, faciem ēius cum intuerentur, contemnēbant; quī autem virtutēs nōverant, nōn poterant admirārī satis. Quod eī ūsū vēnit, cum annōrum octōgintā subsidiō Tachō in Aegyp- 10 tum mīssus esset et in actā cum suis accubisset sine ūllō tēctō statumque habēret tāle, ut terra tēcta esset strāmentis neque hūc amplius quam pellis esset iniecta, eōdem quō comitēs omnēs vestitū humili atque obsolētō, ut eōrum ōrnātus nōn modo in eīs rēgem nēminem sig- 15 nificāret, sed hominēs esse nōn beātissimōs suspiciōnem praebēret. Hūius dē adventū fāma cum ad rēgiōs esset perlāta, celeriter mūnera eō cuiusque generis sunt adlāta. Hīs quaerentibus Agēsilāum vix fidēs facta est, ūnum esse ex eīs qui tum accubābant. Quī cum rēgis verbis quae 20 attulerant dedissent, ille praeter vitulinam et ēius modī genera obsōniī, quae praesēns tempus dēsiderābat, nihil accēpit; unguenta, corōnās secundamque mēnsam servīs dispartit, cētera referri iussit. Quō fāctō eum barbari magis etiam contempsērunt, quod eum ignōrantiā bonā- 25 rum rērum vīlia potissimum sūmpsisse arbitrābantur.

Hīc cum ex Aegyp̄tō reverterētur, dōnātus ā rēge Nectanabide ducentis vīginti talentis, quae ille mūnerī populō suō daret, vēnissetque in portum, quī Menelāi vocātur, iacēns inter Cūrēnās et Aegyptum, in morbum implicitus 30 dēcessit. Ibi eum amīcī, quō Spartam facilius perferre possent, quod mel nōn habēbant, cērā circumfūdērunt atque ita domum rettulērunt.

XVIII. EUMENĒS.

I. Eumenēs Cardīanus. Hūius sī virtūtī pār data esset fōrtūna, nōn ille quidem māior exstisset — quod māgnōs hominēs virtūte mētīmur, nōn fōrtūnā — sed multō inlūstrior atque etiam honōrātior. Nam cū aetās ēius
5 incidisset in ea tempora, quibus Macedonēs flōrērent, multum eī dētrāxit inter eōs vīventī, quod aliēnae erat cīvītātis, neque aliud huic dēfuit quam generōsa stirps. Etsī enim domesticō summō genere erat, tamen Macedonēs eum sibi aliquandō antepōnī indignē ferēbant, neque
10 tamen nōn patiēbantur; vincēbat enim omnēs cūrā, vigilantīā, patientīā, calliditāte et celeritāte ingenīi.

Hīc peradulēscentulus ad amīcitiam accessit Philippī, Amyntae filiī, brevīque tempore in intimam pervēnit familiārītatem; fulgēbat enim iam in adulēscentulō indolēs
15 virtūtis. Itaque eum habuit ad manum scribae locō, quod multō apud Grāiōs honōrificentius est quam apud Rōmānōs. Namque apud nōs, rē vērā sicut sunt, mercennāriī scribae exīstimantur; at apud illōs ē contrāriō nēmō ad id officium admittitur nisi honestō locō, et fidē
20 et industriā cōgnitā, quod necesse est omnium cōnsiliōrum eum esse participem. Hunc locum tenuit amīcitiae apud Philippum annōs septem. Illō interfectō eōdem gradū fuit apud Alexandrum annōs tredecim. Novissimō tempore praefuit etiam alterae equitum ālae, quae Hetaericē appellābātur. Utrīque autem in cōnsiliō semper
25 adfuit et omnium rērum habitus est particeps.

II. Alexandrō Babylōne mortuō, cum rēgna singulīs

familiāribus dispertirentur et summa tradita esset tuenda eīdem, cui Alexander moriēns ānulum suum dederat, Perdiccae — ex quō omnēs coniēcerant eum rēgnum eī commisisse, quoad liberī ēius in suam tūtēlam pervēnissent; aberat enim Crateros et Antipater, quī antecēdere hunc vidēbantur; mortuus erat Hēphaestiō, quem ūnum Alexander, quod facile intellegī posset, plūrimī fēcerat — hōc tempore data est Eumenī Cappadocia sive potius dicta; nam tum in hostium erat potestāte. Hunc sibi Perdiccās adiūnxerat māgnō studiō, quod in homine 10 fidem et industriam māgnam vidēbat, nōn dubitāns, sī eum pellēxisset, māgnō ūsuī fore sibi in eīs rēbus quās apparābat. Cōgitābat enim, quod ferē omnēs in māgnis imperiīs concupiscunt, omnium partēs corripere atque complectī. Neque vērō hōc ille sōlus fēcit, sed cēterī 15 quoque omnēs, quī Alexandrī fuerant amīcī. Prīmus Leonnātus Macedoniam praeoccupāre dēstināvit. Is multīs māgnisque pollicitātiōnibus persuādere Eumenī studuit, ut Perdiccam dēsereret ac sēcum faceret societātem. Cum perdūcere eum nōn posset, interficere cōnātus est, et 20 fēcisset, nisi ille clam noctū ex praesidiīs ēius effūgisset.

III. Interim cōnflāta sunt illa bella, quae ad interneciōnem post Alexandrī mortem gesta sunt, omnēsque concurrērunt ad Perdiccam opprimendum. Quem etsī infirmum vidēbat, quod ūnus omnibus resistere cōgēbātur, 25 tamen amīcum nōn dēseruit neque salūtis quam fidēi fuit cupidior. Praefēcerat hunc Perdiccās eī partī Asiae, quae inter Taurum mōntem iacet atque Hellēspontum, et illum ūnum opposuerat Eurōpaeīs adversāriīs; ipse Aegyptum oppūgnātum adversus Ptolemaeum erat profec- 30 tus. Eumenēs cum neque māgnās cōpiās neque fīrmās habēret, quod et inexercitātae et nōn multō ante erant

contractae, adventāre autem dīcerentur Hellēspon-
tumque trānsisse Antipater et Crateros māgnō cum exercitū Mace-
donum, virī cum clāritāte tum ūsū bellī praestantēs —
5 Rōmānī feruntur; etenim semper habitī sunt fortissimī,
quī summī imperiī potīrentur — Eumenēs intellegēbat, sī
cōpiae suae cōgnōssent adversus quōs dūcerentur, nōn
modo nōn itūrās, sed simul cum nūntiō dilapsūrās.

Itaque hōc eī vīsum est prūdētissimum, ut dēviis
10 itineribus milītēs dūceret, in quibus vēra audīre nōn pos-
sent, et eīs persuādēret sē contrā quōsdam barbarōs
proficīscī. Atque tenuit hōc prōpositum et prius in aciem
exercitum ēdūxit proeliumque commisit, quam milītēs suī
scīrent, cum quibus arma cōferrent. Effēcit etiam illud
15 locōrum praeoccupātiōne, ut equitātū potius dīmīcāret,
quō plūs valēbat, quam peditātū, quō erat dēterior.

IV. Quōrum ācerrimō concursū cū māgnam partem
diēi esset pūgnātum, cadit Crateros dux et Neoptolemus,
quī secundum locum imperiī tenēbat. Cum hōc concur-
20 rit ipse Eumenēs. Quī cum inter sē complexī in terram
ex equīs dēcidissent, ut facile intellegī possent inimicā
mente contendisse animōque magis etiam pūgnāsse quam
corpore, nōn prius distractī sunt quam alterum anima
relinqueret. Ab hōc aliquot plāgis Eumenēs vulnerātur,
25 neque eō magis ex proeliō excessit, sed ācrius hostēs
īstitit. Hic equitibus prōflīgātis, interfectō duce Craterō,
multis praetereā et māximē nōbilibus captis pedester
exercitus, quod in ea loca erat dēductus ut invitō
Eumene ēlābi nōn posset, pācem ab eō petiit. Quam
30 cum impetrāsset, in fidē nōn mānsit et sē, simul ac potuit,
ad Antipatrum recēpit. Eumenēs Craterum ex aciē sē-
nivivum ēlātum recreāre studuit; cum id nōn posset,

prō hominis dīgnitāte prōque pristinā amicitia — namque illō ūsus erat Alexandrō vivō familiāriter — amplō fūnere extulit ossaque in Macedoniam uxōrī eius ac liberis remisit.

V. Haec dum apud Hellēspontum geruntur, Perdiccās 5 apud Nilum flūmen interficitur ā Seleucō et Antigene, rerūque summa ad Antipatrum dēfertur. Hīc quī nōn dēseruerant, exercitū suffrāgium ferente capitis absentēs damnantur, in eīs Eumenēs. Hāc ille percussus plāgā nōn succubuit neque eō sētius bellum administrāvit. Sed 10 exilēs rēs animī māgnitudinem, etsī nōn frangēbant, tamen minuēbant. Hunc persequēns Antigonus, cum omnī genere cōpiarū abundāret, saepe in itineribus vēxābatur, neque umquam ad manum accēdere licēbat nisi eīs locīs, quibus paucī multīs possent resistere. Sed extrēmō tem- 15 pore, cum cōsiliō capī nōn posset, multitudīne circumitus est. Hinc tamen multīs suis āmissis sē expedit et in castellum Phrygiae, quod Nōra appellātur, cōnfūgit. In quō cum circumsederētur et vererētur nē ūnō locō manēns equōs militārēs perderet, quod spatium nōn esset 20 agitandī, callidum fuit eius inventum, quem ad modum stāns iumentum concalfieri exercērique posset, quō libentius et cibō ūterētur et ā corporis mōtū nōn removerētur. Substringēbat caput lōrō altius quam ut priōribus pedibus plēnē terram posset attingere, deinde post verberibus 25 cōgēbat exsultāre et calcēs remittere; quī mōtus nōn minus sūdōrem excutiēbat, quam sī in spatiō dēcurreret. Quō factum est, quod omnibus mirābile est vīsum, ut aequē nitida iumenta ex castellō ēdūceret, cum complūrēs mēnsēs in obsidiōne fuisset, ac sī in campestribus ea locīs 30 habuisset. In hāc conclūsiōne, quotiēscumque voluit, apparātum et mūnitiōnēs Antigoni aliās incendit, aliās

disiēcit. Tenuit autem sē ūnō locō quam diū hiems fuit, quod castra sub divō habēre nōn poterat. Vēr appropinquābat; simulatā dēditione, dum dē condiціōnibus, tractat, praefectis Antigonī imposuit sēque ac suōs omnēs
5 extrāxit incolumēs.

VI. Ad hunc Olympiās, māter quae fuerat Alexandrī, cum litterās et nūntiōs mīsisset in Asiam cōsultum, utrum repetitum īret Macedoniam — nam tum in Ēpirō habitābat — et suās rēs occupāret, huic ille primum suāsīt
10 nē sē movēret et exspectāret, quoad Alexandrī filius rēgnum adipīscerētur; sīn aliquā cupiditāte raperētur in Macedoniam, oblivīscerētur omnium iniūriarū et in nēmīnem acerbīore ūterētur imperiō. Hōrum illa nihil fēcīt: nam et in Macedoniam profecta est et ibi crudē-
15 lissimē sē gessit. Petiit autem ab Eumene absente nē paterētur Philippī domus ac familiae inimicissimōs stirpem quoque interimere, ferretque opem liberis Alexandrī. Quam veniam sī daret, quam primum exercitūs parāret, quōs sibi subsidiō addūceret. Id quō facilius faceret, sē
20 omnibus praefectis, quī in officiō manēbant, mīsisse litterās, ut eī parērent eiusque cōsiliis ūterentur. Hīs rēbus Eumenēs permōtus satius dūxit, sī ita tulisset fōrtūna, perīre bene meritīs referentem grātiā quam ingrātum vīvere.

25 VII. Itaque cōpiās contrāxit, bellum adversus Antigōnum comparāvit. Quod ūnā erant Macedonēs complūrēs nobilēs, in eīs Peucestēs, quī corporis custōs fuerat Alexandrī, tum autem obtinēbat Persidem, et Antigenēs, cūius sub imperiō phalanx erat Macedonum, invidiam
30 verēns — quam tamen effugere nōn potuit — sī potius ipse aliēnigena summī imperiī potirētur quam aliquis Macedonum, quōrum ibi erat multitudō, in prīncipiis Alexandrī

nōmine tabernāculum statuit in eōque sellam auream cum sceptrō ac diadēmate iussit pōnī eōque omnēs cottidiē convenīre, ut ibi dē summīs rēbus cōnsilia cape-
rentur; crēdēns minōre sē invidiā fore, sī speciē imperiī
nōminisque simulātiōne Alexandrī bellum vidērētur ad- 5
ministrāre. Quod effēcit; nam cum nōn ad Eumenis
prīncipia, sed ad rēgia convenīrētur atque ibi dē rēbus
dēliberārētur, quōdam modō latēbat, cum tamen per eum
ūnum gererentur omnia.

VIII. Hīc in Paraetacīs cum Antigonō cōnflīxit, nōn 10
aciē instrūctā, sed in itinere, eumque male acceptum
in Mēdiam hiemātum coēgit redire. Ipse in fīnitimā
regiōne Persidis hiemātum cōpiās dīvisit, nōn ut voluit,
sed ut militum cōgēbat voluntās. Namque illa phalanx
Alexandrī Māgnī, quae Asiam peragrārat dēviceratque 15
Persās, inveterāta cum glōriā tum etiam licentiā, nōn
pārere sē ducibus, sed imperāre postulābat, ut nunc
veterānī faciunt nostrī. Itaque periculum est nē faciant
quod illī fēcērunt, suā intemperantiā nimiāque licentiā ut
omnia perdant neque minus eōs cum quibus fēcērunt, 20
quam adversus quōs steterint. Quod sī quis illōrum vete-
rānōrum legat facta, paria hōrum cōgnōscat neque rem
ūllam nisi tempus interesse iūdicet. Sed ad illōs rever-
tar. Hiberna sūmpserant nōn ad ūsum bellī, sed ad
ipsōrum lūxuriam, longēque inter sē discesserant. Hōc 25
Antigonus cum comperisset intellexeretque sē parem nōn
esse parātīs adversāriīs, statuit aliquid sibi cōsiliū novī
esse capiendum. Duae erant viae quā ex Mēdis, ubi ille
hiemābat, ad adversāriōrum hibernācula posset pervenīrī.
Quārum brevior per loca dēserta, quae nēmō incolēbat 30
propter aquae inopiam, cēterum diērum erat ferē decem;
illa autem, quā omnēs commeābant, alterō tantō longiō-

rem habēbat ānfrāctum, sed erat cōpiōsa omniumque
rērū abundāns. Hāc sī proficīscerētur, intellegēbat prius
adversāriōs rescītūrōs dē suō adventū quam ipse tertiam
partem cōnfēcisset itineris; sīn per loca sōla contende-
5 ret, spērābat sē imprudentem hostem oppressūrum.

Ad hanc rem cōficiendam imperāvit quam plūrimōs
ūtrēs atque etiam culleōs comparārī, post haec pābulum,
praetereā cibāria cocta diērū decem, ut quam minimē
fieret ignis in castrīs. Iter quō habeat omnēs cēlat.
10 Sic parātus, quā cōstituerat proficīscitur.

IX. Dīmīdium ferē spatium cōnfēcerať, cum ex fūmō
castrōrū ēius suspīciō adlāta est ad Eumenem hostem
appropīnquāre. Conveniunt ducēs; quaeritur, quid opus
sit factō. Intellegēbant omnēs tam celeriter cōpiās
15 ipsōrū contrahī nōn posse, quam Antigonus adfutūrus
vidēbātur. Hīc omnibus titubantibus et dē rēbus summīs
dēspērantibus Eumenēs ait, sī celeritātem velint adhibēre
et imperāta facere, quod ante nōn fēcērint, sē rem ex-
peditūrum. Nam quod diēbus quīnque hostis trānsisse
20 posset, sē effectūrum ut nōn minus totīdem diērū spatiō
retardārētur; quā rē circumīrent, suās quisque contraheret
cōpiās. Ad Antigoni autem refrēnandum impetum tāle
capit cōnsilium. Certōs mittit hominēs ad īnfimōs
mōntēs, quī obvīi erant itinerī adversāriōrū, eīsque
25 praecipit ut primā nocte quam lātissimē possint ignēs
faciant quam māximōs atque hōs secundā vigiliā minu-
ant, tertiā perexiguōs reddant, ut adsimulātā castrōrū
cōnsuetūdine suspīciōnem inicianť hostibus eīs locīs esse
castra ac dē eōrū adventū esse praenūntiātum; idem-
30 que posterā nocte faciant. Quibus imperātum erat, dili-
genter praeceptum cūrant. Antigonus tenebrīs obortīs
ignēs cōspiciātur; crēdit dē suō adventū esse audītum

et adversariōs illūc suās contrāxisse cōpiās. Mūtat cōn-
siliū et, quoniam imprudentēs adoriri nōn posset, flectit
iter suū et illum ānfractū longiōrem cōpiōsae viae
capit ibique diē unū opperitur ad lassitudinem sē-
dandam militū ac reficienda iūmenta, quō integriore
exercitū dēcereret.

X. Sīc Eumenēs callidū imperatōrem vicit cōsiliō
celeritatēque impedivit eiūs, neque tamen multum prō-
fecit; nam invidiā ducū, cum quibus erat, perfidiāque
Macedonū veterānōrū, cum superior proeliō disces- 10
sisset, Antigono est dēditus, cum exercitus ei ter ante
sēparātis temporibus iūrasset sē eum dēfensūrum neque
umquam dēsertūrum. Sed tanta fuit nōnnūllōrū virtūtis
obtrectātiō, ut fidem āmittere māllent quā eum nōn
perdere. Atque hunc Antigonus, cum ei fuisset īfestissi- 15
mus, cōservasset, sī per suos esset licitū, quod ab nūllō
sē plūs adiuvārī posse intellegēbat in eis rēbus, quās
impendere iam appārēbat omnibus. Imminēbant enim
Seleucus, Lysimachus, Ptolemaeus, opibus iam valentēs,
cum quibus ei dē summīs rēbus erat dīmicandū. Sed 20
nōn passi sunt ii quī circā erant, quod vidēbant Eumene
receptō omnēs prae illō parvī futurōs. Ipse autem
Antigonus adeō erat incēsus, ut nisi māgnā spē māximā-
rum rērum lēniri nōn posset.

XI. Itaque cum eum in custōdiam dedisset et prae- 25
fectus custōdum quaesisset, quem ad modum servārī
vellet, “Ut ācerrimū,” inquit, “leōnem aut ferōcissimū
elephantū”; nōndum enim statuerat, cōservāret eum
necne. Veniēbat autem ad Eumenem utrumque genus
hominū, et quī propter odium fructū oculīs ex eiūs 30
cāsū capere vellent, et quī propter veterem amicitiam
conloquī cōsōlārīque cuperent, multī etiam, quī eiūs

fōrmam cōgnōscere studēbant, quālis esset quem tam diū tamque valdē timuissent, cūius in perniciē positam spem habuissent victōriae. At Eumenēs, cum diūtius in vinclīs esset, ait Onomarchō, penes quem summa imperiī erat
5 custōdiae, sē mīrārī quā rē iam tertium diem sic tenērētur; nōn enim hōc convenīre Antigoni prūdētiaē, ut sic ūtērētur dēvictō; quīn aut interficī aut mīssum fierī iubēret. Hīc cum ferōcius Onomarchō loquī vidērētur, “Quid? Tū,” inquit, “animō sī istō erās, cūr nōn in
10 proeliō cecidisti potius quam in potestātem inimicī venirēs?” Huic Eumenēs “Utinam quidem istud ēvēnisset! Sed eō nōn accidit, quod numquam cum fortiōre sum congressus; nōn enim cum quōquam arma contulī, quīn is mihi succubuerit.” Neque id erat falsum; nōn
15 enim virtūte hostium, sed amicōrum perfidiā dēcidit. . . . Nam et dignitāte fuit honestā et vīribus ad labōrem ferendum firmīs neque tam māgnō corpore quam figurā venustā.

XII. Dē hōc Antigonus cum sōlus cōstituere nōn
20 audēret, ad cōsiliū rettulit. Hīc cum omnēs primō perturbātī admīrārentur nōn iam dē eō sūmptum esse supplicium, ā quō tot annōs adeō essent male habitī, ut saepe ad dēspēratiōnem forent adductī, quīque māximōs ducēs interfēcisset, dēnique in quō ūnō tantum esset, ut,
25 quoad ille vīveret, ipsī sēcūrī esse nōn possent, interfectō nihil habitūrī negōtiī essent; postrēmō, si illi redderet salūtem, quaerēbant, quibus amicīs esset ūsūrus: sēsē enim cum Eumene apud eum nōn futūrōs. Hīc cōgnitā cōsiliū voluntāte tamen usque ad septimum diem dēliberandī sibi spatium reliquit. Tum autem, cum iam verērētur nē qua sēditiō exercitūs orerētur, vetuit quemquam ad eum admittī et cottīdiānum victum removērī

iussit; nam negābat sē eī vim adlātūrum, cui aliquandō fuisset amīcus. Hīc tamen nōn amplius quam trīduum famē fatigātus, cum castra movērentur, īnscente Antigōnō iugulātus est ā custōdibus.

XIII. Sīc Eumenēs annōrum quīnque et quadrāgintā, 5 cum ab annō vicēsīmō, utī suprā ostendimus, septem annōs Philippō appāruisset, tredecim apud Alexandrum eundem locum obtinuisset, in eīs ūnum equitum ālae praefuisset, post autem Alexandrī Māgnī mortem imperātor exercitūs dūxisset summōsque ducēs partim rep- 10 pulisset, partim interfēcisset, captus nōn Antigōnī virtūte, sed Macedonum periūriō tālem habuit exitum vītae. In quō quanta omnium fuerit opīniō eōrum, quī post Alexandrum Māgnum rēgēs sunt appellātī, ex hōc facillimē potest iūdicārī, quod, quōrum nēmō Eumene vīvō rēx 15 appellātus est, sed praefectus, eidem post hūius occāsum statim rēgium ōrnātum nōmenque sūmpsērunt neque, quod initiō praedicārant, sē Alexandrī liberīs rēgnum servāre, praestāre voluērunt et hōc ūnō prōpūgnātōre sublātō quid sentīrent aperuērunt. Hūius sceleris prīncipēs 20 fuērunt Antigonus, Ptolemaeus, Seleucus, Lysimachus, Casandrus. Antigonus autem Eumenem mortuum propīnquīs ēius sepeliendum trādīdit. Iī militārī honestōque fūnere, comitante tōtō exercitū, humāvērunt ossaque ēius in Cappadociam ad mātrem atque uxōrem liberōsque ēius 25 dēportanda cūrārunt.

XIX. PHŌCIŌN.

I. Phōciōn Athēniēnsis etsī saepe exercitibus praefuit summōsque magistrātūs cēpit, tamen multō ēius nōtior est integritās vītae quam rei militāris labor. Itaque hūius memoria est nūlla, illius autem māgna fāma, ex quō
5 cōgnōmine Bonus est appellātus. Fuit enim perpetuō pauper, cum divitissimus esse posset propter frequentēs dēlātōs honōrēs potestātēsque summās, quae eī ā populō dabantur. Hīc cum ā rēge Philippō mūnera māgnae pecūniae repudiāret lēgātique hortārentur accipere simul-
10 que admonērent, sī ipse eīs facile carēret, liberīs tamen suis prōspiceret, quibus difficile esset in summā paupertāte tantam paternam tuērī glōriam, eīs ille “Sī meī similēs erunt, īdem hīc,” inquit, “agellus illōs alet, quī mē ad hanc dīgnitātem perdūxit; sīn dissimilēs sunt futūrī, nōlō
15 meīs impēnsīs illōrum alī augērīque lūxuriā.”

II. Īdem cum prope ad annum octōgēsimum prōspērā pervēnisset fōrtūnā, extrēmīs temporibus māgnum in odium pervēnit suōrum cīvium, prīmō quod cum Dēmāde dē urbe trādendā Antipatrō cōnsēnserat ēiusque cōsiliō
20 Dēmōsthenēs cum cēterīs, quī bene dē rē pūblicā meritī existimābantur, populī scītō in exsilium erant expulsī. Neque in eō solum offenderat, quod patriae male cōnsuluerat, sed etiam quod amīcitiae fidem nōn praestiterat. Namque auctus adiūtusque ā Dēmōsthene eum quem
25 tenēbat ascenderat gradum, cum adversus Charētem eum subōrnāret; ab eōdem in iūdiciīs, cum capitis causam diceret, dēfēnsus aliquotiēns, liberātus discesserat. Hunc

nōn solum in periculis nōn dēfendit, sed etiam prōdidit. Concidit autem māximē unō crimine, quod, cum apud eum summum esset imperium populī iussū et Nicānorem, Cassandrī praefectum, insidiārī Pīraeō ā Dercylō monērētur idemque postulāret ut prōvidēret, nē commeātibus 5 cīvitas prīvārētur, huic audiente populō Phōciōn negāvit esse periculum sēque eius rei obsidem fore pollicitus est. Neque ita multō post Nicānor Pīraeō est potītus. Ad quem recuperandum cum populus armātus concurrisset, ille nōn modo nēminem ad arma vocāvit, sed nē armātis 10 quidem praeesse voluit.

III. Erant eō tempore Athēnīs duae factiōnēs, quārum ūna populī causam agēbat, altera optimātium. In hāc erat Phōciōn et Dēmētrius Phalēreus. Hārum utraque Macedonum patrōciniis ūtēbātur; nam populārēs Polyperchōntī 15 favēbant, optimātēs cum Cassandrō sentiēbant. Interim ā Polyperchōnte Cassandrus Macedoniā pulsus est. Quō factō populus superior factus statim ducēs adversāriae factiōnis capitis damnātōs patriā prōpulit, in eīs Phōciōnem et Dēmētrium Phalēreum, dēque eā rē lēgātōs ad 20 Polyperchōntem mīsīt, quī ab eō peterent ut sua decrēta cōnfirmāret. Hūc eōdem profectus est Phōciōn. Quō ut vēnit, causam apud Philippum rēgem verbō, rē ipsā quidem apud Polyperchōntem iussus est dicere; namque is tum rēgis rēbus praeerat. Hīc ab Hāgnōne accūsātus, 25 quod Pīraeum Nicānorī prōdidisset, ex cōnsiliī sententiā in custōdiam coniectus Athēnās dēductus est, ut ibi dē eō lēgibus fieret iūdicium.

IV. Hūc ut perventum est, cum propter aetātem pedibus iam nōn valēret vehiculōque portārētur, māgnī concursūs sunt factī, cum aliī, reminiscētēs veteris fāmae, 30 aetātis miserērentur, plūrimī vērō irā exacuerentur propter

prōditionis suspiciōnem m̄ximēque quod adversus populi
commoda in senectūte steterat. Quā rē nē perōrandī
quidem eī data est facultās dīcentī causam in iūdicīō;
lēgitimīs quibusdam cōfectīs damnātus trāditus est ūn-
5 decimvirīs, quibus ad supplicium mōre Athēniēnsium
pūblicē damnātī trādī solent. Hīc cum ad mortem dūce-
rētur, obvius eī fuit Euphilētus, quō familiāriter fuerat
ūsus. Is cum lacrimāns dīxisset “Ō quam indīgna per-
peteris, Phōciōn!” huic ille “At nōn inopīnāta,” in-
10 quit; “hunc enim exitum plērīque clārī virī habuērunt
Athēniēnsēs.” In hōc tantum fuit odium multitudinis, ut
nēmō ausus sit eum līber sepelīre. Itaque ā servīs
sepultus est.

XX. TĪMOLEŌN.

I. Tīmoleōn Corinthius. Sine dubiō māgnus omnium iūdictiō hic vir exstitit. Namque huic ūnī contigit, quod nēsciō an nūllī, ut et patriam, in quā erat nātus, oppressam ā tyrannō liberāret, et ā Syrācūsānīs, quibus auxiliō erat mīssus, iam inveterātam servitūtem dēpelleret tōtam- 5 que Siciliam, multōs annōs bellō vēxātā ā barbarisque oppressam, suō adventū in prīstinum restitueret. Sed in hīs rēbus nōn simplici fōrtūnā cōnflictātus est et, id quod difficilīus putātur, multō sapientius tulit secundam quam adversam fōrtūnam. Nam cum frāter ēius Tīmophanēs, 10 dux ā Corinthiīs dēlēctus, tyrannidem per milītēs mercen- nāriōs occupāset particepsque rēgnī ipse posset esse, tantum āfuit ā societāte sceleris, ut antetulerit cīvium suōrum libērtātem frātris salūtī et pārēre lēgibus quam imperāre patriae satius dūxerit. Hāc mente per harū- 15 spicem commūnemque adfīnem, cui soror ex eīsdem parentibus nāta nūpta erat, frātrem tyrannum interficiendum cūrāvit. Ipse nōn modo manūs nōn attulit, sed nē aspicere quidem frāternum sanguinem voluit. Nam dum rēs cōnficerētur, procul in praesidiō fuit, nē quis satelles 20 posset succurrere.

Hōc praeclārissimum ēius factum nōn parī modō probātum est ab omnibus; nōnnūllī enim laesam ab eō pietātem putābant et invidiā laudem virtūtis obterēbant. Māter vērō post id factum neque domum ad sē filium 25 admīsit neque aspēxit, quīn eum frātricīdam impiūque dētestāns compellāret. Quibus rēbus ille adeō est com-

mōtus, ut nōnnumquam vītae fīnem facere voluerit atque ex ingrātōrum hominum cōnspectū morte dēcēdere.

II. Interim Diōne Syracūsīs interfectō Dionysius rursus Syracūsarum potitus est. Cūius adversariī opem ā Corinthiīs petiērunt ducemque, quō in bellō ūterentur, postulārunt. Hūc Timoleōn mīssus incrēdibili fēlicitate Dionysium tōtā Siciliā dēpulit. Cum interficere posset, nōluit tūtōque ut Corinthum pervenīret effēcit, quod utrōrumque Dionysiōrum opibus Corinthiī saepe adiūtī
10 fuerant, cūius benīgnitātis memoriam volēbat exstāre, eamque praeclāram victōriam dūcēbat in quā plūs esset clēmentiae quam crūdēlitātis, postrēmō ut nōn solum auribus acciperētur, sed etiam oculis cernerētur quem ex quantō rēgnō ad quam fōrtūnam dētulisset. Post
15 Dionysiī dēcessum cum Hicetā bellāvit, quī adversātus erat Dionysiō; quem nōn odiō tyrannidis dissēnsisse, sed cupiditate indiciō fuit, quod ipse expulsō Dionysiō imperium dīmittere nōluit. Hōc superātō Timoleōn māmās cōpiās Carthāginiēnsium apud Crīnīsum flūmen
20 fugāvit ac satis habēre coēgit, sī liceret Āfricam obtinēre, quī iam complūrēs annōs possessiōnem Siciliae tenēbant. Cēpit etiam Māmercum, Ītalicum ducem, hominem bellicōsum et potentem, quī tyrannōs adiūtum in Siciliam vēnerat.

25 III. Quibus rēbus cōfectīs cum propter diūturnitatem bellī nōn solum regiōnēs, sed etiam urbēs dēsertās vidēret, conquīsivit quōs potuit, prīmum Siculōs, dein Corinthō arcessivit colōnōs, quod ab eīs initiō Syracūsae erant conditae. Cīvibus veteribus sua restituit, novīs bellō
30 vacuēfactās possessiōnēs dīvisit, urbium moenia disiecta fānaque dētēctā refēcit, civitātibus lēgēs libērtātemque reddidit; ex māmō bellō tantum ōtium tōtae insulae

conciliāvit, ut hīc conditor urbium eārum, nōn illī qui
initiō dēdūxerant, vidērētur. Arcem Syrācūsīs, quam mū-
nierat Dionysius ad urbem obsidendam, ā fundāmentis
disiēcit, cētera tyrannidis prōpūgnācula dēmōlitus est
deditque operam, ut quam minimē multa vestīgia servi- 5
tūtis manērent. Cum tantīs esset opibus, ut etiam invītīs
imperāre posset, tantum autem amōrem habēret omnium
Siculōrum, ut nūllō recūsante rēgnum obtinēre liceret,
māluit sē diligī quam metuī. Itaque, cum primum potuit,
imperium dēposuit ac prīvātus Syrācūsīs, quod reliquum 10
vītae fuit, vīxit. Neque vērō id imperitē fēcit; nam
quod cēterī rēgēs imperiō potuērunt, hīc benevolentīā
tenuit. Nūllus honōs huic dēfuit, neque postea rēs ūlla
Syrācūsīs gesta est pūblicē, dē quā prius sit dēcrētum
quam Tīmoleontis sententiā cōgnitā. Nūllius umquam 15
cōnsilium nōn modo antelātum, sed nē comparātum qui-
dem est. Neque id magis ēius benevolentīā factum est
quam prūdentiā.

IV. Hīc cum aetāte iam prōvēctus esset, sine ūllō
morbō lūmina oculōrum amīsīt. Quam calamitātem ita 20
moderātē tulit, ut neque eum querentem quisquam au-
dierit neque eō minus prīvātis pūblicisque rēbus inter-
fuerit. Veniēbat autem in theātrum, cum ibi concilium
populī habērētur, propter valētūdinem vēctus iūmentis
iūntīs, atque ita dē vehiculō quae vidēbantur dicēbat. 25
Neque hōc illī quisquam tribuēbat superbiae; nihil enim
umquam neque insolēns neque glōriōsum ex ōre ēius
exiit. Quī quidem, cum suās laudēs audiret praedicārī,
numquam aliud dīxit quam sē in eā rē māximē dīs agere
grātiās atque habēre, quod, cum Siciliam recreāre cōn- 30
stituissent, tum sē potissimum ducem esse voluissent.
Nihil enim rērum hūmānarum sine deōrum nūmine gerī

putābat; itaque suae domī sacellum Automatiās cōstituerat idque sānctissimē colēbat.

V. Ad hanc hominis excellentem bonitatem mirābilēs accesserant cāsūs; nam proelia māxima nātālī suō diē
5 fēcit omnia, quō factum est ut ēius diem nātālem fēstum habēret ūniversa Sicilia. Huic quīdam Laphystius, homō petulāns et ingrātus, vadimōnium cum vellet impōnere, quod cum illō sē lēge agere dīceret, et complūrēs concurrissent, quī procācitatem hominis manibus coercēre
10 cōnārentur, Tīmoleōn ōrāvit hominēs nē id facerent. Namque id ut Laphystiō et cuiūs licēret, sē māximōs labōrēs summaque adiisse perīcula. Hanc enim speciem libērtātis esse, sī omnibus, quod quisque vellet, lēgibus experīrī licēret. Īdem, cum quīdam Laphystiī similis,
15 nōmine Dēmaenetus, in cōtiōne populī dē rēbus gestis ēius dētrahere coepisset ac nōnnūlla inveherētur in Tīmoleōnta, dixit nunc dēmum sē vōtī esse damnātum; namque hōc ā dīs immortalibus semper precātum, ut tālem libērtatem restitueret Syrācūsānīs, in quā cuiūs
20 licēret dē quō vellet quod vellet impūne dīcere.

Hīc cum diem suprēmum obisset, pūblicē ā Syrācūsānīs in gymnasiō, quod Tīmoleontēum appellātur, tōtā celebrante Siciliā sepultus est.

XXI. DĒ RĒGIBUS.

I. Hī ferē fuērunt Graecae gentis ducēs quī memoriā dignī videantur, praeter rēgēs; namque eōs attingere nōluimus, quod omnium rēs gestae sēparātīm sunt relātae. Neque tamen īī admodum sunt multī. Lacedaemonius autem Agēsilāus nōmine, nōn potestāte fuit rēx, sicut 5 cēterī Spartānī. Ex eīs vērō, quī dominātum imperiō tenuērunt, excellentissimī fuērunt, ut nōs iūdicāmus, Persārum Cȳrus et Dārēus, Hystaspī filius, quōrum uterque privātus virtūte rēgnum est adeptus. Prior hōrum apud Massagetās in proeliō cecidit, Dārēus senectūte diem 10 obiit suprēmum. Trēs sunt praetereā ēiusdem gentis: Xerxēs et duo Artaxerxae, Macrochīr cōgnōmine et Mnēmōn. Xerxī māximē est inlūstre, quod māximīs post hominum memoriam exercitibus terrā marique bellum intulit Graeciae. At Macrochīr praecipuam habet laudem 15 amplissimae pulcherrimaeque corporis fōrmae, quam incredibili ōrnāvit virtūte bellī; namque illō Persēs nēmō manū fuit fortior. Mnēmōn autem iūstitiae fāmā flōruit; nam cum mātris suae scelere āmisisset uxōrem, tantum indulsit dolōrī, ut eum pietās vinceret. Ex hīs duo 20 eōdem nōmine morbō nātūrae dēbitum reddidērunt, tertius ab Artabānō praefectō ferrō interēptus est.

II. Ex Macedonum autem gente duo multō cēterōs antecessērunt rērum gestārum glōriā: Philippus, Amyntae filius, et Alexander Māgnus. Hōrum alter Babylōne 25 morbō cōnsūptus est, Philippus Aegiīs ā Pausaniā, cum spectātum lūdōs īret, iūxtā theātrum occīsus est. Ūnus

Ēpirōtēs, Pyrrhus, quī cum populō Rōmānō bellāvit. Is cum Argos oppidum oppugnāret in Peloponnēsō, lapide ictus interiit. Ūnus item Siculus, Dionysius prior. Nam et manū fortis et bellī perītus fuit et, id quod in tyrannō
5 nōn facile reperitur, minimē libidinōsus, nōn lūxuriōsus, nōn avārus, nullius dēnique rei cupidus nisi singulāris perpetūque imperiī ob eamque rem crūdēlis; nam dum id studuit mūnīre, nullius pepercit vitae, quem eius insidiātorem putāret. Hīc cum virtūte tyrannidem sibi peperisset,
10 māgnā retinuit felicitāte; māior enim annōs sexagintā nātus dēcessit flōrente rēgnō. Neque in tam multis annīs cūiusquam ex suā stirpe fūnus vīdit, cum ex tribus uxōribus liberōs prōcreāset multique ei nāti essent nepotēs.

III. Fuērunt praetereā māgnī rēgēs ex amīcīs Alexandrī
15 Māgnī, quī post obitum eius imperia cēpērunt, in eis Antigonus et hūius filius Dēmētrius, Lysimachus, Seleucus, Ptolemaeus. Ex hīs Antigonus in proeliō, cum adversus Seleucum et Lysimachum dīmīcāret, occīsus est. Parī lētō adfectus est Lysimachus ab Seleucō; namque societate dissolutā bellum inter sē gessērunt. At Dēmētrius,
20 cum filiam suam Seleucō in mātīmōnium dedisset neque eō magis fīda inter eōs amīcītia manēre potuisset, captus bellō in custōdiā socer generī periit ā morbō. Neque ita multō post Seleucus ā Ptolemaeō Ceraunō dolō interfectus
25 est, quem ille ā patre expulsum Alexandrēā aliēnārū opum indigentem recēperat. Ipse autem Ptolemaeus, cum vīvus filiō rēgnum trādīdisset, ab illō eōdem vitā prīvātus dicitur.

Dē quibus quoniam satis dictum putāmus, nōn incom-
30 modum vidētur nōn praeterīre Hamilcarem et Hannibalem, quōs et animī māgnitūdine et calliditāte omnēs in Africā nātōs praestitisse cōnstat.

XXII. HAMILCAR.

I. Hamilcar, Hannibalis fīlius, cōgnōmine Barca, Carthāginiēnsis, prīmō Poenicō bellō, sed temporibus extrēmīs, admodum adulēscēntulus in Siciliā praeesse coepit exercituī. Cum ante ēius adventum et marī et terrā male rēs gererentur Carthāginiēnsium, ipse ubi adfuit, 5 numquam hostī cessit neque locum nocendī dedit, saepeque ē contrāriō occāsione datā lacēssivit semperque superior discessit. Quō factō, cum paene omnia in Siciliā Poenī amīsissent, ille Erycem sīc dēfendit, ut bellum eō locō gestum nōn vidērētur. Interim Carthāginiēnsēs 10 classe apud insulās Aegātēs ā C. Lutātiō, cōsule Rōmānōrum, superātī statuērunt bellī facere finem eamque rem arbitriō permīsērunt Hamilcaris. Ille etsī flagrābat bellandī cupiditate, tamen pācī serviendum putāvit, quod patriam exhaustam sūmptibus diūtius calamitatēs bellī 15 ferre nōn posse intellegēbat, sed ita ut statim mente agitāret, sī paulum modo rēs essent refectionae, bellum renovāre Rōmānōsque armīs persequī, dōnicum aut virtūte vīcissent aut vīctī manūs dēdissent. Hōc cōsiliō pācem conciliāvit, in quō tanta fuit ferōcia, cum Catulus negāret 20 bellum compositūrum, nisi ille cum suīs, quī Erycem tenērent, armīs relictīs Siciliā dēcēderent, ut succumbente patriā ipse peritūrum sē potius dīxerit, quam cum tantō flāgitio domum redīret: nōn enim suae esse virtūtis arma ā patriā accepta adversus hostēs adversāriīs trādere. 25 Hūius pertināciae cessit Catulus.

II. At ille ut Carthāginem vēnit, multō aliter ac spē-

rārat rem pūblicam sē habentem cōgnōvīt. Namque diūturnitāte externī malī tantum exārsit intestinum bellum, ut numquam in parī periculō fuerit Carthāgō nisi cum delēta est. Prīmō mercennāriī milītēs, quibus ad-
5 versus Rōmānōs ūsī erant, dēscīvērunt, quōrum numerus erat vīgintī milium. Iī tōtam abaliēnārunt Āfricam, ipsam Carthāginem oppūgnārunt. Quibus malīs adeō sunt Poenī perterritī, ut etiam auxilia ab Rōmānīs petierint; eaque impetrārunt. Sed extrēmō, cum prope iam ad
10 dēspēratiōnem pervēnissent, Hamilcarem imperātōrem fēcērunt. Is nōn solum hostēs ā mūrīs Carthāginis remōvit, cum amplius centum milia facta essent armātōrum, sed etiam eō compulit, ut locōrum angustiīs clausī plūrēs famē quam ferrō interīrent. Omnia oppida abaliēnāta, in
15 eīs Uticam atque Hippōnem. valentissima tōtius Āfricae, restituit patriae. Neque eō fuit contentus, sed etiam finēs imperiī prōpāgāvit, tōtā Āfricā tantum ōtium reddidit, ut nūllum in eā bellum vidērētur multīs annīs fuisse.

20 III. Rēbus hīs ex sententiā perāctīs fidentī animō atque infestō Rōmānīs, quō facilius causam bellandī reperīret, effēcit ut imperātor cum exercitū in Hispāniam mitterētur, eōque sēcum dūxit filium Hannibalem annōrum novem. Erat praetereā cum eō adulēscēns inlūstris,
25 fōrmōsus, Hasdrubal, cui ille filiam suam in mātirimōnium dedit. Dē hōc ideō mentiōnem fēcimus, quod Hamilcare occīsō ille exercitū praefuit rēsque māgnās gessit et prīnceps largitiōne vetustōs pervertit mōrēs Carthāginiēnsium eiūsdemque post mortem Hannibal ab exercitū
30 accēpit imperium.

IV. At Hamilcar, posteāquam mare trānsiit in Hispāniamque vēnit, māgnās rēs secundā gessit fōrtūnā;

māximās bellicōsissimāsque gentēs subēgit, equīs, armīs, virīs, pecūniā tōtam locuplētāvit. Āfricam. Hīc cum in Ītaliā bellum inferre meditārētur, nōnō annō postquam in Hispāniā vēnerat, in proeliō pūgnāns adversus Vettonēs occīsus est. Hūius perpetuum odium ergā Rōmānōs ; māximē concitāsse vidētur secundum bellum Poenicum ; namque Hannibal, fīlius ēius, adsiduīs patris obtestātiōnibus eō est perductus, ut interīre quam Rōmānōs nōn experīrī māllet.

XXIII. HANNIBAL.

- I. Hannibal, Hamilcaris fīlius, Carthāginiēnsis. Sī vē-
rum est, quod nēmō dubitat, ut populus Rōmānus omnēs
gentēs virtūte superārit, nōn est infitiandum Hannibalem
tantō praestitisse cēterōs imperātōrēs prūdentiā, quantō
5 populus Rōmānus antecēdat fortitūdine cūctās nātiōnēs;
nam quotiēscumque cum eō congressus est in Ītaliā,
semper discessit superior. Quod nisi domī cīvium suōrum
invidiā dēbilitātus esset, Rōmānōs vidētur superāre potu-
isse. Sed multōrum obtrectātiō dēvīcit ūnius virtūtem.
- 10 II. Hīc autem velut hērēditate relictum odium pater-
num ergā Rōmānōs sic cōservāvit, ut prius animam
quam id dēposuerit, quī quidem, cum patriā pulsus esset
et aliēnārum opum indigēret, numquam dēstiterit animō
bellāre cum Rōmānīs. Nam ut omittam Philippum, quem
15 absēns hostem reddidit Rōmānīs, omnium eīs temporibus
potentissimus rēx Antiochus fuit. Hunc tantā cupiditāte
incendit bellandī, ut usque ā rubrō marī arma cōnātus sit
īferre Ītaliae. Ad quem cum lēgātī vēnissent Rōmānī,
quī dē ēius voluntāte explōrārent darentque operam
20 cōsiliīs clandestinīs ut Hannibalem in suspiciōnem rēgī
addūcerent, tamquam ab ipsīs corruptus alia atque antea
sentīret, neque id frūstrā fēcissent idque Hannibal com-
perisset sēque ab interiōribus cōsiliīs sēgregārī vidisset,
tempore datō adiit ad rēgem, eīque cum multa dē fidē
25 suā et odiō in Rōmānōs commemorāset, hōc adiūnxit:
“Pater meus,” inquit, “Hamilcar puerulō mē, utpote
nōn amplius novem annōs nātō, in Hispāniam imperātor

proficiscēns Carthāgine Iovī optimō māximō hostiās im-
molāvit. Quae divīna rēs dum cōficiēbātur, quaesivit ā
mē vellemne sēcum in castra proficiscī. Id cum libenter
accēpissēm atque ab eō petere coepissēm nē dubitāret
dūcere, tum ille, ‘Faciam,’ inquit, ‘sī mihi fidem quam 5
postulō dederis.’ Simul mē ad āram addūxit, apud quam
sacrificāre instituerat, eamque cēterīs remōtīs tenentem
iūrāre iussit numquam mē in amīcitiā cum Rōmānīs fore.
Id ego iūsiūrandum patrī datum usque ad hanc aetātem
ita cōservāvī, ut nēminī dubium esse dēbeat, quīn reliquō 10
tempore eādē mente sim futūrus. Quā rē sī quid
amicē dē Rōmānīs cōgitābis, nōn imprūdenter fēceris, sī
mē cēlāris; cum quidem bellum parābis, tē ipsum frūs-
trāberis, sī nōn mē in eō princīpem posueris.”

III. Hāc igitur quā dīximus aetāte cum patre in Hi- 15
spāniam profectus est, cūius post obitum, Hasdrubale
imperātōre suffectō, equitatuī omnī praefuit. Hōc quo-
que interfectō exercitus summam imperiī ad eum dētulit.
Id Carthāginem delātum publicē comprobātum est. Sic
Hannibal minor quīnque et vīginti annīs nātus imperātor 20
factus proximō trienniō omnēs gentēs Hispāniae bellō
subēgit, Saguntum, foederātam civitātem, vī expūgnāvit,
trēs exercitūs māximōs comparāvit. Ex hīs ūnum in
Āfricam mīsīt, alterum cum Hasdrubale frātre in Hispāniā
reliquit, tertium in Ītaliā sēcum dūxit. Ut saltum Pŷ- 25
rēnaeum trānsiit, quācumque iter fēcīt, cum omnibus
incolīs cōflīxit; nēminem nisi vīctum dīmīsīt. Ad Alpēs
postea quam vēnit, quā Ītaliā ab Galliā sēiungunt, quās
nēmō umquam cum exercitū ante eum praeter Herculem
Grāiū trānsierat — quō factō is hodiē saltus Grāius ap- 30
pellātur — Alpicōs cōnantēs prohibēre trānsitū concīdit,
loca patefēcīt, itinera mūniit, effēcīt ut ea elephantus

ornātus ire posset, quā antea ūnus homō inermis vix poterat rēpere. Hāc cōpiās trādūxit in Ītaliāque pervēnit.

IV. Cōnfluxerat apud Rhodanum cum P. Cornēliō
5 Scīpiōne cōsule eumque pepulerat. Cum hōc eōdem Clastidiū apud Padum dēcernit sauciumque inde ac fugātum dimittit. Tertiō idem Scīpiō cum conlēgā Ti. Longō apud Trebiam adversus eum vēnit. Cum eīs manum cōnseruit, utrōsque prōfligāvit. Inde per Ligurēs
10 Appennīnum trānsiit, petēns Etrūriam. Hōc in itinere adeō gravī morbō adficitur oculōrum, ut postea numquam dextrō aequē bene ūsus sit. Quā valētūdine cum etiamnum premerētur lecticāque ferrētur, C. Flāminium cōsulem apud Trasumēnum cum exercitū īnsidiīs cir-
15 cumventum occīdit, neque multō post C. Centenium praetōrem cum dēlectā manū saltūs occupantem. Hinc in Āpūliam pervēnit. Ibi obviam eī vērunt duo cōsulēs, C. Terentius et L. Aemilius. Utriusque exercitūs ūnō proeliō fugāvit, Paulum cōsulem occīdit et aliquot
20 praetereā cōsulārēs, in eīs Cn. Servīlium Geminum, quī superiōre annō fuerat cōsul.

V. Hāc pūgnā pūgnātā Rōmam profectus nullō resistente in propīnquīs urbī mōntibus morātus est. Cum aliquot ibi diēs castra habuisset et Capuam reverterētur,
25 Q. Fabius Māximus, dictātor Rōmānus, in agrō Falernō eī sē obiēcit. Hīc clausus locōrum angustīs noctū sine ūllō dētrīmentō exercitūs sē expēdivit Fabiōque, callidissimō imperātōrī, dedit verba; namque obductā nocte sarmenta in cornibus iuencōrum dēligāta incendit eius-
30 que generis multitudinem māgnam dispālātā immīsīt. Quō repentinō vīsū obiectō tantum terrōrem iniēcīt exercitū Rōmānōrum, ut ēgredi extrā vāllum nēmō sit ausus.

Hanc post rem gestam nōn ita multīs diēbus M. Minucium Rūfum, magistrum equitum parī ac dictātōrem imperiō, dolō prōductum in proelium fugāvit. Ti. Semprōnium Gracchum, iterum cōnsulem, in Lūcānīs absēns in insidiās inductum sustulit. M. Claudium Marcellum, 5 quīnquiēns cōnsulem, apud Venusiam parī modō interfēcit. Longum est omnia ēnumerāre proelia. Quā rē hōc ūnum satis erit dictum, ex quō intellegī possit quantus ille fuerit: quam diū in Ītalia fuit, nēmō eī in aciē restitit, nēmō adversus eum post Cannēnsem pūgnam 10 in campō castra posuit.

VI. Hinc invictus patriam dēfēnsūm revocātus bellum gessit adversus P. Scīpiōnem, filium eius Scīpiōnis, quem ipse primō apud Rhodanum, iterum apud Padum, tertiō apud Trebiam fugārat. Cum hōc exhaustīs iam patriae 15 facultātibus cupīvit impraesentiārum bellum compōnere, quō valentior postea congregederētur. Inde conloquium convēnit, condiціōnēs nōn convēnerunt. Post id factum paucīs diēbus apud Zamam cum eōdem cōnflīxit; pulsus — incrēdibile dictū — bīduō et duābus noctibus Hadrū- 20 mētum pervēnit, quod abest ab Zamā circiter mīlia passuum trecenta. In hāc fugā Numidae, quī simul cum eō ex aciē excesserant, insidiātī sunt eī, quōs nōn solum effūgit, sed etiam ipsōs oppressit. Hadrūmētī reliquōs ē fugā conlēgit, novīs dilēctibus paucīs diēbus multōs 25 contrāxit.

VII. Cum in apparandō ācerrimē esset occupātus, Carthāginiēnsēs bellum cum Rōmānīs composuerunt. Ille nihilō sētius exercituī postea praefuit rēsque in Āfricā gessit usque ad P. Sulpicium C. Aurēlium cōnsulēs. His 30 enim magistrātibus lēgātī Carthāginiēnsēs Rōmam vērē-
runt, quī senatūī populōque Rōmānō grātiās agerent, quod

cum eīs pācem fēcissent, ob eamque rem corōnā aureā
eōs dōnārent simulque peterent ut obsidēs eōrum Fre-
gellīs essent captīvique redderentur. Hīs ex senātūs cōn-
sultō respōnsum est: mūnus eōrum grātum acceptumque
5 esse; obsidēs, quō locō rogārent, futūrōs; captīvōs nōn
remissūrōs, quod Hannibalem, cūius operā susceptum
bellum foret, inimicissimum nōminī Rōmānō, etiamnum
cum imperiō apud exercitum habērent itemque frātre
ēius Māgōnem. Hōc respōnsō Carthāginiēnsēs cōgnitō
10 Hannibalem domum et Māgōnem revocārunť. Hūc ut
rediit, rēx factus est, postquam imperātor fuerat, annō
secundō et vīcēsīmō — ut enim Rōmae cōsulēs, sīc Car-
thāgine quotannis annuī bīnī rēgēs creābantur. In eō
magistrātū parī diligentīā sē Hannibal praebuit, ac fuerat
15 in bellō. Namque effēcit ex novīs vectīgālibus nōn solum
ut esset pecūnia, quae Rōmānīs ex foedere penderētur,
sed etiam superesset, quae in aerariō repōnerētur.
Deinde M. Claudiō L. Furiō cōsulibus Rōmā lēgātī Car-
thāginem vērunt. Hōs Hannibal ratus suī exposcendī
20 grātiā missōs, priusquam eīs senātus darētur, nāvem as-
cendit clam atque in Sȳriam ad Antiochum perfūgit.
Hāc rē palam factā Poenī nāvēs duās, quae eum com-
prehenderent, sī possent cōsequī, mīsērunt, bona ēius
pūblicārunť, domum ā fundāmentīs disiēcērunt, ipsum
25 exsulem iūdicārunť.

VIII. At Hannibal annō quartō postquam domō pro-
fūgerat, L. Cornēliō Q. Minuciō cōsulibus, cum quīnque
nāvibus Āfricam accessit in finibus Cȳrēnaeorum, sī fōrte
Carthāginiēnsēs ad bellum indūcere posset Antiochī spē
30 fidūciāque, cū iam persuāserat ut cum exercitibus in
Ītaliā proficīscerētur. Hūc Māgōnem frātre excīvīt.
Id ubi Poenī rescīvērunt, Māgōnem eādē, quā frātre,

absentem adfēcērunt poenā. Illi dēspērātis rēbus cum solvissent nāvēs ac vēla ventīs dedissent, Hannibal ad Antiochum pervēnit. Dē Māgōnis interitū duplex memoria prōdita est: namque aliī naufragiō, aliī ā servulīs ipsius interfectum eum scrīptum reliquērunt. Antiochus 5 autem sī tam in gerendō bellō cōsiliīs ēius pārere voluisset, quam in suscipiendō instituerat, propius Tiberī quam Thermopylīs dē summā imperiū dīmīcāset. Quem etsī multa stultē cōnārī vidēbat, tamen nullā dēseruit in rē. Praefuit paucīs nāvibus, quās ex Sȳriā iūssus erat 10 in Asiam dūcere, eisque adversus Rhodiōrum classem in Pamphȳliō marī cōnflīxit. In quō cum multitudine adversāriōrum suī superārentur, ipse quō cornū rem gessit fuit superior.

IX. Antiochō fugātō verēns nē dēderētur, quod sine 15 dubiō accidisset, sī suī fēcisset potestātem, Crētā ad Gortȳniōs vēnit, ut ibi quō sē cōnferret cōnsiderāret. Vidit autem vir omnium callidissimus in māgnō sē fore periculō, nisi quid prōvidisset, propter avāritiam Crētēnsium; māgnam enim sēcum pecūniā portābat, dē 20 quā sciēbat exīsse fāmam. Itaque capit tāle cōsiliū. Amphorās complūrēs complet plumbō, summās operit aurō et argentō. Hās praesentibus prīncipibus dēpōnit in templō Diānae, simulāns sē suās fōrtūnās illōrum fidei crēdere. Hīs in errōrem inductīs statuās aēneās, quās 25 sēcum portābat, omnī suā pecūniā complet easque in prōpatulō domī abicit. Gortȳniī templum māgnā cūrā custōdiunt, nōn tam ā cēterīs quam ab Hannibale, nē ille inscientibus eis tolleret sua sēcumque dūceret.

X. Sic cōservātis suīs rēbus omnibus Poenus inlūsīs 30 Crētēnsibus ad Prūsiam in Pontum pervēnit. Apud quem eōdem animō fuit ergā Ītaliā neque aliud quic-

quam ēgit quam rēgem armāvit et exacuit adversus Rō-
mānōs. Quem cum vidēret domesticīs opibus minus esse
rōbustum, conciliābat cēterōs rēgēs, adiungēbat bellicōsās
nātiōnēs. Dissidēbat ab eō Pergamēnus rēx Eumenēs,
5 Rōmānīs amīcissimus, bellumque inter eōs gerēbātur et
marī et terrā; sed utrobīque Eumenēs plūs valēbat
propter Rōmānōrum societātem. Quō magis cupiēbat
eum Hannibal opprimī, quem sī remōvisset, faciōra sibi
cētera fore arbitrābātur. Ad hunc interficiendum tālem
10 iniit ratiōnem. Classe paucis diēbus erant dēcrētūrī.
Superābātur nāvium multitūdine; dolō erat pūgnandum,
cum pār nōn esset armīs. Imperāvit quam plūrimās
venēnātās serpentēs vivās conligī eāsque in vāsa fictilia
conici. Hārum cum effēcisset māgnam multitūdinem,
15 diē ipsō, quō factūrus erat nāvāle proelium, classiārīōs
convocat eisque praecipit, omnēs ut in ūnam Eumenis
rēgis concurrant nāvem, ā cēterīs tantum satis habeant
sē dēfendere. Id illōs facile serpentium multitūdine cōn-
secūtūrōs. Rēx autem in quā nāve veherētur, ut scīrent
20 sē factūrum; quem sī aut cēpissent aut interfēcissent,
māgnō eīs pollicētur praemiō fore.

XI. Tālī cohortātiōne militum factā classis ab utrīsque
in proelium dēdūcitur. Quārum aciē cōstitūtā, prius-
quam sīgnum pūgnae darētur, Hannibal, ut palam faceret
25 suis quō locō Eumenēs esset, tabellārium in scaphā cum
cādūceō mittit. Quī ubi ad nāvēs adversāriōrum pervēnit
epistulamque ostendēns sē rēgem professus est quaerere,
statim ad Eumenem dēductus est, quod nēmō dubitābat
quīn aliquid dē pāce esset scrīptum. Tabellārius ducis
30 nāve dēclārātā suis eōdem, unde erat ēgressus, sē recēpit.
At Eumenēs solūtā epistolā nihil in eā repperit nisi quae
ad inrīdendum eum pertinērent. Cūius rei etsī causam

mīrābātur neque reperiēbat, tamen proelium statim committere nōn dubitāvit. Hōrum in concursū Bīthynī Hannibalis praeceptō ūniversī nāvem Eumenis adoriuntur. Quōrum vim rēx cum sustinēre nōn posset, fugā salūtem petiit, quam cōsecūtus nōn esset, nisi intrā sua praesidia 5 sē recēpisset, quae in proximō lītore erant conlocāta. Reliquae Pergamēnae nāvēs cum adversāriōs premerent ācrius, repente in eās vāsa fīctilia, dē quibus suprà mentiōnem fēcimus, conicī coepta sunt. Quae iacta initiō rīsum pūgnantibus concitārunt, neque quā rē id fieret 10 poterat intellegī. Postquam autem nāvēs suās opplētās cōspēxērunt serpentibus, novā rē perterriti, cum quid potissimum vitārent nōn vidērent, puppēs vertērunt sēque ad sua castra nautica rettulērunt. Sīc Hannibal cōsiliō arma Pergamēnōrum superāvit, neque tum solum, sed 15 saepe aliās pedestribus cōpiīs parī prūdentiā pepulit adversāriōs.

XII. Quae dum in Asiā geruntur, accidit cāsū ut lēgātī Prūsiae Rōmae apud T. Quinctium Flāminīnum cōsulārem cēnārent, atque ibi dē Hannibale mentiōne factā ex 20 eīs ūnus dīceret eum in Prūsiae rēgnō esse. Id posterō diē Flāminīnus senātui dētulit. Patrēs cōscripti, quī Hannibale vivō numquam sē sine īnsidiis futūrōs exīstimārent, lēgātōs in Bīthyniam mīsērunt, in eīs Flāminīnum, quī ab rēge peterent nē inimicissimum suum sēcum habēret 25 sibi que dēderet. Hīs Prūsia negāre ausus nōn est; illud recūsāvit, nē id ā sē fierī postulārent, quod adversus iūs hospitii esset: ipsi, si possent, comprehenderent; locum, ubi esset, facile inventūrōs. Hannibal enim ūnō locō sē tenēbat, in castellō quod eī ā rēge datum erat mūnerī, 30 idque sīc aedificārat, ut in omnibus partibus aedificiī exitūs habēret, scilicet verēns nē ūsū venīret quod accidit.

Hūc cum lēgātī Rōmānōrum vēnissent ac multitudine domum ēius circumdedissent, puer ab iānuā prōspiciēs Hannibālī dixit plūrēs praeter cōsuētūdinem armātōs appārēre. Quī imperāvit eī, ut omnēs forēs aedificiī cir-
5 cumīret ac properē sibi nūntiāret, num eōdem modō undique obsidērētur. Puer cum celeriter, quid vīdisset, renūntiāset omnēque exitūs occupātōs ostendisset, sēnsit id nōn fōrtuītō factum, sed sē petī neque sibi diūtius vītā esse retinendam. Quam nē aliēnō arbitriō dīmit-
10 teret, memor pristinārum virtūtum venēnum, quod semper sēcum habēre cōsuērat, sūmpsit.

XIII. Sīc vir fortissimus, multis variisque perfūctus labōribus, annō adquiēvit septuāgēsīmō. Quibus cōsulis interierit, nōn convenit. Namque Atticus M. Claudiō
15 Marcellō Q. Fabiō Labeōne cōsulis mortuum in annālī suō scrīptum reliquit, at Polybius L. Aemiliō Paulō Cn. Baebiō Tamphilō, Sulpicius autem Blithō P. Cornēliō Cethēgō M. Baebiō Tamphilō. Atque hīc tantus vir tantisque bellis districtus nōn nihil temporis tribuit litterīs.
20 Namque aliquot ēius librī sunt, Graecō sermōne cōfectī, in eīs ad Rhodiōs dē Cn. Manliī Volsōnis in Asiā rēbus gestīs. Hūius belli gesta multī memoriae prōdidērunt, sed ex eīs duo, quī cum eō in castrīs fuērunt simulque vīxērunt, quam diū fōrtūna passa est, Silēnus et Sōsīlus
25 Lacedaemonius. Atque hōc Sōsīlō Hannibal litterārum Graecārum ūsus est doctōre.

Sed nōs tempus est hūius librī facere finem et Rōmānōrum explicāre imperātōrēs, quō facilius conlātis utrōrumque factis, quī virī praeferendī sint possit iūdicārī.

EX LIBRŌ
CORNĒLIĪ NEPŌTIS
DE LATĪNĪS HISTORICĪS.

XXIV. CATŌ.

I. M. Catō, ortus mūnicipiō Tusculō, adulēscēntulus, priusquam honōribus operam daret, versātus est in Sabīnīs, quod ibi hērēdiū ā patre relictum habēbat. Inde hortātū L. Valeriū Flaccī, quem in cōsulātū cēnsūrāque habuit conlēgam, ut M. Perpenna cēnsōrius nārrāre solitus 5 est, Rōmam dēmigrāvit in forōque esse coepit. Prīmum stīpendiū meruit annōrum decem septemque. Q. Fabiō M. Claudiō cōsulibus tribūnus mīlitum in Siciliā fuit. Inde ut rediit, castra secūtus est C. Claudiū Nerōnis, māgnīque opera ēius exīstimāta est in proeliō apud Sē- 10 nam, quō cecidit Hasdrubal, frāter Hannibalis. Quaestor obtigit P. Āfricānō cōsulī, cum quō nōn prō sortis necessitudīne vīxit; namque ab eō perpetuā dissēnsit vitā. Aedilis plēbēi factus est cum C. Helviō. Praetor prōvinciā obtinuit Sardiniam, ex quā quaestor superiōre 15 tempore ex Āfricā dēcēdēns Q. Ennium poētā dēdūxerat, quod nōn minōris aestimāmus quam quemlibet amplissimū Sardiniēnsē triumphū.

II. Cōsulātum gessit cum L. Valeriō Flaccō. Sorte prōvinciā nactus Hispāniā ceteriōrem ex eā trium- 20

phum dēportāvit. Ibi cum diūtius morārētur, P. Scīpiō
Āfricānus cōsul iterum, cūius in priōre cōsulātū quaes-
tor fuerat, voluit eum dē prōvinciā dēpellere et ipse ei
succēdere; neque hōc per senātum efficere potuit, cum
5 quidem Scīpiō prīncipātum in civitāte obtinēret, quod
tum nōn potentiā, sed iūre rēs pūblica administrābatur.
Quā ex rē irātus senātui cōsulātū peractō privātus in
urbe mānsit. At Catō, cēnsor cum eōdem Flaccō factus,
sevērē praefuit ei potestātī; nam et in complūrēs nōbilēs
10 animadvertit et multās rēs novās in ēdictum addidit, quā
rē luxūria reprimerētur, quae iam tum incipiēbat pullulāre.
Circiter annōs octōgintā, usque ad extrēmam aetātem ab
adulēscentiā, rei pūblīcae causā suscipere inimicitias nōn
dēstitit. Ā multīs temptātus nōn modo nūllum dētrīmen-
15 tum exīstimātiōnis fēcit, sed quoad vīxit virtūtum laude
crēvit.

III. In omnibus rēbus singulārī fuit industriā; nam et
agricola sollers et perītus iūris cōsultus et māgnus
imperātor et probābilis ōrātor et cupidissimus litterārū
20 fuit. Quārū studiū etsī senior adriperat, tamen tan-
tum prōgressum fēcīt, ut nōn facile reperīri possit neque
dē Graecīs neque dē Ītalicīs rēbus, quod ei fuerit in-
cōgnitum. Ab adulēscentiā cōnfēcit ōrātiōnēs. Senex
historiās scribere instituit. Eārū sunt librī septem.
25 Prīmus continet rēs gestās rēgum populī Rōmānī, se-
cundus et tertius unde quaeque civitās orta sit Ītalica;
ob quam rem omnēs Orīginēs vidētur appellāsse. In
quartō autem bellum Poenicum est prīmum, in quīntō
secundum. Atque haec omnia capitulātīm sunt dicta.
30 Reliqua quoque bella parī modō persecūtus est usque ad
praetūrā Ser. Galbae, quī diripuit Lūsitanōs; atque
hōrū bellōrū ducēs nōn nōmināvit, sed sine nōminibus

rēs notāvit. In eisdem exposuit quae in Italiā Hispāniis-
que vidērentur admīranda; in quibus multā industriā et
diligentiā compāret, nullā doctrinā.

Hūius dē vitā et mōribus plūra in eō librō persecūtī
sumus, quem sēparātīm dē eō fēcimus rogātū T. Pom- 5
pōnii Attici. Quā rē studiōsōs Catōnis ad illud volūmen
dēlēgāmus.

XXV. ATTICUS.

I. T. Pompōnius Atticus, ab origine ūltimā stirpis Rōmānae generātus, perpetuō ā māiōribus acceptam equestrem obtinuit dignitatem. Patre ūsus est diligente et, ut tum erant tempora, dītī imprīmisque studiōsō literarum. Hīc, prout ipse amābat litterās, omnibus doctrīnis quibus puerilis aetās impertiri dēbet filium ērudivit. Erat autem in puerō praeter docilitatem ingenii summa suāvitās ōris atque vōcis, ut nōn solum celeriter acciperet quae trādēbantur, sed etiam excellenter prōnūntiāret.

10 Quā ex rē in pueritiā nōbilis inter aequalēs ferēbātur clāriusque exsplendēscēbat, quam generōsī condiscipulī animō aequō ferre possent. Itaque incitābat omnēs studiō suō, quō in numerō fuērunt L. Torquātus, C. Marius filius, M. Cicerō; quōs cōnsuētūdine suā sīc dēvinxit, ut

15 nēmō eīs perpetuā vitā fuerit cārior.

II. Pater mātūrē dēcessit. Ipse adulēscētulus propter adfīnitatem P. Sulpiciī, quī tribūnus plēbēi interfectus est, nōn expers fuit illius perīculi; namque Anicia, Pompōniī cōnsōbrīna, nūpserat Serviō, frātri Sulpiciī. Itaque

20 interfectō Sulpiciō postea quam vidit Cinnānō tumultū civitatem esse perturbātam neque sibi dari facultatem prō dignitate vivendī, quā alterutram partem offenderet, dissociātis animis civium, cum aliī Sullānis, aliī Cinnānis favērent partibus, idōneum tempus ratus studiis

25 obsequendī suis Athēnās sē contulit. Neque eō sētius adulēscētem Mariū hostem iūdicātum iūvit opibus suis, cuius fugam pecūniā sublevāvit. Ac nē illa peregrinātiō

detrīmentum aliquod adferret rei familiārī, eōdem māgnam partem fōrtūnarum trāiēcīt suārum. Hīc ita vīxit, ut ūniversīs Athēniēnsibus meritō esset cārissimus; nam praeter grātiam, quae iam in adulēscētulō māgna erat, saepe suis opibus inopiam eōrum pūblicam levāvit. Cum enim 5 versūrā facere pūblicē necesse esset neque eius condiciōnem aequam habērent, semper sē interposuit, atque ita ut neque ūsūrā umquam ab eis accēperit neque longius quam dictum esset dēbēre passus sit. Quod utrumque erat eis salūtāre; nam neque indulgēdō in- 10 veterāscere eōrum aes aliēnum patiēbātur neque multiplicandīs ūsūrīs crēscere. Auxit hōc officium aliā quoque liberalitātē; nam ūniversōs frūmentō dōnāvit, ita ut singulis sēnī modī trītīci darentur, quī modus mēnsūrae medimnus Athēnīs appellātur. 15

III. Hīc autem sic sē gerēbat, ut commūnis infimīs, pār pīncipibus vidērētur. Quō factum est ut huic omnēs honōrēs, quōs possent, pūblicē habērent cīvemque facere studērēt; quō beneficiō ille ūtī nōluit. Quam diū adfuit, nē qua sibi statua pōnerētur restitit, absēns prōhibēre nōn 20 potuit. Itaque aliquot ipsī et Phīdiae locīs sāctissimīs posuērunt; hunc enim in omnī prōcūrātiōne rei pūblīcae āctōrem auctōremque habēbant potissimum. Igitur pī-mum illud mūnus fōrtūnae, quod in eā urbe nātus est, in quā domicilium orbis terrārum esset imperiū, ut eandem 25 et patriam habēret et domum; hōc specimē prūdētiaē, quod, cum in eam sē cīvitatē contulisset, quae antiquitātē, hūmānitātē doctrīnāque praestāret omnēs, ūnus ei fuit cārissimus.

IV. Hūc ex Asiā Sulla dēcēdēns cum vēnisset, quam 30 diū ibi fuit, sēcum habuit Pompōnium, captus adulēscētis et hūmānitātē et doctrīnā. Sic enim Graecē loquēbātur,

ut Athēnīs nātus vidērētur; tanta autem suāvitās erat
sermōnis Latīnī, ut appāreret in eō nātivum quemdam
lepōrem esse, nōn ascitum. Idem poēmata prōnūntiābat
et Graecē et Latīnē sic, ut suprā nihil posset addī.
5 Quibus rēbus factum est ut Sulla nusquam eum ab sē
dīmitteret cuperetque sēcum dēducere. Cui cum per-
suādēre temptāret, “Nōlī, orō tē,” inquit Pompōnius,
“adversum eōs mē velle dūcere, cum quibus nē contrā
tē arma ferrem, Italiam reliquī.” At Sulla adulēscentis
10 officiō conlaudātō omnia mūnera eī, quae Athēnīs accē-
perat, proficiscēns iussit dēferri.

Hīc complūrēs annōs morātūs, cum et reī familiārī
tantum operae daret, quantum nōn indiligēns dēbēret
pater familiās, et omnia reliqua tempora aut litterīs aut
15 Athēniēnsium reī pūblicae tribueret, nihilō minus amīcīs
urbāna officia praestitit; nam et ad comitia eōrum venti-
tāvit et, sī qua rēs māior ācta est, nōn dēfuit. Sicut
Cicerōnī in omnibus ēius periculīs singulārem fidem
praebuit; cui ex patriā fugientī sēstertiūm ducenta et
20 quīnquāgintā mīlia dōnāvit. Tranquillātis autem rēbus
Rōmānīs remigrāvit Rōmam, ut opīnor L. Cottā L. Tor-
quātō cōsulibus; quem discēdentem sic ūniversa cīvītās
Athēniēnsium prōsecūta est, ut lacrimīs dēsideriī futūrī
dolōrem indicāret.

25 V. Habēbat avunculum Q. Caecilium, equitem Rōmā-
num, familiārem L. Lūcullī, divitem, difficillimā nātūrā;
cūius sic asperitatem veritus est, ut, quem nēmō ferre
posset, hūius sine offēnsiōne ad summam senectūtem
retinuerit benevolentiam. Quō factō tulit pietātis frūc-
30 tum. Caecilius enim moriēns testāmētō adoptāvit eum
hērēdemque fēcit ex dōdrante; ex quā hērēditāte accēpit
circiter centiēns sēstertiūm. Erat nūpta soror Attici

Q. Tullio Ciceroni, easque nuptias M. Cicerō conciliarat, cum quō ā condiscipulātū vivēbat coniunctissimē, multō etiam familiarius quam cum Quīntō, ut iudicārī possit plūs in amicitia valēre similitudinem mōrum quam adfinitatem. Utēbatur autem intimē Q. Hortēnsiō, quī eis 5 temporibus principātum eloquentiae tenēbat, ut intellegī nōn posset uter eum plūs diligeret, Cicerō an Hortēnsius et, id quod erat difficillimum, efficiēbat ut, inter quōs tantae laudis esset aemulatiō, nūlla intercēderet obtrectatiō essetque tālium virōrum copula. 10

VI. In rē publicā ita est versātus, ut semper optimārum partium et esset et exīstimārētur, neque tamen sē cīvilibus fluctibus committeret, quod nōn magis eōs in suā potestāte exīstimābat esse, quī sē his dedissent, quam quī maritimīs iactārentur. Honōrēs nōn petiit, cum eī 15 patērent propter vel grātiā vel dignitatem; quod neque peti mōre maiōrum neque capī possent cōservātis lēgibus in tam effūsīs ambitūs largitiōnibus neque gerī ē rē publicā sine periculō corruptis cīvītātis mōribus. Ad hastam publicā numquam accessit. Nullius rei neque 20 praes neque manceps factus est. Nēmīnem neque suō nōmine neque subscribēns accūsāvit, in iūs dē suā rē numquam iit, iudiciū nūllum habuit. Multōrum cōsulum praetōrumque praefectūrās delātās sic accēpit, ut nēmīnem in prōvinciam sit secūtus, honōre fuerit con- 25 tentus, rei familiāris dēspēxerit fructum; quī nē cum Quīntō quidem Cicerōne voluerit ire in Asiam, cum apud eum lēgātī locum obtinēre posset. Nōn enim decēre sē arbitrābatur, cum praetūrā gerere nōluisset, adseclam esse praetōris. Quā in rē nōn solum dignitatī serviēbat, 30 sed etiam tranquillitātī, cum suspiciōnēs quoque vitāret crīminum. Quō fiēbat ut eius observantiā omnibus esset

cārior, cum eam officiō, nōn timōrī neque speī tribuī vidērent.

VII. Incidit Caesariānum cīvile bellum. Cum habēret annōs circiter sexāgintā, ūsus est aetātis vacātiōne neque
5 sē quōquam mōvit ex urbe. Quae amīcīs suīs opus fuerant ad Pompēium proficīscientibus, omnia ex suā rē familiārī dedit, ipsum Pompēium coniūctum nōn offendit. Nullum ab eō habēbat ōrnāmentum, ut cēterī, quī per eum aut honōrēs aut divitiās cēperant; quōrum partim
10 invītissimī castra sunt secūtī, partim summā cum ēius offēnsiōne domī remānsērunt. Caesarī autem Atticī quiēs tantō opere fuit grāta, ut victor, cum prīvātis pecūniās per epistulās imperāret, huic nōn solum molestus nōn fuerit, sed etiam sorōris filium et Q. Cicerōnem ex Pom-
15 pēī castrīs concesserit. Sic vetere īnstitūtō vitae effūgit nova pericula.

VIII. Secūtum est illud. Occisō Caesare cum rēs pūblica penes Brūtōs vidērētur esse et Cassium ac tōta cīvitas sē ad eōs convertisset, sic M. Brūtō ūsus est, ut
20 nullō ille adulēscēns aequālī familiārīus quam hōc sene, neque solum eum prīncipem cōnsiliī habēret, sed etiam in convīctū. Excōgitātum est ā quibusdam, ut prīvātum aerārium Caesaris interfectōribus ab equitibus Rōmānīs cōstituerētur. Id facile effici posse arbitrāti sunt, si
25 prīncipēs ēius ōrdinis pecūniās contulissent. Itaque appellātus est ā C. Flāvīō, Brūtī familiārī, Atticus, ut ēius rei prīnceps esse vellet.

At ille, quī officia amīcīs praestanda sine factiōne existimāret semperque ā tālibus sē cōnsiliīs remōvisset,
30 respondit: si quid Brūtus dē suīs facultātibus ūtī voluisset, ūsūrum, quantum eae paterentur, sē neque cum quōquam dē eā rē conlocūtūrum neque coitūrum. Sic

ille cōsēnsiōnis globus hūius ūnūs dissēnsiōne disiectus est. Neque multō post superior esse coepit Antōnius, ita ut Brūtus et Cassius omīssā cūrā prōvinciārum, quae eīs dicis causā datae erant ā cōsule, dēspērātis rēbus in exsilium proficīscerentur. Atticus, quī pecūniam simul 5 cum cēterīs cōferre nōluerat flōrenti illī partī, abiectō Brūtō Ītaliāque cēdenti sēstertiūm centum milia mūnerī mīsīt. Eidem in Ēpīrō absēns trecenta iussit dari, neque eō magis potenti adūlātus est Antōniō neque dēspērātōs reliquit. 10

IX. Secūtum est bellum gestum apud Mutinam. In quō sī tantum eum prūdentem dīcam, minus quam dēbeam praedicem, cum ille potius dīvīnus fuerit, sī dīvīnātiō appellanda est perpetua nātūrālis bonitās, quae nūllis cāsibus agitātur neque minuitur. Hostis Antōnius 15 iūdicātus Ītaliā cesserat; spēs restituendī nūlla erat. Nōn solum inimīcī, quī tum erant potentissimī et plūrimī, sed etiam quī adversāriīs ēius sē vēnditābant et in eō laedendō aliquam cōsecūtūrōs spērābant commoditātem, Antōnii familiārēs insequēbantur, uxōrem Fulviam omnibus 20 rēbus spoliāre cupiēbant, liberōs etiam exstinguere parābant. Atticus, cum Cicerōnis intimā familiāritāte ūteretur, amīcissimus esset Brūtō, nōn modo nihil eīs indulsit ad Antōnium violandum, sed ē contrāriō familiārēs ēius ex urbe profugientēs, quantum potuit, tēxit, quibus rēbus 25 indiguērunt, adiūvit. Pūbliō vērō Volumniō ea tribuit, ut plūra ā parente proficīscī nōn potuerint. Ipsī autem Fulviae, cum litibus distinērētur māgnisque terrōribus vēxārētur, tantā diligentīā officium suum praestitit, ut nūllum illa stiterit vadimōnium sine Atticō, Atticus 30 spōnsor omnium rērum fuerit. Quīn etiam, cum illa fundum secundā fōrtūnā ēmisset in diem neque post

calamitatem versuram facere potuisset, ille sē interposuit pecuniamque sine faenore sineque ullā stipulatiōne credidit, māximum existimāns quaestum, memorem grātumque cōgnōscī, simulque aperiēns sē nōn fōrtūnae, sed hominibus solēre esse amīcum.

Quae cum faciēbat, nēmō eum temporis causā facere poterat existimāre; nēminī enim in opīniōnem veniēbat Antōnium rērum potītūrum. Sed sēnsus eius ā nōnnūllis optimātibus reprehendēbātur, quod parum ōdisse malōs civēs vidērētur. Ille autem, suī iūdicīi, potius quid sē facere pār esset intuēbātur quam quid aliī laudātūrī forent.

X. Conversa subitō fōrtūna est. Ut Antōnius rediit in Italiam, nēmō nōn māgnō in periculō Atticum putārat propter intimam familiāritatem Cicerōnis et Brūtī. Itaque ad adventum imperātōrum dē forō dēcesserat, timēns prōscriptiōnem, latēbatque apud P. Volumnium, cui, ut ostendimus, paulō ante opem tulerat — tanta varietās eīs temporibus fuit fōrtūnae, ut modo hī, modo illī in summō essent aut fastigiō aut periculō — habēbatque sēcum Q. Gellium Cānum, aequālem simillimumque suī. Hōc quoque Atticī bonitātis exemplum, quod cum eō, quem puerum in lūdō cōgnōrat, adeō coniūctē vīxit, ut ad extrēmam aetātem amicitia eōrum crēverit. Antōnius autem, etsī tantō odiō ferēbātur in Cicerōnem, ut nōn solum eī, sed etiam omnibus eius amīcīs esset inimicus eōsque vellet prōscribere multis hortantibus, tamen Atticī memor fuit officī et eī, cum requisisset, ubinam esset, suā manū scripsit, nē timēret statimque ad sē venīret: sē eum et eius causā Cānum dē prōscriptōrum numerō exēmissee. Ac nē quod periculum incideret, quod noctū fiēbat, praesidium eī mīsīt. Sic Atticus in summō timōre

nōn solum sibi, sed etiam eī quem cārissimum habēbat praesidiō fuit ut appāreret nullam seiunctam sibi ab eō velle fōrtūnam. Quod sī gubernātor praecipuā laude effer-
tur, quī nāvem ex hieme marīque scopulōsō servat, cūr nōn
singulāris eius existimētur prūdētia, quī ex tot tamque 5
gravibus procellis civilibus ad incolumitātem pervēnit?

XI. Quibus ex malis ut sē ēmersit, nihil aliud ēgit
quam ut quam plūrimis, quibus rēbus posset, esset auxiliō.
Cum prōscriptōs praemiis imperātōrum vulgus conquīreret,
nēmō in Ēpīrum vēnit, cui rēs ūlla dēfuerit, nēminī nōn 10
ibi perpetuō manendī potestās facta est; quī etiam post
proelium Philippēse interitumque C. Cassiī et M. Brūtī
L. Iūlium Mōcillam praetōrium et fīlium eius Aulumque
Torquātum cēterōsque parī fōrtūnā perculsōs instituit
tuērī atque ex Ēpīrō eis omnia Samothrāciam supportārī 15
iussit. Difficile est omnia persequī et nōn necessārium.
Illud ūnum intellegī volumus, illius liberālītatem neque
temporāriam neque callidam fuisse. Id ex ipsis rēbus
ac temporibus iūdicārī potest, quod nōn flōrentibus sē
vēnditāvit, sed adflīctis semper succurrit: quī quidem 20
Serviliam, Brūtī mātrem, nōn minus post mortem eius
quam flōrentem coluerit. Sic liberālītate ūtēns nullās in-
imīcitiās gessit, quod neque laedēbat quemquam neque,
sī quam iniūriam accēperat, nōn mālēbat oblivīscī quam
ulciscī. Idem immortālī memoriā percepta retinēbat 25
beneficia; quae autem ipse tribuerat, tam diū meminerat,
quoad ille grātus erat quī accēperat. Itaque hīc fēcit ut
vērē dictum videātur:

Suī cuique mōrēs fīngunt fōrtūnam hōminibus.

Neque tamen ille prius fōrtūnam quam sē ipse finxit, quī 30
cāvit nē quā in rē iūre plecterētur.

XII. Hīs igitur rēbus effēcit ut M. Vīpsānius Agrippa, intimā familiāritāte coniūctus adulēscētī Caesarī, cum propter suam grātiam et Caesaris potentiam nullius condiciōnis nōn habēret potestātem, potissimum ēius dēligeret
5 adfīnitātem praeoptāretque equitis Rōmānī filiam generō-
sārum nūptiīs. Atque hārum nūptiārum conciliātor fuit
— nōn est enim celandum — M. Antōnius, triumvirū rei
pūblicae cōstituendae. Cūius grātiā cum augēre posses-
siōnēs posset suās, tantum āfuit ā cupiditāte pecūniae, ut
10 nullā in rē ūsus sit eā nisi in dēprecandis amīcōrum aut
perīculīs aut incommodīs.

Quod quidem sub ipsā prōscripciōne perinlūstre fuit.
Nam cum L. Saufēi equitis Rōmānī, aequālis suī, quī
complūrēs annōs studiō ductus philosophiae habitābat
15 Athēnis habēbatque in Italiā pretiōsās possēsiōnēs, trēs-
virī bona vēdidissent cōsuētūdine eā quā tum rēs
gerēbantur, Atticī labōre atque industriā factum est ut
eōdem nūntiō Saufēius fieret certior sē patrimonium
āmisisse et recuperāsse. Idem L. Iūlium Calidum, quem
20 post Lūcrētii Catullique mortem multō ēlegantissimum
poētā nostram tulisse aetātem vērē videor posse con-
tendere, neque minus virum bonum optimisque artibus
ēruditum, post prōscripciōnem equitum propter māgnās
ēius Africānās possēsiōnēs in prōscripctorum numerum ā
25 P. Volumniō, praefectō fabrum Antōnii, absentem relātum
expedivit. Quod in praesentī utrum eī labōriōsius an
glōriōsius fuerit, difficile est iūdicāre, quod in eōrum
perīculīs nōn secus absentes quam praesentes amīcōs
Atticō esse cūrae cōgnitum est.

30 XIII. Neque vērō ille minus bonus pater familiās ha-
bitus est quam cīvis; nam cum esset pecūniōsus, nēmō
illō minus fuit emāx, minus aedificātor. Neque tamen

nōn imprīmīs bene habitāvit omnibusque optimīs rēbus
ūsus est; nam domum habuit in colle Quirīnālī Tamphili-
ānam, ab avunculō hērēditātē relictam, cūius amoenitās
nōn aedificiō, sed silvā cōnstābat — ipsum enim tēctum
antīquitus cōstitūtum plūs salis quam sūmptūs habēbat 5
— in quō nihil commūtāvit, nisi sī quid vetustātē coactus
est. Ūsus est familiā, sī ūtilitātē iūdicandum est, optimā;
sī fōrmā, vix mediocrī. Namque in eā erant puerī lit-
terātissimī, anāgnōstae optimī et plūrīmī librāriī, ut nē
pedisequs quidem quisquam esset, quī nōn utrumque 10
hōrum pulchrē facere posset, parī modō artificēs cēteri,
quōs cultus domesticus dēsiderat, apprīmē bonī. Neque
tamen hōrum quemquam nisi domī nātum domīque
factum habuit; quod est sīgnum nōn solum continentiae,
sed etiam diligētiaē. Nam et nōn intemperanter con- 15
cupiscere, quod ā plūrīmīs videās, continentis dēbet dūcī,
et potius industriā quam pretiō parāre nōn mediocris est
diligētiaē. Ēlēgāns, nōn māgnificus, splendidus, nōn
sūmptuōsus; omnisque diligētiā munditiā, nōn adflu-
entiam adfectābat. Supellex modica, nōn multa, ut in 20
neutram partem cōnspicī posset.

Nec praeteribō, quamquam nōnnūllis leve vīsum irī
putem, cum imprīmīs lautus esset eques Rōmānus et nōn
parum liberālīter domum suam omnium ōrdinum hominēs
invītāret, nōn amplius quam terna milia peraequē in 25
singulōs mēnsēs ex ephēmeride eum expēsum sūmptuī
ferre solitum. Atque hōc nōn audītum, sed cōgnitum
praedicāmus; saepe enim propter familiāritātem domes-
ticīs rēbus interfuimus.

XIV. Nēmō in conviviō ēius aliud acroāma audīvit 30
quam anāgnōstēn, quod nōs quidem iūcundissimum arbi-
trāmur; neque umquam sine aliquā lēctiōne apud eum

cēnātum est, ut nōn minus animō quam ventre convīvae
dēlectārentur. Namque eōs vocābat, quōrum mōrēs ā
suis nōn abhorrērent. Cum tanta pecūniae facta esset
accessiō, nihil dē cottidiānō cultū mūtāvit, nihil dē vitae
5 cōnsuētūdine, tantāque ūsus est moderātiōne, ut neque
in sēstertiō viciēns, quod ā patre accēperat, parum sē
splendidē gesserit neque in sēstertiō centiēns adfluentius
vīxerit, quam instituerat, parīque fastigiō steterit in utrā-
que fōrtūnā. Nullōs habuit hortōs, nullam suburbānam
10 aut maritimam sūmptuōsam villam, neque in Ītaliā, praeter
Arrētīnum et Nōmentānum, rūsticum praedium, omnisque
ēius pecūniae reditus cōnstābat in Ēpīrōticīs et urbānīs
possessiōnibus. Ex quō cōgnōscī potest ūsum eum pecū-
niae nōn māgnitūdine, sed ratiōne metīrī solitum.

15 XV. Mendācium neque dicēbat neque patī poterat.
Itaque ēius comitās nōn sine sevērītate erat neque gra-
vitās sine facilitāte, ut difficile esset intellēctū utrum eum
amīcī magis verērentur an amārent. Quidquid rogābātur,
religiōsē prōmittēbat, quod nōn liberālēs, sed levēs arbi-
20 trābātur pollicērī quod praestāre nōn possent. Īdem in
tenendō quod semel adnuisset tantā erat cūrā, ut nōn
mandātam, sed suam rem vidērētur agere. Numquam
susceptī negōtīi eum pertaesum est; suam enim exīstimā-
tiōnem in eā rē agī putābat, quā nihil habēbat cārius.
25 Quō fiēbat ut omnia Cicerōnum, M. Catōnis, Q. Hor-
tēnsiī, A. Torquātī, multōrum praetereā equitum Rōmā-
nōrum negōtia prōcūrāret. Ex quō iūdicārī potest nōn
inertiā, sed iūdicīō fūgissee rei pūblicae prōcūrātiōnem.

XVI. Hūmānitātis vērō nullum adferre māius testimō-
30 nium possum, quam quod adulēscēns īdem senī Sullae fuit
iūcundissimus, senex adulēscētī M. Brūtō, cum aequālibus
autem suis Q. Hortēnsiō et M. Cicerōne sic vīxit, ut

iūdicāre difficile sit cui aetātī fuerit aptissimus. Quamquam eum praecipuē dilēxit Cicerō, ut nē frāter quidem eī Quīntus cārior fuerit aut familiārior. Eī reī sunt indiciō praeter eōs librōs, in quibus dē eō facit mentiōnem, quī in vulgus sunt ēditī, sēdecim volūmina 5 epistulārum, ab cōsulātū ēius usque ad extrēmum tempus ad Atticum missārum; quae quī legat, nōn multum dēsideret historiam contextam eōrum temporum. Sīc enim omnia dē studiīs prīncipum, vitiīs ducum, mūtātiōnibus reī pūblīcae perscripta sunt, ut nihil in eīs nōn 10 appāreat et facile exīstimārī possit prūdentiam quōdam modō esse dīvinātiōnem. Nōn enim Cicerō ea solum, quae vīvō sē accidērunt, futūra praedixit, sed etiam, quae nunc ūsū veniunt, cecinit ut vātēs.

XVII. Dē pietāte autem Atticī quid plūra commemo- 15 rem? Cum hōc ipsum vērē glōriantem audierim in fūnere mātis suae, quam extulit annōrum nōnāgintā, cum ipse esset septem et sexāgintā, sē numquam cum mātē in grātiā redisse, numquam cum sorōre fuisse in simultāte, quam prope aequālem habēbat. Quod est 20 sīgnum aut nūllam umquam inter eōs querimōniam intercessisse, aut hunc eā fuisse in suōs indulgentiā, ut, quōs amāre dēbēret, irāscī eīs nefās dūceret. Neque id fēcit nātūrā solum, quamquam omnēs eī pārēmus, sed etiam doctrīnā; nam prīncipum philosophōrum ita per- 25 cepta habuit praecepta, ut eīs ad vītā agendam, nōn ad ostentātiōnem ūterētur.

XVIII. Mōris etiam māiōrum summus imitātor fuit antiquitātisque amātor, quam adeō diligenter habuit cōgnitam, ut eam tōtam in eō volūmine exposuerit, quō 30 magistrātūs ordināvit. Nūlla enim lēx neque pāx neque bellum neque rēs inlūstris est populī Rōmānī, quae nōn

in eō suō tempore sit nōtāta, et, quod difficillimum fuit, sīc familiārum orīginem subtexit, ut ex eō clārōrum virōrum prōpāginēs possimus cōgnōscere. Fēcit hōc idem sēparatim in aliīs librīs, ut M. Brūtī rogātū Iūniam
5 familiam ā stirpe ad hanc aetātem ōrdine ēnumerāverit, notāns quis ā quō ortus quōs honōrēs quibusque temporibus cēpisset; parī modō Marcellī Claudī Marcellōrum, Scīpiōnis Cornēlii et Fabīi Māximī Fabiōrum et Aemiliōrum. Quibus librīs nihil potest esse dulcius eīs, quī
10 aliquam cupiditātem habent nōtitiae clārōrum virōrum. Attigit poētīcē quoque, crēdimus, nē ēius expers esset suāvītātis. Namque versibus dē eīs quī honōre rērumque gestārum amplitūdine cēterōs populī Rōmānī praestitērunt exposuit ita, ut sub singulōrum imāginibus facta magistrātūsque eōrum nōn amplius quaternīs quīnīsve versibus dēscripserit; quod vix crēdendum sit tantās rēs tam breviter potuisse dēclārārī. Est etiam ūnus liber Graecē cōfectus, dē cōsulātū Cicerōnis.

XIX. Haec hāctenus Atticō vīvō ēdita ā nōbīs sunt.
20 Nunc, quoniam fōrtūna nōs superstitēs eī esse voluit, reliqua persequēmur et, quantum potuerimus, rērum exemplīs lēctōrēs docēbimus, sicut suprà significāvimus, suōs cuique mōrēs plērumque conciliāre fōrtūnam. Namque hīc contentus ōrdine equestri, quō erat ortus, in adfīnitātem pervēnit imperātōris divī filiī, cum iam ante familiāritātem ēius esset cōsecūtus nullā aliā rē quam ēlegantiā vitae, quā cēterōs cēperat principēs civitātis dignitāte parī, fōrtūnā humiliōrēs. Tanta enim prōsperitās Caesarem est cōsecūta, ut nihil eī nōn tribuerit
30 fōrtūna, quod cuiquam ante dētulerat, et conciliārit, quod nēmō adhūc civis Rōmānus quīvit cōsequī. Nāta est autem Atticō neptis ex Agrippā, cui virginem filiam con-

locārat. Hanc Caesar vix anniculam Ti. Claudiō Nerōnī, Drūsillā nātō, prīvignō suō, dēspōdit; quae coniūctiō necessitudinem eōrum sānxit, familiāritatem reddidit frequentiorē.

XX. Quamquam ante haec spōnsālia nōn solum, cum 5
ab urbe abesset, numquam ad suōrum quemquam litterās
mīsīt, quī Atticō scriberet, quid ageret, imprimīs quid
legeret quibusque in locīs et quam diū esset morāturus,
sed etiam, cum esset in urbe et propter infīnitās suās
occupātiōnēs minus saepe, quam vellet, Atticō frueretur, 10
nūllus diēs temerē intercessit quō nōn ad eum scriberet,
cum modo aliquid dē antīquitāte ab eō requireret, modo
aliquam quaestiōnem poēticam ei prōpōneret, interdum
iocāns eius verbōsiōrēs ēliceret epistulās. Ex quō accidit,
cum aedis Iovis Feretrii in Capitoliō, ab Rōmulō cōn- 15
stitutā, vetustāte atque incūriā detēcta prōlāberetur, ut
Attici admonitū Caesar eam reficiendam cūraret. Neque
vērō ā M. Antōniō minus absēns litterīs colēbatur, adeō
ut accūrātē ille ex ūltimīs terrīs quid ageret cūrae sibi
habēret certiorē facere Atticum. Hōc quāle sit, facilius 20
existimābit is quī iudicāre poterit quanta sit sapientiae
eōrum retinēre ūsum benevolentiamque, inter quōs mā-
ximārum rērum nōn solum aemulatiō, sed obtrectatiō
tanta intercēdebāt, quantum fuit necesse inter Caesarem
atque Antōnium, cum sē uterque principem nōn solum 25
urbis Rōmae, sed orbis terrārum esse cuperet.

XXI. Tali modō cum septem et septuāgintā annōs
complēssēt atque ad extrēmam senectutem nōn minus
dignitāte quam grātiā fōrtūnaque crēvisset — multās enim
hērēditātes nullā aliā rē quam bonitāte cōnsecutus est 30
— tantāque prōsperitāte ūsus esset valētūdinis, ut annīs
trīgintā medicīnā nōn indiguisset, nactus est morbum,

quem initiō et ipse et medicī contempsērunt; nam putā-
runt esse tēnesmon, cui remedia celeria faciliaque prōpō-
nēbantur. In hōc cum trēs mēnsēs sine ūllis dolōribus,
praeterquam quōs ex cūratiōne capiēbat, cōsūmpsisset,
5 subitō tanta vīs morbī in imum intestinum prōrūpit, ut
extrēmō tempore per lumbōs fistulae pūris ērūperint.
Atque hōc priusquam eī accideret, postquam in diēs
dolōrēs accrēscere febrēsque accessisse sēnsit, Agrippam
generum ad sē arcessī iussit et cum eō L. Cornēlium
10 Balbum Sextumque Pēducaeum. Hōs ut vēnisse vidit,
in cubitum innīxus “Quantam,” inquit, “cūrā diligē-
tiamque in valētūdine meā tuendā hōc tempore ad-
hibuerim, cum vōs testēs habeam, nihil necesse est
plūribus verbis commemorāre. Quibus quoniam, ut spērō,
15 satisfēcī, mē nihil reliquī fēcisse, quod ad sānandum mē
pertinēret, reliquum est ut egomet mihi cōsulam. Id
vōs ignōrāre nōlū; nam mihi stat alere morbum dē-
sinere. Namque hīs diēbus quidquid cibī sūmpsī, ita
prōdūxī vītam, ut auxerim dolōrēs sine spē salūtis. Quā
20 rē ā vōbis petō, primum ut cōsiliū probētis meum,
deinde nē frūstrā dēhortandō impedire cōnēminī.”

XXII. Hāc ōratiōne habitā tantā cōstantiā vōcis atque
vultūs, ut nōn ex vītā, sed ex domō in domum vidērētur
migrāre, cum quidem Agrippa eum flēns atque ōsculāns
25 ōrāret atque obsecrāret, nē id quod nātūra cōgeret ipse
quoque sibi accelerāret, et, quoniam tum quoque posset
temporibus superesse, sē sibi suisque reservāret, precēs
ēius taciturnā suā obstinātiōne dēpressit. Sīc cum bī-
duum cibō sē abstinuisset, subitō febris dēcessit leviorque
30 morbus esse coepit. Tamen prōpositum nihilō sētius
perēgit itaque diē quīntō postquam id cōsiliū inierat,
pridiē Kal. Aprīlēs Cn. Domitiō C. Sōsiō cōsulibus

dēcessit. Elātus est in lectīculā, ut ipse praescripserat, sine ūllā pompā fūneris, comitantibus omnibus bonīs, māximā vulgī frequentīā. Sepultus est iuxtā viam Appiam ad quīntum lapidem in monumentō Q. Caeciliī, avunculi suī.

LIBRARY OF CONGRESS



0 003 092 443 5